

# SCVTVM REGIVM.

id est,

ADVERSVS OMNES  
REGICIDAS ET REGICIDA-  
RVM PATRONOS, AB INITIO

mundi vsque ad interitum PHOCAE

*Imp. circa annum ab Incarnatione*

Domini 610. Ecclesiae Catho-

licae consensus Or-

*thodoxus.*

In tres Libros diuifus, quorum

1. *Primus continet testimonia & exempla Sacrae Scripturae utriusq. testamenti.*
2. *Secundus Ecclesiae Primitivae innocentiam, & erga Principes obedientiam, sub decem granissimis persecutionibus.*
3. *Tertius Orthodoxorum fidelitatem in Haereticos, & nefarios Imp. ab Imperio Constantini Magni vsque ad exitum Phocae,*

Authore Georgio Hakewill, Sacrae Theologiae  
Doctore e Coll. Exoniensi in Aca-  
demia OXON.

---

LONDINI.

Impensis Iohannis Crosley.

1612.

SCVTVM

REGIVM

AD ERSVS OMNES

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA

REGIDAS ET REGIDA





ILLVSTRISSIMO  
PRINCIPI AC DOMINO,  
DOMINO HENRICO, INVICTI-  
TISSIMI ET AVGVSTISSI-  
MI IACOBI MAGNAE BRI-  
tannia, Francia, & Hibernia, Regis  
filionatu maximo, Principi Wallia,  
Duci Cornubiæ, & Comiti  
Cestriæ.

**D**vo sunt (flos & delicia  
Gentis Britannicæ, HEN-  
RICE PRINCEPS) quæ  
me ad hoc pensum subeun-  
dum animârunt; vnum,  
quod nullum viderim Latine saltem, hanc  
controverſiam, huius æui maximam, hac  
methodo prius eventilantem: alterum, quod  
neceſſarium duxerim, debere, multorum  
A 2 licet

## Epistola Dedicatoria.

licet eadem repetentium linguas & calamos  
in ea, cum sit tanti ponderis, discutienda de-  
sudare, ut veneno antidotum, longè lateq;  
per venas Christiani orbis grassanti, eo ve-  
locius & valentius possit obuiare. Non sum  
nescius, viros grauissimos, tam è nostris  
quàm transmarinis partibus, (Serenissimo  
IACOBO duce) in hanc palestram iampri-  
dem descendisse, & cum suis antagonistis  
fœliciter congressos: sed illi aduersariorum  
tortuosa sophismata insequuti, quam sibi  
proposuerunt palmam assequuti sunt: ego  
verò filum historiae, & ductum temporis  
sequutus, contendo magis discendi cupidos  
instruere, quàm os obstruere oblatrantibus:  
quanquam, qui veritatem astruit, errorem  
pariter non possit nō destruere, cum rectum  
sit index sui, & obliqui. Veruntamen (ut  
semel dicam quod res est) cum me measq;  
Meditationes, huc vsque intra primariam  
Ecclesiae puritatem, tanquam summitatem  
Olympi compegerim, non fuit cur in erro-  
rum dissoluendis nebulis, aut ventis con-  
tradictionum sopiendis, me multum fatiga-  
rem. Hic nulla in regibus coercendis populi  
tempestas, Papismi caligo nulla. Paulo in-  
ferius quidem, ad medium huius montis,  
ortum

## Epistola Dedicatoria.

*ortum & vibratum in Imperatorum capita  
excommunicationis & anathematis fulmen:  
sed illud plerumq<sup>3</sup> brutum: Ad pedem vero  
depositionis & internecionis tonitru. Con-  
sulatur Bellarmini Catalogus testium, Li-  
bro suo aduersus Barclaium, de tempo-  
rali pontificis potestate praefixus, & quae  
dixi vera esse, quispiam non malitiosè cecus  
facile deprehendet: Cum primus & anti-  
quissimus quem Barclaius opponit, è natio-  
ne Italica sit Gregorius vii. è Gallica  
St. Bernardus, ex Hispanica Raymun-  
dus, è Germanica Stephanus Episcopus  
Halberstadenfis, ex Anglica, Alexan-  
der Halensis, è Scotica Franciscus Mai-  
ronus: quorum testimonia, quàm appositè  
allegata sint, alia dehinc dabitur (ut spero)  
examinandi occasio. Ego contra in pulue-  
rem & aciem educo, praeter utriusq<sup>3</sup> testa-  
menti exempla & praecepta, Ignatium,  
Tertullianum, Cyprianum, Basilium,  
Nazianzenum, Chrysostomum, Am-  
brosium, Hieronymum, Augustinum,  
Gregorium, totius Ecclesiae Primitiuae  
praxin & Synodorum consensum. Neque  
defuerunt in quolibet deinceps saeculo, (to-  
nante licet & omnia permiscente Anti-  
christo)*

## Epistola Dedicatoria.

Christo) qui hanc veritati facem prætulerunt: imò neque desunt hac nostra aetate, vel unquam in posterum deerunt, ex ipsis Pontificiorum Scholis oriundi, qui Bellarmini, de hac Pontificis potestate Transcendentali sententiam palam & aperte oppugnare non verebuntur: licet credere fas, eandem esse opinionem totius Societatis Iesuiticæ, Collegij Cardinalium, & ipsius Romani Pontificis. Quò magis laudo & veneror, Cordatissimè Senatus Parisiensis, in Cardinalis libro aduersus Barclaium inhibendo & flammis adiudicando, animositatem & prudentiam: Cuius tanta, etiam patrum nostrorum memoria, in suorum regum personas vigilantia, tantus zelus fuit, ut cum quidam Normandiæ Nobilis, se regem Franciscum, eius nominis primum, occidere voluisse Franciscano Sodali religiose confiteretur, ab eo sceleratæ istius cogitationis veniam efflagitans: Rege à fraterculo sceleris admonito, & confitentem reum Iudicibus Curiae Parisiensis sisti iubente, ab illis propter cogitationem tantum, eamq; in Sacramentali Confessione patefactam, Capitis damnatus est. Ita sacra semper fuerunt apud omnes bonos & pios regum

Tholos. l. de  
Repub. 26.  
cap. 7.



## Epistola Dedicatoria.

*regum personæ. Verumtamen, licet tantæ sint maiestatis prerogatiua, regnantis occurrat animo,*

Non tam quid liceat, quam quid fecisse decebit.  
*Et illud Plinij in Panegyrias : tu nihil amplius tibi vis licere, quam nobis, sic fit, vt nos tibi plus velimus. Nam vt foelicitatis tuæ est posse quantum velis : sic magnitudinis velle quantum possis.*

*Verum Celsitudinem vestram ab ipsa libri Lectione ulterius non morabor, (si tamen in eo quicquam occurrat, quod à tanto Principe absq; nausea libetur) de quo illud Kemidontij de Frederico III. Comite Palatino, iustum, verum :*

Qui te non vult, FREDERICE, videre cupiuit.  
Et qui te vidit, captus amore tui est.

*In cuius unius vultu, tuorum omnium Prædecessorum virtutes singulas, Collectim vnitatis videre videor. Quare, nec prorsus diffido, te huic Scuto meo, Scutum futurum, præsertim cum in eo protegendo, salutem tuam, tuorumq; protegas, eoq; confido magis, quod me non ita pridem in Ædibus tuis Woodstochianis, de hoc ipso subiecto inter concionandum, nonnulla ingerentem, gratiosè & patienter audiueris.*



## Epistola Dedicatoria.

*Faxit Æternum numen, ut spei de te conceptæ, & votis publicis, res ipsa respondeat, quod euenturum facile sperem, si illud in oculo, in aure, in animo semper geras:*

*Et Pater Æneas, & auunculus excitet Hector.*

*Celsitudinis vestræ humillimus  
seruus.*

*Georgius Hakewil:*

---

---



Index Capitum, quæ con-  
tinentur his tribus  
LIBRIS.

LIBER I.

CAP. I.

**D**E atrocitate Homicidij.

CAP. II.

*Quàm horrendum sit piaculum, violen-  
tas manus in sacras Principum personas  
inijcere.*

CAP. III.

*Complectens exemplum Caini & Ia-  
cobi Patriarchæ.*

CAP. IV.

*De patientia Iudaorum in servitute  
Ægyptiaca, & erga Moſen obedientia.*

CAP. V.

*De interitu Eglonis per manus Aod, &  
ſeptuaginta virorum à regia ſtirpe per A-  
bimelech & Sichemitas.*

CAP.

## Index Capitum.

### CAP. VI.

*De explicatione loci difficilis ad regiam potestatem pertinentis. I. Sam. 8.*

### CAP. VII.

*De admirabili Davidis erga Saulem obedientia.*

### CAP. VIII.

*De proditione Absolonis & Seba, & eorundem miserando exitu.*

### CAP. IX.

*De miserando exitu Ieroboam, Baasath, & Zamri.*

### CAP. X.

*De vindicta in Athaliam aliosq; Regidas.*

### CAP. XI.

*Quomodo perierint Ammonis percussores, & Iudæi se gesserunt erga Nabucodonosorem in captiuitate Babylonica.*

### CAP. XII.

*De supplicio Bagathan & Tharez, & Iudeorum patientia sub Assuero.*

### CAP. XIII.

*De Iudeorum sub Antiochi tyrannide patientia.*

### CAP. XIII.

*De Saluatoris obedientia erga Principes & Magistratus.*

CAP.

Index Capitem.

CAP. XV.

*De Apostolorum praxi & monitis.*

De sacris Imperatorum  
*personis Ecclesie primitivæ*  
decem persecutio-  
nibus.

LIBER. II.

CAP. I.

**D**E obedientia Christianorum in Ne-  
ronem, sub persecutione prima.

CAP. II.

*De obedientia Christianorum in Domi-  
tianum sub persecutione secunda.*

CAP. III.

*De obedientia Christianorum, in Tra-  
janum sub persecutione tertia.*

CAP. IIII.

*De obedientia Christianorum in Adria-  
num, Antonium, Pium, & Commo-  
dum Imperat. sub persecutione quarta.*

CAP. V.

*De obedientia Christianorum, erga Se-  
uerum Imp. sub persecutione quintâ.*

CAP.

## Index Capitum.

### C A P. II.

*De miserando exitu Magnentij tyranni  
& fidelitate Orthodoxorum in Constanti-  
um Arrianum; præcipue verò Athanasij.*

### C A P. III.

*De fidelitate Christianorum erga Iulia-  
num Apostatam.*

### C A P. IV.

*De Christiana Orthodoxorum, præser-  
tim vero Basilij cognomento Magni obe-  
dientia erga Valentem Imperatorem Hæ-  
resi Arriana infectum.*

### C A P. V.

*De vindicta diuina in Maximum, Gra-  
tiani interfectorem, & obedientiam Or-  
thodoxorum præsertim verò Ambrosij in  
Valentinianum Iuniorem, Arrianum,  
& Theodosium Seniore.*

### C A P. VI.

*Quomodo Chrysostomus se gesserit er-  
ga Arcadium & Eudoxiam sui oppres-  
sores.*

### C A P. VII.

*De obedientia Cyrilli, & Concilij E-  
phesini, erga Theodosium Iuniorem,  
sui perturbatorem & persecutorem.*

C A P.



## Index Capitem.

### CAP. VI.

*De obedientia Christianorum in Maximinum Imp. sub persecutione sexta.*

### CAP. VII.

*De obedientia Christianorum in Decium & Gordianum Imp. sub persecutione septima.*

### CAP. VIII.

*De obedientia Christianorum erga Valerianum, Imperator. sub persecutione octava.*

### CAP. IX.

*De obedientia Christianorum in Aurelium persecutione nona grassante.*

### CAP. X.

*De obedientia Christiana in Dioclet. Et Maxim. sub persecutione decima.*

---

**Ab initio Imperij Constantini, vsque ad interitum Phocæ.**

## LIBER III.

### CAP. I.

**D**E fidelitate Hereticorum & Paganorum in Constantinum, & Christianorum in Licinium.

CAP.

## Index Capitum.

### CAP. VIII.

*De obedientia Orthodoxorum omnium,  
imprimis verò Romanorum pontificum er-  
ga Anastasium Imperator. Eutychianum.*

### CAP. IX.

*De obedientia Iustiniano præstita, licet  
in Hæresim lapsus fuerit; & testimonio  
Agapeti de immunitate Regum.*

### CAP. X.

*De testimonio Gregorij Magni, & in-  
teritu Phocæ, Mauritiij interfectoris.*

SCVTVM



# SCVTVM REGIVM.

CAP. I.

*De atrocitate Homicidij.*

**T**RIBVS <sup>a</sup> di-  
versis tempori-  
bus, ante Legem  
*Mosis*, in Lege  
*Mosis*, & tempo-  
re Legis Evan-  
gelicæ, sub initi-  
um nascentis Ecclesiæ, vetitum esse  
sanguinis esum legimus; quo vehe-  
mentius scilicet homines (ut rectè in-  
terpretatur antiquitas) ab humani san-  
guinis effusione deterrentur. Nec  
mirum certè, cùm tanta sit hujus pec-  
cati enormitas, ut inter <sup>b</sup> quatuor *cla-*  
*mantia peccata* in sacris codicibus, pri-  
mum locum teneat; & post ipsum ori-  
ginale secundum. <sup>c</sup> *Vox sanguinis, fra-*  
B *tris*

<sup>a</sup> Gen. 9.  
Levit. 17.  
Act. 15.

<sup>b</sup> Gen. 18.  
Exod. 3.  
Iud. 5.

<sup>c</sup> Gen. 4.

c Es. 26. 21

f Hom. 27.  
in Gen.

tris tui, clamat ad me de terra (inquit Dominus ad Cainum:) siccinè vero? sanguis vocem habet? & vocem clamantem? & clamantem de terra usque ad coelum? penetrantem nubes? & pulsantem aures Iehovæ? ita planè est, ut qui hominum fortassis, vel censuras, vel aspectus effugerit; divini tamen Numinis justam sentiat vindictam, (nam ubi desinit humana iustitia, ibi incipit divina:) <sup>c</sup> Ecce enim Dominus egredietur de suo loco, ut visitet iniquitatem habitatoris terra contra eum, & revelabit Terra sanguinem suum, & non operiat ultra interfectos suos. Neque enim aliud peccatum est, quod Deus ipse propriâ manu gravius & frequentius ulciscatur. Vndè Gen. 9, non legitur, *Requiretur anima hominis de manu fratris ejus*: sed, *Ego requiram animam hominis*: quin & ratio subindè atteritur, ad imaginem quippe Dei, factus est homo; ita nempe à Conditor suo comparata est hominis natura, ut singulis peccatis in eam impressis vitietur Dei imago, hoc unico autem quodammodo dissoluatur. Pulchrè in illa verba <sup>f</sup> Chrysostomus (ut solet omnia:)



nia): Ingens, inquit, terror astrictus est, quasi diceretur, Si te non revocat à cæde hominis, quòd ejusdem tibi naturæ est, si adeò totus animo sceleratus & impius es, ut fraternum foedus violare pro nihilo habeas, omnemquè compassionem & sensum humanitatis exueris: cogita, quòd ad imaginem Dei factus est, & quantis eum Deus dignatus sit prærogativis; & quod omnis creaturæ dominatu atque imperio dignatus sit: & hæc cogitatio à tam immani proposito te cohibebit. Quibus mihi adjicere liceat; si Principis statuam deturbans aut confringens, seuerè puniatur, quanto magis dissipans vivum illud atq; intelligens Dei simulachrum, in cujus compage omnium creaturarum flores & eminentias, tam mirabili unione ipse naturæ fator colligavit? quòd tantum brutis præstat animantibus figura corporis, majestate vultus, temperie carnis, & præsertim activitate mentis; quantum ipsa bruta animantia inanimatis, truncis & lapidibus. Vnicum ego primi homicidæ horrendum spectaculum, in scenam proferam: de



eo Gen. 4. scriptum legimus: quod cum *Abelem* fratrem suum interfecisset, divinam in eum latam sententiam, primò maledictionis in personam ipsius, *nunc igitur maledictus eris super terram*: deinde in facultates & opera manuum, *Cum operatus fueris eam non dabit tibi fructus suos*: Tertiò, in famam & nominis æstimationem, *vagus & profugus eris super terram*. Maledictionem corporis, sequitur animi desperatio, *Dixitque Cain ad Dominum, major est iniquitas mea quàm ut veniam merear*: animi denique desperationem horror & anxietas conscientix, *Omnis qui invenerit me, occidet me*: & quod omnium miserrimum fuit, tædebat vivere, & tamen mori non potuit: *Omnis qui occiderit Cain septuplum puniatur*: posuitq; Dominus in Cain signum, ut non interficeret eum omnis qui invenisset eum, quod signum, consentiunt antiquiores plærique, fuisse insignem totius corporis, & præcipuè capitis tremorem, egressusque Cain a facie Domini, *habitarit profugus in terra ad Orientalem plagam*. Hinc Deut. 21. tantum Cere-  
moniarum, tamquè accurata solennitas,

tas, ad expiationem urbis à sanguine occisi ex mandato Legis Mosaicæ. Quando inventum fuerit, in terra quam Dominus Deus daturus est tibi hominis cadaver occisi, & ignorabitur cadis reus; egredientur maiores natu, & Iudices tui, & metientur à loco cadaueris singularum per circuitum spatia civitatum, & quam viciniorem cæteris esse perspexerint, Seniores civitatis illius tollent vitulam de armento, qua non traxit jugum, nec terram scidit vomere, & ducent ea mad vallem asperam atque saxosam, qua nunquam arata est, nec sementem accepit, & cadent in ea cervices vitula, accedentque Sacerdotes filii Levi (quos elegerit Dominus Deus, ut ministrent ei, & benedicant in nomine ejus) & ad verbum eorum omne negotium pendeat, & quicquid mundum vel immundum est, judicatur, & venient maiores natu civitatis illius ad interfectum, levabuntq; manus suas super vitulam quæ in valle percussa est, & dicent, manus nostræ non effuderunt sanguinem hunc, nec oculi viderunt: propitius esto populo tuo Israel, quem redemisti (Domine) & ne reputes sanguinem innocentem in

g Num. 35.

h Exod. 21.

i Reg. 3. 2.

k Lib. x. In-  
stit. Juris  
Canon. cap.  
25.

*medio populi tui, & auferetur ab eis reatus sanguinis.* Equidem non memini, per totam Legem Mosaicam in gente Israelitica, ab aliquo peccato expiandæ, magis exquisitam, & curiosam mandari Cæremoniarum observationem: nec mirum certè, cùm tam atrox sit facinus homicidium, ut Deo ipso jubente, nullum habeat sacrificium: g *Non accipies pretium ab eo qui reus est sanguinis, Sanctuarium nullum, h si quis de industria occiderit proximum suum, aut per insidias; ab altari meo evelles eum, ut moriatur.* Et juxta mandatum hoc, Regum sapientissimus, jussit i *Benajam filium Joide Iobabum* homicidam, licèt in ipso stantem tabernaculo, & tenentem cornua altaris, interficere. Nec ea est tantùm Legis divinæ in hoc piaculo cocercendo severitas, sed humanarum omnium, tam *Imperialium*, quàm *municipalium* unanims conspiratio. Quin & k *Iure pontificio* cautum est, ut vel fortuitò hominem occidens, à sacris ordinibus in perpetuum arceatur. Et ne inultus evaderet homicida, miraculum quasi in hoc scelere detegendo frequentèr operatus est Deus;

Deus; ut presente percussore, ipsum ex-  
 angue cadaver, recentem sanguinem  
 effundat: quod licet ad antipathiam a-  
 lii, malim tamen ego, ut omnipoten-  
 tem Dei digitam referre: ita Deo pari-  
 ter & hominibus, Christianis & Bar-  
 baris, odiosum est, semperque fuit, vel  
 ipsum homicidii nomen: res verò ipsa  
 horroris plena. Concludamus itaque  
 cum Regio Psalmista, <sup>1</sup> *Libera me Do-  
 mine, de sanguinibus, Deus, Deus salutis  
 meæ: eoque expetamus ardentius, quia  
 (ut idem alibi:) <sup>m</sup> Viri sanguinum, & do-  
 losi, non dimidiabunt dies suos: vel enim  
 sibimet ipsis violentam mortem con-  
 sciscunt, vel publico Magistratus gladio  
 cadunt, vel in duello percunt, vel ipsius  
 Dei digito feriuntur. Consulantur Hi-  
 storix, revolvantur Annales, & quotus-  
 quisque inveniatur homicida, cujus  
 dies nō fuerint dimidiati? ita ut intuens  
 iratum Iudicem, expectans cruentum  
 carnificem, sentiens mordentem con-  
 scientiam, metuens creaturas sanguinis  
 vindices, in squalore viveret, & cum in-  
 famia moreretur. Stat enim, & in æter-  
 num stabit divini veritas oraculi, <sup>n</sup> *Non**

1 Psal. 5. 15.

m Psal. 54.  
27.n Num. 35.  
31.



*aliter terra ab innocentis cruore expiari potest, nisi per ejus sanguinem qui innocentis fuderit.*

## CAP. II.

*Quàm horrendum sit piaculum, violentas manus in sacras Principum personas injicere.*

**S**I simplex homicidium, ita Deo & hominibus execrandum sit, cogitate (quanquam vel ipsa cogitatio vix assequi possit) quàm horrendum sit piaculum, in sacrosancta Principum capita involare, qui cæteris hominibus tantum præstant, quantum ipsi homines brutis animantibus. Cùm enim alii homines in natura imaginem Dei gerant: Principes tum naturâ, tum officio, tum etiam eorum aliqui ingenita miracula edendi virtute. Et cùm alii magistratus Principis vices gerant, ipsi Principes solius Dei, illi soli suarum actionum rationem reddituri: & si rectè administraverint, ab eo solo pro coronis corruptibilib<sup>9</sup>, immarcescibiles accepturi. Atque



Atque hinc est, quòd in sacra Pagina, peculiari modo, *cor Regis in manu Dei esse dicatur*, juxta illud, *Per me Reges regnant, & Legum conditores justa decernunt*. Nec tantum imaginis Dei, aut filiorum ejus titulo insigniuntur; sed à *Davide*; imò, ab ipso Deo, dii appellantur: *P Ego dixi, dii estis: & ad Samuelem, q Non te abjecerunt, sed me, ne regnem super eos*: quia scilicet & in loco Dei sedent, & personam Dei representant, & Dei judicia exequentur, & naturalem Dei filium unctiōe imitantur, & denique à Deo coronas & sceptrà immediatè tenent. In ipsos igitur insurgere, quid aliud demum est, quàm in Deum ipsum. Gygantomachian instituere, & pulcherrimum hujus universi ordinem miscere & demoliri? Memorat *Aristoteles* in lib. *De mundo*, in *Minerva statua*, oculum ita artificiosè intertextum, ut inde evellere, si quis vellet, non aliter posset; quàm si totum solveret simulachrum. Certè oculus Reip. est Princeps, qui exinde violenter eximi non aliter potest, quàm ut totius Reipub. fabrica & compages, si non

o Pro. 8. 15.

p Psal. 81. 6

q 1 Sa. 8. 7.

non collabascatur, concutiat, saltem. Si itaque hic oculus tenebrosus sit, certe magnæ, necesse est, sint tenebræ totius corporis: tamen satius puto, ut iudicio divino reservetur, quàm cum totius corporis periculo evellatur, ne ipso morbo deterius remedium inveniat. Ad Chyrographum coeleste redeo: *⁊ Dīs non detrahes, ⁊ Principi populi tui non maledices*, inquit Dominus per Moysen; ⁊ per Davidem, *⁊ Nolite tangere Christos meos*: ⁊ per Salomonem, *⁊ In cogitatione tua Regine detrahas, qui ⁊ aves cæli portabunt vocem tuam, ⁊ qui habent pennas annuntiabunt sententiam*: tantum abest, ut trucidare permittat, ut ne maledicere quidem, ne in secreto cubiculi, aut malitiosè tangere liceat. Meminit *Marcus Cicero* in <sup>u</sup> Oratione sua pro *Sexto Roscio Amerino*, Romanos, Cùm intelligerent nihil esse tam sanctum, quod non aliquando violaret audacia, supplicium in parricidas singulare excogitasse: ut quos naturâ ipsæ retinere in officio non potuisset, ij magnitudine poenæ maleficio summoveantur, insui voluerunt in culeam vivos atque

⁊ Exod. 23.

⁊ Psal. 104.

⁊ Eccle. 10.

u Circa  
mediū.

atque ita in flumen deijci. O singularem sapientiam (inquit idem *Tullius*) nonne videntur hunc hominem ex rerum naturâ penitus sustulisse, cui repente cœlum, solem, aquam, terramque ademerunt, ut qui eum necasset, unde ipse natus esset, careret eis rebus omnibus, ex quibus omnia nata esse dicuntur. Quid tam cōmune est quàm spiritus vivis? terra mortuis? mare fluctuantibus? littus ejectis? ita tamen hidum possunt, vivunt, ut ducere animam de coelo non queant, ita moriuntur, ut eorum ossa terra non tangat, ita jactantur fluctibus, ut nunquam alluantur, ita postremò ejiciuntur, ut ne ad saxa quidem mortui conquiescant. Supplicium equidem per insigne, peccato tamen dispar: *quia vel malo Patri satis magna gratia nunquam referri potest.* Et si parricidæ tantum meruerint, quid demùm Regicidæ? si tantopere devovendus, qui privatum patrem occiderit, quomodo qui publicum Patrem patriæ, pastorem populi, lumen oculorum, narium spiritum, cordis jubilum? Cettè, si quid nostro supplicio  
*forti*

° Cuius sup-  
plicio non  
debit una  
parari. Si-  
mia nec ser-  
pens unus  
nec culcus  
unus, Iuve.  
Sat. 8.

*forti & duro*, fortius aut durius excogi-  
tari possit, dignum illud omne, quod in  
tale humani generis monstrum effun-  
datur: imò, ipse dignus qui secum in  
morte socios habeat, quorum in vita  
se se imitatore ostendit. quod olim  
etiam in parricidæ supplicio factitatum  
perhibetur, \*gallum scilicet, viperam,  
simiam, & canem; gallum, quia ut iste  
parentem suum aggredi non veretur,  
ita nec Regicida tam suum quam pa-  
triæ communem parentem; viperam,  
quia ipsius viscera corrodit, cuius be-  
neficio luce fruitur; simiam, quia cum  
externam hominis figuram gestet, vilis-  
sima bestia deteriorem animum induit;  
canem denique, ut hujus animalis in  
suum dominum fidelitas hujusmodi  
portenti condemnat perfidiam. *Caii*  
*Cæsaris* exemplum nobis erit instar  
omnium, quod eo libentiùs è propha-  
na Historia profero, quia in sequenti-  
bus me paulò strictiùs intra ecclesiasti-  
cæ limites statui compingere. Hic ita-  
que licet vi & armis statum illius Reip.  
ad unius principatum evexerit, ejus ta-  
men percussores omnes, qui nihilo-  
minùs



minus venditabant se stare pro illibata Reipub. libertate adversus tyrannum; postea à Deo percussos Historiographi, qui de ejus vita & morte aliquid literis tradiderant, diligenter observaverunt omnes. Profitetur *y Appianus* se duos integros Libros, tertium & quartum de civilibus Romanorum bellis, in accurata hujus eventus disquisitione impendere: *z Plutarchus* verò ipse quidem Græcus, sed in rebus Romanis versatissimus pariter & oculatissimus his verbis hanc Tragœdiam suo more gentilitio elegantè describit: Magnus ille suus, quo viuens usus erat Genius, ejus quoque defuncti necis authores, ultor subsequutus est: omnes namque terras & maria peragrans eosque investigavit, ut ex percussoribus neminem relinqueret, quin in stragem dederit universos: cæterum, ex humanis quidem rebus id præcipuè admirationis extitit, quod *Cassio* evenit, eodem siquidem pugione, quo in *Cæsarem* usus fuerat, seipsum interemit: ex divinis autem, stella ingens crinita, quæ cum post *Cæsaris* intetiturum ad septem usque noctes eximio

y In princip. lib. i. de bellis civil.

z In vita Cæsar. i.

a *Annal.*  
lib. 4.

b *Sueton.*  
in vit. Cal.

c *Lib. 2. de*  
*Ira. cap. 30.*

d *Hor. libr.*  
2. Od. 1.

eximio fulgore apparuisset, postea nunquam visa comparuit: haecenus *Plutarchus*. Quin & *Crementius Cordus* apud *Cornelium Tacitum* (imperante *Tiberio*) in jus vocatur, quod editis *Annalibus* *M. Brutum* & *C. Cassium*, *Romanorum ultimos* dixisset, quæ eo sensu à me alligata intelligi velim; non quod putem Tyrannum posse licitè in civium capita, & fortunas, pro sua libidine grassari; aut quasi illa *Caligula* vox placeret, <sup>b</sup> *sibi omnia, & in omnes licere*: sed ut probem utcunque grassantem, si legitimè imperio fruatur, non posse licitè à suis civibus, aut quolibet alio interfici. Audi divinum *Senecam*, quem licet ethnicum in ecclesiasticorum Scriptorum catalogo reponere *S. Hieronymus*, non est veritus, <sup>c</sup> *Rex, inquit, si nocentem punit, ceder dum est iusticia; si innocentem, cedendum est fortunæ*: id est, (ut ipse alibi) divinæ providentiæ: siquidem

<sup>d</sup> *Regum timendorum in proprios greges, Reges in ipsos Imperium est Iovis.*

CAP.

## CAP. III.

*Complectens exemplum Caini & Iacobi Patriarchæ.*

**S**Vb lege naturæ tum sacerdotii jus, tum principatus primogenituræ fuisse annexa notius est, quàm ut à me ulteriori aliqua explicatione indigeat, unica illa *Iacobi Patriarchæ* sufficiat vox, *⁊ Ruben primogenitus meus, tua fortitudo mea, ⁊ principium roboris mei, prior in donis, maior in imperio:* in donis proir ad obeundum munus sacerdotii, & in imperio maior ad officium principatus subeundum: Iam verò *Cain* fuisse *Adami* primogenitum, vel ex ipso nomine apparet. Quamprimùm enim eum peperisset, dixit *Evah*, *⁊ Possedi hominem per Deum*, quod utique non dixisset, si alios filios ante *Cain* genuisset; in illos enim potius quàm in *Cain*, id nominis conveniebat. Non igitur mirandum, cùm in persona *Cain* honor principatus inhæserit, licèt fratrem suum crudeliter interfecerit, procacitè Deo responderit,

c Gen. 29. 3

f Gen. 4. 1.

responderit, sceleris admissi veniam desperaverit, eius occisionem tamen tam severè à Deo inhibitam, ut quicumque occiderit *Cain*, septuplum puniendus foret, quod aliqui quidem factum autumant, ut reservaretur ex Dei misericordia in poenitentiam; alii ex iustitia in terroris exemplum, quorum ego neutrum inficias eo, modo illi etiam concedant, Deum hoc exemplo Ecclesiam (in ipsius vagitu quasi & incunabulis) docere voluisse, etiam in cruentos, & tyrannicos Principes, violentas manus injicere cuipiam mortaliū non licere. Huic opinioni, aliquod saltem probabilitatis lumen mihi allatum pollicetur illud *Jacobi* exemplum, Gen. 33. qui licet tum benedictionis paternæ, tum primogenituræ Ius ex gratia divina suscepisset, & frater ipsius illi mortem post obitum patris fuisset interminatus; ita tamen naturalem primogenituram respexit, ut non modò de vi fratri suo referenda utcunque copiis instructissimus, nihil cogitaret: sed illum legatione, & per legatos munerum præsentatione præveniret, huma-

g Gen. 33.



humanitate superaverit, placaverit  
submissione: <sup>h</sup> *Sic (inquit) vidi faciem  
tuam, quasi viderim vultum Dei: & pau-  
lò post, <sup>i</sup> hoc unum tantum indigeo, ut in-  
veniam gratiam in conspectu tuo Domine  
mi.*

<sup>h</sup> vers. 10.

<sup>i</sup> 15.

Capite <sup>k</sup> sequente, legimus *Simeonem & Levi* ob raptum sororis suæ *Dinae*, Principes terræ illius *Sichem & Hemor* Idololatrias quidem, sed tamen legitimos, per dolum malum interfecisse, sed quo eventu? certè non alio quàm ut & incolarum istius loci odium, & sui patris <sup>l</sup> maledictionem incurrerent. Ita enim filicernius senex, & iamiam moribundus, cum aliis filiis benediceret eorum capita devovet: <sup>m</sup> *Simeon & Levi, fratres, vasa iniquitatis, bellantia, in consilium eorum non veniat anima mea, & in cætu eorum non sit gloria mea; quia in furore suo occiderunt virum, & in voluntate sua suffoderunt murum, maledictus furor eorum quia pertinax, & indignatio illorum quia dura; dividam eos in Iacob, & dispergam eos in Israel.*

<sup>k</sup> Cap. 34.

<sup>l</sup> vers. 29.

<sup>m</sup> Ge. 49. 5.

## CAP. IV.

*De patientia Iudaeorum in servitute Aegyptiaca, & erga Mosen obedientia.*

nEXO.I. 7.

oEXO.I.II.

**D**VM in Aegypto<sup>a</sup> quasi germi-  
nantes & multiplicati nimis cre-  
verint Iudæi, surrexit, inquit *Moses*,  
rex novus super Aegyptum, qui igno-  
rabat *Ioseph*, iis præposuit hic magistros  
operum, ° ut affligerent eos oneribus &  
affligebant, illudentes ijs & invidentes, at-  
que ad amaritudinem perducebant vitam  
eorum operibus duris, luti & lateris om-  
nique famulatu, quo in terra operibus pre-  
mebantur. Quin & ulterius, obstetrici-  
bus imperat, ut assistentes parturienti-  
bus *Hebraeorum* foeminis, si foeminam  
enixæ essent, reservarent: sin mascu-  
lum, statim interficerent. Mittit interea  
Deus ad *Pharaonem*, *Mosen* & *Aaro-*  
*nem*; tanquam Legatos à latere, qui pro  
populo intercederent, & veniam à ter-  
ra *Aegyptiaca* exeundi impetrarent, sed  
inde *Pharao* pervicacior factus, & du-  
plicatæ populo pressuræ. Dura meher-  
culè

culè fors, & servitus deploranda, corpora flagellis & oneribus oppressa, fortunæ direptæ, vel dissipatæ, liberi ante oculos parentum trucidati, Duces contumeliis & maledictis laceffiti, Religio illusa, blasphematus Deus, & quid interim populus? num debacchantur in Principem, aut seditionem meditantur? nihil minùs: sed vires, inquires, defuerunt, quibus servitutis iugum excuterent; imò, audi ipsum *Pharaonem*:  
*p* Ecce populus filiorum Israel multus, & fortior nobis est: & si defuissent vires, non potuit *Moses* ad præsentiam *Pharaonis* non semel admissus, sicam in manica gestare ad iugulum vel latus ipsius fodiendum? vel cum in Aula Regia viveret, venenum illi curare propinandum? vel denique, qui tot & tam stupenda miracula in conspectu *Pharaonis* operatus est non potuit, etiam ipsum *Pharaonem* si voluit miraculosè prosternere? sed noluit Deus tale aliquod monumentum in sacris Codicibus posteritati traditum extare. Quid est igitur, quod tantis undique coarctati angustiis moliuntur tandè? verbulo

p Exod. I. 9

q Exod. 2.  
24.

r Exod. 14.  
17.

Hesiod.

subnectit Spiritus Sanctus, q̄ ingemifcentes filii Israel propter opera, vociferati sunt, ascenditq̄ clamor eorum ad Deum ab operibus. En semper arma Ecclesiæ; preces & lachrymas, & tamen ne impunè grassentur, aut inultè, vel Ecclesiæ nimis insultent Tyranni, Deus ipse suis illatas vindicat iniurias; ne aut innocentes desperent, aut nocentes petulanter insolescant, ut populus erga Principem obedientiam discat, & Princeps vicissim erga populos clementiam & mansuetudinem. Quare, non dicit, vos glorificabimini; sed ego glorificabor in Pharaone, & in omni exercitu eius, & in curribus; & in equitibus illius, & scient Aegyptii, quia ego sum Dominus. Neque ab hoc sensu abludit Poeta, de nequam Principibus loquens:

*Si quis sacriligè sese gerat, aut iniuste,  
Iupiter huic cælo clades immisit ab alto  
Pestem sive famem.*

Innuens nimirum, non esse subditorum, sed Dei malorum Regum furori frænos injicere, iuxta illud Iobi 12. Ipse balthæum Regum dissolvit, & præcingit fune renes eorum: & Greg. Hom. 17. In Evangelia



*subditorum quidem culpas per pastores percutit: sed Pastorum vitia per semetipsum ferit. Ita populū percutiebat per Eli & filios eius, ipsum verò Eli, eiusque filios per semetipsum feriebat.*

*Pharaone iam cum curribus & equibus suis in mari rubro submerso, & toto Israele indemni traiecto, factus est Moses ex Dei mandato, & consensu populi Iudæorum Dux & Iudex. Hic itaque licet tria millia Gentes illius uno die per manus Levitarum occidi curaverit, non legimus tamen, quòd vel gladium, vel linguam adversus eum strinxerit quispiā; & si aliquando murmureret populus, aut rebellis factus esset, acerbissimas semper dedit suæ temeritatis poenas; vel enim incendio & conflagrationibus è cœlo delapsis absorpti sunt, usquè aliquando ad 14. millia: vel plaga magna nimis consumpti, vel ab hiatu terræ aperientis os suum deglutiebantur, vel Serpentibus ignitis percussi, vel lepra perfusi, ut Maria ipsius Moses germana soror, quæ exinde (inquit Scriptura) apparuit cadens ut nix, & ab ea penè in instanti, usq; ad*

[Exod. 32.  
27.

[Num. 16.  
& 21.

u Num. 12.  
10.

*medium carnis ejus devoratum est. Quid? flamma coelitus dimissa? terræ hiatus? inusitata pestis? igniti serpentes? lepra denique candens & devorans ob mur-  
murationem & contumaciâ? quid si i-  
taque Moſen à regimine exuiſſent ſuo?  
ſi à principatu deturbaffent? ſi percuſ-  
ſiſſent? ſi vulneraſſent? ſi occidiſſent?  
herclè animus ſupplicia tanto debita  
piaculo*

*Meminiſſe horret, luctuq; refugit.*

CAP. V.

*De interitu Eglonis per manus Aod, &  
ſeptuaginta virorum à regia ſtirpe per  
Abimelech & Sichemitas.*

x Iud. 3.

**P**ROgreſſu temporis x *Eglon* rex Mo-  
abitarum, Iudæorum uſurpavit im-  
perium. Hunc *Aod* (quem notat con-  
textus fuiſſe ambo-dextrum) eodem  
penè modo interemit, quo illud Mona-  
chorum portentum, *Iacobus Clemens*,  
*Henricum* tertium Galliarum regem, ita  
ut hinc videatur *Clemens* ſui inclemen-  
tis facinoris ſumpſiſſe exēplar; quippe  
accin-

accinctus gladio subter sagum, & ingressus ad Regem: *Verbum*, inquit, *habeo secretum ad te O Rex*, egressi q<sup>ue</sup> omni-  
bus qui circa eum erant, sinistra manu eva-  
ginavit sicam, fixitq<sup>ue</sup> eam in ventrem Re-  
gis: tamen inter hoc *Aodi*, & istud *Cle-*  
*mentis* factum, illud restat discriminis,  
quod hic usurpatorem, & verè tyran-  
num interfecerit, qui in regno Israel ca-  
pessendo nec jus habebat, nec titulum:  
ille verò legitimum Monarcham. Hic  
in super divino spiritu excitatus, utpotè  
quem Scriptura attestante, ipse Deus  
salvatore *fascitavit*: ille verò spiritu  
Diabolico impulsus, & Furiis agitatus  
infernalis. Hic denique expresso  
populi consensu, (quod tamen in hoc  
casu nequaquam valere, postea demon-  
strabimus:) ille verò quorundam Cu-  
cullatorum monitis & instinctu. Ve-  
rùm de *Clemente* in sequentibus am-  
plior dabitur loquendi seges: de *Aod*  
autem aliquid etiam hoc in loco atte-  
xere volui, ne viderer corrasisse tantum  
quæ ad meas partes promovendas fa-  
cerent, contraria autem & quæ à Regi-  
cidis acerrimè urgentur consultò decli-  
nasse.

y Iud. 9.

Non ita multò post y *Abimelech* secum confæderatis *Sichemitis* aditum sibi ad regni gubernacula patefecit, occisione virorum septuaginta è Regia stirpe, solo relicto *Ioatham* natu minimo, sed hujus nefandi sceleris exitum paulisper expectante: precatur *Ioatham* ex amaritudine animæ suæ, ut egrediretur ignis de viris *Sichem*, & devoraret *Abimelech*, quod ibidem factitatum legimus. Posuit nempe Dominus spiritum pessimum inter *Abimelech* & *Sichemitas*, ita ut cæperint eum odisse, & scelus interfectionis septuaginta virorum, & effusionem sanguinis eorum in eum conferre. Quare surrexit ac irruit in eos, cepitq; urbem, & interfectis civibus, ipsaq; vastata sal in ea despergit, Turrim insuper excelsum succendit, & in ea mille hominum, fumo & igne vel suffocavit, vel combussit, & ipse tandem manu mulieris fragmen molæ desuper jacentis illiso capite, & confRACTO cerebro miserè periit. Ita reddidit Deus malum quod fecerat *Abimelech* contra Patrem suum interfectis septuaginta fratribus suis *Sichemitis* quoq; quod operati erant, retributum



tum est, & venit super eos maledictio  
*Iotham filij Ierubbaal. Phæbus ille vatem*  
dixit,

— δεινὸν δεινὸς κασιγιὼν ἐστὶ  
κλέιπει.

Homer.  
Odiss. π.

— *Res est gravis occidisse*  
*Regalem stirpem.*

Nec minùs graviter Historicorum pru-  
dentissimus, <sup>2</sup> *Rarò ea moles convelli, si-*  
*ne convellentium exitio potest.*

2 Tacit. 4.  
hist.

C A P. VI.

*De explicatione loci difficilis ad regiam po-*  
*testatem pertinentis. I. Sam. 8.*

**I**udicibus sæcularibus in Imperio Iu-  
daico successerunt Ecclesiastici, qui  
& Iudices fuerunt simul & Sacerdotes:  
inter hos cùm *Samuel* suos filios substi-  
tuisset, <sup>a</sup> *Qui non ambulaverunt in vijs e-*  
*jus, sed declinaverunt post avaritiam, ac-*  
*ceperuntq; munera, & perverterunt judi-*  
*cium:* congregati universi majores natu  
Israel, venerunt ad *Samuelem*, dixerunt-  
que ei, <sup>b</sup> *Ecce tu senuisti, & filij tui non*  
*ambulant in vijs tuis, constitue nobis Regē*  
ut

a vers. 3.

b vers. 5.

c vers. 14.

d vers. 18.

e Hist. 4.

f Aunal. 4.

g Egesip. l. 2.

ut iudicet nos, quibus ex mandato Dei suffragatur Samuel, iisque pariter effrenè futuri Regis his verbis graphicè depingit ingenium, <sup>c</sup> Agros vestros, & vineas, & oliveta tollet, & dabit servis suis, servos etiam vestros & ancillas, & iuvenes optimos, & asinos auferet, & ponet in opere suo [quasi dixisset:] hæc facturus est, non tam quod ei facere liceat, (aliter enim describitur Regis officium, Deut. 17:) sed quod ei talia molienti, vobis resistere non liceat. Quare non subnectit, vi ejus iugum excutietis, aut à solio deturbabitis, aut per insidias interficietis, aut auferetis eum veneno: sed <sup>d</sup> clamabitis in die illa à facie Regis vestri quem elegistis vobis. Nam ut prudenter & christianè <sup>e</sup> Tacitus: bonos Principes voto expetere debemus, qualescunque pati, & quomodo sterilitatem, aut nimios imbres, & cætera naturæ mala, sic luxum & avaritiam dominantium tolerare. Rationem ipse alibi reddit, <sup>f</sup> Principi summum rerum iudicium Dij dederunt, subditis obsequij gloria relicta est: & <sup>g</sup> nihil tam exasperat fervorem vulneris, quàm ferendi impatientia. Populus itaque cum ob

ob Regis legitimè constituti sævitiam, aliosvè mores tyrannicos, de eo abdicando, vel interficiendo conjurat, perindè facit ac filius, qui dum iusta de causa cæditur, virgam vi eripit, & extorquet è manu patris, atque in frustra concidit, vel cremat ignibus; quo facto, parentis in se animum, non ad misericordiam, sed ad iracundiam commovet, facitque, ut qui virgas fregit, mox loris vel funibus Ibericis feriat, & tam diu vapulet, dum rectam placandi rationem invenerit, nempè, cum lachrymis, obsecratione, precibus, & culpæ deprecatione ad miserationem flexerit.

## CAP. VII.

*De admirabili Davidis erga Saulem obedientia.*

**C**Vm jam ex voto suo Israelitæ *Saulem* sibi Regem elegissent, ille sibi suisque posteris duplici inprimis peccato dominandi ansam præripuit. Primò, quod *Samuelem* in officio sacerdotis prævenisset, ipseque suis manibus Deo obtulisset

h 1. Sa. 13.

obtulisset holocaustum : <sup>h</sup> Quod si non fecisses, inquit, ad eum Samuel, jam nunc preparasset Dominus regnum tuum super Israel in sempiternum: sed nequaquam Regnum tuum ultra consurget, quæ sivit Dominus sibi virum juxta cor suum, cò quod non servaveris, quæ præcepit Dominus:

i 1. Sam. 15

i secundo, quod Amalechitas ad inter-  
necionem usque jussus occidere, sibi  
prædam, & regem Agz incolumem  
reservaverit. Propterea, inquit, Samuel,  
quod abjecisti sermonem Domini, abjecit  
te Dominus ne sis rex. Et paulò post, ab-  
scidit Dominus regnum Israel à te hodiè,  
& tradidit illud proximo tuo meliori te.

k 1. Sam. 16  
17, 18, 19,  
20, 21, 22.

k Postcà ex Dei præcepto; tulit Samuel  
cornu Dei, & unxit David in Regem,  
& in eum infusus est spiritus Domini à  
die illo, & in posterum. Spiritus autem  
Domini recessit à Saul, & exagitabat  
eum Spiritus nequam. Quare loquu-  
tus est Saul ad Ionatham filium suum, &  
ad omnes fervos suos, ut occiderent  
David: quin & ipse, lanceam ad eum  
cum pariete configendum propria ma-  
nu ejaculatus est; licèt non ita multò  
antè, spiritus sui furorem cantu & mu-  
fica



fica *David* sopiisset, *Goliath* Israelitarum terrorem (lapide è funda emisso) trucidasset, & denique ducenta Philisteorum *Sauli*, pro filia ejus *Michol* præsentalset præputia. Neque his tamen in *David* generum suum, & jam unctum in regem contentus injuriis, conjugem ejus alteri tradidit, ipsum ac parentes suos patria expulit, ejus causa Sacerdotes octoginta quinque, præter Sacerdotem summum, interfecit, Nobe eorum civitatem, unà cum viris & mulieribus, parvulis & lactantibus, ovibus & alinis gladio percussit, & denique magno exercitu à loco ad locum, ejus animam tanquam pulicem aut perdicem persequabatur. Herclè, si usquam, si uspiam; justa cuiquam dari possit ratio regem iniustum è medio auferendi, *Davidi* ista datur. Quid interim ille? quas eructat minas? quam vindictam meditatur? de tolerando quidem cogitat magis quàm de tollendo, de ferendo quàm de feriendo: imò, à ferendo tantum abhorruit, ut cùm semel in spelunca, & iterum in tentorio ei daretur oportunitas (qua oportunior dari non potuit)

potuit) non modò manus suas ab isto scelere cohibuit, sed alios nimis iuvenitè exultantes, sua modestia repressit, satellites *Saulis* militesque eius Prætorianos, ut vigilantius suum Dominum deinceps custodirent, admonuit, & inclinans pronus in terram, illum Dominum regem suum appellando, seipsum verò pulicem & mortuum canem humillimè adoravit. Neq; huius tam stupendæ obedientiæ aliam ullibi reddidit causam, quàm quòd *Saul* sacer Deo esset, & ut ipse loquitur, <sup>1</sup> *Christus Domini: Propitius* (inquit) *sit mihi Dominus, ne faciam hanc rem Domino meo, Christo Domini, ut mittam manum meam in eum, quia Christus Domini est.* Et alibi, <sup>m</sup> *quis extendet manum suam in Christum Domini & innocens erit?* opinari tamen videntur inter Orthodoxos, quos vidi, duo: ex antiquioribus, <sup>n</sup> *S. Augustinus* (quod observavit & urget *Mariana*) è recentioribus verò <sup>o</sup> *Buchanus* Academiae Lausannensis Professor, *Davidem* noluisse quidem, potuisse tamen si voluerit ex speciali Privilegio divinitus indultolicè *Saul* interficere. Illud tamen

11. Sam. 24  
vers. 7.

m 1. Sa. 26.  
9.

n Contra  
Ad mant. c.  
17.

o Eoco 49.  
Instit. Theo.

tamen (salva tantorum autoritate dixerim) (quomodo sacris literis consonum sit, me nullo modo intelligere palàm profiteor, cùm cor *Davidis* eum percussisset, (ut inquit contextus) eò quòd tantum oram chlamidis *Saul*, idque latentè & clanculum abscidisset; & si licitè occidi potuerit *Saul*, quorsum quæso pro iniuria tantilla tanta anxietas? pro qua sola, somniant *Rabbini*, ita in decrepita sua ætate refrixisset *David*, ut calorem à vestibus nullo modo concipere potuerit; eò quòd scilicet vestem *Saul*, ipse temerario ausu absciderit. Sed dabimus, licitè potuisse *David* ex speciali privilegio (eò quòd ipse è Dei mandato unctus esset in Regem, & *Saul* reiectus) eum interficere, sed noluisse, ne author esset exempli interficendorum Regum; quantò minùs igitur privatus aliquis, imò tota Respub. aut potestas quæcunq; terrena & mortalis, in legitimum Principem manus audebit injicere? præsertim, cùm p *David* (ut in eodem semper prosequar perfectissimam obedientiæ Idæam) iuvenem *Amalechitam*, *Sauli* non subditum,

p 2. Sam. i.

92 Sa. 2. 5.

12 Sam. 4.

¶ vers. 8.

tum, stultè tantum gloriantem, se *Saul* interfecisse, & pro diademate & armilla (quibus eum mortuum spoliaverat) præmia expectantem, è vestigio interfici mandaverit. Quin & ulteritis, erga mortuum cadaver solitam exhibuerit reverentiam. Cùm enim ei nunciatum esset, quòd viri *Iabesh Gilead* sepelissent *Saul*, milit nuncios, dixitque ad eos: ¶ *Benedicti vos à Domino, qui fecistis misericordiam hanc Domino vestro Saul, & nunc retribuet vobis Dominus misericordiam & veritatem, & ego reddam gratiam, eò quòd fecistis verbum istud.* Postremò, ut hunc de  *Davide*  sermonem semel finiam (quamvis exemplum hoc nisi cum mundi fine nunquam sit finitum) cùm ¶ *Ishboseth* filium *Saul* ex consilio *Abner* regnum in se suscipientem, occidissent *Rechab* & *Baanah Berothita* (eum dum dormiebat in inguine spicis tritici percutiendo) properantes totâ nocte, caput eius quasi in triumpho ovantes, & amplam sibi pollicentes mercedem, ad *David* in *Hebron* attulerunt, dixeruntque ad regem. ¶ *Ecce caput Ishboseth filij Saul, inimici tui, qui*  
*quere-*



querebat animam tuam, & dedit Dominus domino meo regi ultionem hodie de Saul & de semine eius: respondens autem David, Rechab & Baanah fratri eius, dixit ad eos: <sup>t</sup> Vivit Dominus, qui eruit animam meam de omni angustia, quoniam eum qui annuntiaverat mihi, & dixerat, mortuus est Saul, qui putabat prospera nunciare, tenui & occidi eum, quanto magis nunc, cum homines impij interfecerunt virum innoxium, in domo sua, super lectum suum, non queram sanguinem eius de manu vestra? & auferam vos de terra?  
<sup>u</sup> Præcepit itaq; David pueris suis, & interfecerunt eos, præcidentesq; manus & pedes eorum, suspenderunt eos super piscinam in Hebron: caput autem Ishbosheth tulerunt & sepelierunt in sepulchro Abner in Hebron. Bone Deus! quisquam mortalium, qui noverit solum quid sit conscientia, quid Scriptura, putaret regicidas, & regicidarum patronos ista omnia legere, intelligere, credere, & tamen prorsus contraria moliri, imò tum privatim in absolutionibus, tum etiam publicè, tam in scriptis, quàm in scholis docere facienda? & facientes in al-  
 D bum

t vers. 9. 10.

u vers. 12.

bum Sanctorum reponere? O quàm  
 vellent sanguinarij isti, nullum profus  
 huius exempli (quo nihil in illorum  
 machinationes barbaras, è tota sacra,  
 vel profana Historia planius aut ple-  
 nius erui potest) in divinis Codicibus  
 vestigium vllibi extare; sed diuina pro-  
 uidentia extat, & inuitis eorum ensi-  
 bus, inuitis ignibus, ad rebellionis con-  
 fusionem perpetuam, & coronam obe-  
 dientiae in æternum extabit: & sanctis-  
 simus Propheta *David* exurget in iudi-  
 cio cum secta hac, & condemnabit; qui  
 illud non in ore solum, sed in corde fi-  
 xum habebat acroama, quod ego in  
 omnium Christianorum linguis, cordi-  
 bus, manibus, maiusculis characteribus  
 altè incisum cuperem; NQLITE TAN-  
 GERE CHRISTOS MEOS.

## CAP. VIII.

*De proditione Absolonis & Seba, & eo-  
 rundem miserando exitu.*

22. Sam. 13

**D***Avide adhuc superstite & Ammon*  
 eius primogenitus patrique ingu-  
 berna-

bernatione regni, si supervixisset, (vt fas credere) successurus, cum sorore sua *Thamar* incæstum paritèr & rapinam committit. Ob hoc facinus, *Absolon* *Ammonis* frater, cum ad conuiuium humanitèr inuitatum, & iam temulentum, occidi iubet: dignus certè *Ammon* qui etiam graviora pateretur, tu tamen *Absolon* indignus, qui vel ista faceres, filius regis, regis filio, & è regia stirpe natum maximo ad regnum iam destinato: sed peracta est hæc Tragoedia, quid tandem de *Absolone* factum? num in pace moritur? aut ordinaria morte perit? nihil minùs, sed<sup>a</sup> ob insignem improbitatem, & rebellionem infamis, capite, non crinibus (ut plerique putant) in quercu fortuitò suspensus, inter coelum & terram, vtroque scilicet indignus, pendet, donec tandem à *Ioab* tribus lanceis transfossus, animam emit. Sed de *Ioab* quid tandem factum? qui non est veritus ipse facere, ad quod faciendum alium inducere non potuit? herclè libera illa vox, & digna notari:  
<sup>b</sup> Si appenderes mihi in manibus meis mille argenteos, nequaquam mitterem manum

a Cap. 18.

b vers. 12.

c 3. Reg. 2.

*meam in filium Regis, sed suas tamen in illum intrepidè immisit c Ioab, & ipse domum in Templo, ipsa altaris cornua apprehendens, Solomonis iussu interfectus.*

d 2. Sam. 20

Eodem penè tempore accidit, ut *ibi esset vir Belial* (ut inquit contextus) nomine *Sebah filius Bochri, vir Iemineus, qui cecinit tuba, & ait: non est pars in Dauid, neque hereditas in filio Isai, reuertere in tabernacula tua Israel, & separatus est omnis Israel à David, secutusq, est Sebah filium Bochri*: Proditorem hunc in hanc etiam scenam introduco, non quod ut alii, regio sanguine suas manus cruentarit: sed quia, quod ad idem penè redit, seditionem commouerit, exercitum conscripserit, Regi denique suo bellum indixerit, in quo non minus regis, quam priuati alicuius caput fortunæ belli obiectum. Neque certè multum interest, inter occidere, & vitam non vitalem facere, vel ad occidendum viam sternere, & in omni proditionis macula illud verissimum,

*Pacius quos inquinat, equat.*

Sed filum Historiæ paulò ulteriùs prosequimini,



sequimini, & statim videbitis proditorem hunc, in suo volutantem sanguine, & caput ejus ex rogatu mulieris (consentiente etiam populo qui illum sequebatur) abscissum, & in manus *Ioab* de muro proiectum. Ita,

*Quem dies vidit veniens superbum,  
Hunc dies vidit rediens iacentem.*

## CAP. IX.

*De miserando exitu Ieroboam, Baasath,  
& Zamri.*

**D**avide iam & filio eius *Solomone* in pace mortuis, per juvenilem *Rehoboam* ejus successoris temeritatem, factum est, ut regnum inter illum & *Ieroboam* divideretur; ita ut hic decem tribus possideret, ille verò duas, hic etiam rex *Israel* (qui *Samariam* sedem habebat) vulgò diceretur, ille *Judæ* qui *Hierosolymam*. Et videtur certè à Deo excitatus *Ieroboam*; ut ebullientem *Rehoboam* insolentiam compesceret, & castigaret, iuxta illud: *à me factum est verbum hoc*. Sed quis tamen *Ieroboam* &

c 3. Reg. 12

fCap. 14.

familie eius exitus? audi tonantem Prophetam: <sup>f</sup> Ecce ego inducam malum super domum Ieroboam, & percutiam de Ieroboam mingentem ad parietem, & clausum & nouissimum in Israel, & munda-  
bo reliquias domus Ieroboam, sicut munda-  
dari solet finis usque ad purum: qui mortui fuerint de Ieroboam in ciuitate, comedent eos canes; qui autem mortui fuerint in agro, vorabunt eos aues cœli, & vnus solum de filiis ipsius, in sepulchrum inferetur, quia Dominus loquutus est. Neque in Scriptura deinceps nominatur, nisi summa cum ignominia, & nominis foetore, semperq; illum sibi titulum annexum gerit, tanquam captivus compedes, aut catenas: Ieroboam filius Nebat, qui peccare fecit Israel. Postremo, filius eius Nebad, cum duobus tantum annis regnasset, à <sup>g</sup> Baasah \* interfectus est, qui etiam percussit omnem domum Ieroboam, nec demisit, ne vnâ quidem animam de semine eius; nec sic tamen multus ipse abiit Baasah, audi rursus è cœlo tubam: <sup>h</sup> Ecce ego demetam posteriora Baasah, & posteriora domus eius, & faciam domum tuam sicut domum Ieroboam

gCap. 15.

\* Baasah

Regi ida

interfectus.

hCap. 16.

filij

*filij Nebat: Cūq; reguasset filius eius Elah duobus annis, rebellauit cōtra eū seruus eius Zamri dux media partis Equitū, & irruens in domū, vbi erat bibens & temulentus, eū percussit, interfecit, & eius vice regnauit: tādē verò & ipse \* Zamri, ab Amri Principe militię expugnatus, palatiū ingressus, seipsum vnā cū domo regia cōflamauit, & quod pessimum fuit, mortuus est in peccatis suis, quæ peccauerat, faciens malū corā Domino, & ambulans in via Ieroboam, & in peccato eius quo fecit peccare Israel. Ita illius oraculi veritas inconcussa æternum stabit. <sup>i</sup> Quicumque effuderit humanū sanguinem, multò magis regalem, per hominem fundetur sanguis illius.*

\* Zamri  
interitus  
miserandus.

i Gen. 9.

## CAP. X.

*De vindicta in Athalias aliosque Regicidas.*

**P**osthæc statu regni Israelitici susque deq; verso, & mutationib<sup>9</sup> varijs lacerato <sup>k</sup> *Athalia* illud monstrū sui sex<sup>9</sup>, omne semē regiū) excepto solū *Ioas* quē *Ioida* absconderat) è medio tollit. Trāfacto autē 7. annorū circuitu, *Ioida* Pōti-

k 4. Reg. II

fex maximus, eū in tēplo absconditū in lucem & conspectū populi deducit, vngit in Regē & diademate, & regalib<sup>9</sup> ornamentis induit; quo nuntio expectata *Athalia* occurrit, viditq; populū circumquaq; manibus plaudentem & canentē tubis, vnde attonita scidit vestimenta sua, clamauitq; Coniuratio, Cōiuratio.

*Quis tulerit Gracchos, de seditione querentes?* Certē non tulit *Ioida*, sed præcepit Centurionibus, vt educerent eam extra septa Templi, & quicunq; eam sequutus esset, gladio feriretur: imposueruntq; ei manus, & impeerunt eam per viam introitus equorū iuxta palatiū Regis, & interfecta est ibi: sic sera venit, sed certa tamen vindicta Deorū, laneos fortassis habent pedes, sed plumbeas, imò ferreas man<sup>9</sup>.

*Ioas* autem, cum *Hazael* rex Syriæ iam instrueret exercitum, & copias educeret ad Hierosolymam expugnandam perterrefactus nimis, tulit omnia sanctificata quæ consecrauerat *Iosaphat* & *Ioram* & *Ochosias* Patres eius, reges Iudæ, & quæ ipse obtulerat, & vniuersum argentum quod inueniri potuit in thesauris Templi Domini, & in palatio Regis, misitq;  
Hazaeli



Hazacli vt moueret castra, & à ciuitatis  
 obsidione desisteret. Quare, permisit Deus;  
 vt eius satellites <sup>1</sup> Iozachar & Iozabad  
 aduersus eum coniurarent, & usq; ad in-  
 ternecionem percuterent; sed percussio-  
 res ipsos, non ita multò post, *Amazias*  
*Ioæ filius*, & in regno successor, gladio  
 percussit: <sup>m</sup> filios autem eorum, non occi-  
 dit (inquit Scriptura) quasi dixisset, vel  
 consuetudinem fuisse, vt in causa per-  
 duellionis, etiam filij vnà cum patribus  
 poenas luerent; vel certè mereri patres,  
 vt etiam luerent filij, licèt ipsi filij non  
 mererentur, iuxta illud: <sup>n</sup> *Non morien-*  
*tur patres pro filijs, neq; filij pro patribus,*  
*sed vnusquisq; in peccato suo morietur.* Fi-  
 lijs igitur pepercit quidem *Amazias*,  
 patribus non item, vtcunque parentis  
 sui interitu, sibi ad regni gubernacula a-  
 ditum patefecissent. Non enim bonis  
 Principibus

— <sup>o</sup> *Scelera ista nefasq;*

*Hac mercede placent.*

Nam, vel exempli causa,

<sup>P</sup> *Regi tuenda maxime Regum est salus.*

Veruntamen, *Amazias* quoque à suis  
 subditis interfectus, & in eius solium  
 suffectus

14. Reg. 12.

m Cap. 14.

n Deut. 24.  
 Ezech. 18.

o Lucan.

p Seneca.

q 4. Reg. 15

suffectus q *Azarias* filius eius, (quem ideò suspicor cum coniuratoribus conspirasse, quòd non legimus eum supplicio eos affecisse) sed contrà, capite sequente, cum à Domino lepra percussus, mansissetque leprosum vsque ad diem mortis suæ, & habitasse in domo libera seorsim.

r Cap. 15.

⁂ Circiter hoc idem tempus regnavit *Zacharias* filius *Ieroboam* super Israel, in Samaria, coniuravit autem contra eum *Sellum* filius *Iabez*, percussitque eum & interfecit, regnavitque pro eo; & vix tribus versibus interiectis ascendit *Manaham* filius *Gadi* de *Therza*, venitque in Samariam, & percussit *Sellum* & interfecit eum, regnavitque pro eo; & rursus vix interpolatis decem, contra eius filium *Phacciam*, coniuravit *Phaccia* filius *Romilia*, & interfecit eum, regnavitque pro eo, & denique paulò post, eodem in capite contra *Phaccea* filium *Romilia*, coniuravit *Osee* filius *Eliab* & interfecit eum, regnavitque pro eo, qui postea etiam factus est *Salmanaseris* Regis Assyriorum tributarius & captivus?

Sic

*Sic clauus clauū, sic unda superuenit undā,  
Sic abyssus abyssum inuocat, abyssus  
crudelitatis & inobedientiæ, abyssum  
vltionis & vindictæ, & de huiusmodi  
vsurpatoribus illud Poetæ verum, iu-  
stum :*

*Ad generum Cereris sine cade & sangui-  
ne pauci*

*Descendunt Reges & sicca morte Tyranni.*

## CAP. XI.

*Quomodo perierint Ammonis percussio-  
res, & Iudei se gesserint erga Nabuco-  
donosorem in captiuitate Babylonica.*

**S**Ed quid in regno Iude intercā fa-  
ctum? ibi <sup>c</sup>Ammon, filius Manassis  
parentis impij, impia progenies, dere-  
liquit Dominum Deum patrum suorum,  
& non ambulauit in via Domini, tetende-  
runtq; ei insidias serui sui, & interfecerunt  
Regem in domo sua. Percussit autem po-  
pulus terræ omnes, qui coniurauerant con-  
tra Regem Ammon. Aures hic arrigite,  
vos Regicidæ, qui putatis populo pla-  
cere quas facitis Tragoedias, cum natu-  
ra,

[4. Reg. 21.]

ra, vel potiùs naturæ fator, Deus, ita ad obedientiam subditorum corda finxerit, colla flexerit, ut licet eorum Rex Leges pariter diuinas & humanas spreuerit, coelum & terram sua grassatione miscuerit, omnia turbauerit; tantum tamen absunt à violentas manus ei iniiciendo, ut in iniicientes ipsi statim suas iniiciant. Neque certè ego Regicidis tormentum optarem exquisitius, quàm ut effrenis populi libidini & furori dimittantur, cum nihil eorum conscientias acriùs pungat aut lancinet intimiùs, quàm cum se ab ijs, quorum se liberatores venditant derelictos videant, imò eorum linguis confossos, laceratos manibus, pedibus calcatos; & certè à testibus fide dignis accepi *Franciscum Rauillac*, illum incarnatum Dæmonem, *Henrici quarti* foelicis memoriæ infauftum percussorem, magis attonitos & anxios ostendisse vultus ad execrationes, quas in eum plenis faucibus euomuit circumfusa multitudo, quàm ad aspectum aut sensum igniti forcipis aut plumbi, & sulphuris ardentis.



Postremò in sacrosancta hac de Iudæorum Regibus Historia, in ipso quasi Epilogo & Catastrophe, maximè insigne & memorabile (excepto solum illud *Davidis*) reservatur obedientiæ exemplum. <sup>1</sup> *Nabuchadonosor* Assyriorum Rex, tum temporis Palestinam totam ferro & flamma vastaret, Hierosolymam expugnaret, Templum unà cum palatio Regis incenderat, sacratissima vasa expilauerat, cætera militibus (qui cædes stupris, stupra cædibus, miscabant) diripienda dedit, Regem ipsum unà cum filijs (postquam exoculasset) trucidavit, urbem denique totam, & mœnia solo exæquavit; postremò, populi reliquias, quæ tantæ cladi superfueraut, in miserrimam servitutem abduxit. Neque adhuc satis sibi factum ratus, suam statuam ex auro conflare, ac in loco publico ab omnibus adorari, quoties tuba exaudiretur: recusantes in ardenti fornaci viuos concremari iussit. Hæc cum in Iudæam fuissent allata, sanctissimi Prophetæ ad captivos litteras dederunt, ut nihilominus <sup>2</sup> *Pro Nabuchodonosoris, liberorumq; eius salute,*

14. Reg. 25.

2 Baruch. 1.  
Ierem. 29.

x Ier. 25. 9.

y Esa. 45. 1.

z Ezech. 29.

a Ezech. 29.

b Cap. 34.

c Ose 13.

vota conciperent, ac precarentur à Deo optimo maximo, ut tam diu superstites regnarent, quam diu cælorum orbes circa terram circumagerentur. Et quidem Deus ipse Nabuchodonosorem x seruum suum, ut alibi y Cyrum Christum suum, appellare non dubitauit, & potentissimum insuper orbis terrarum Principem effectuum se illum, z testatus est. Quis autem tyrannorum (quotquot vsquara terrarum spirarunt) cum isto comparandus? qui statuam suam tam crudeli proposito supplicio à populo Dei coli iuberet, attamen a Vates sanctissimus, quem ex oraculo Deus ipse afflauerat, Zedechia Regis Iudæorum perfidiam aduersus Nabuchodonosorem (cuius erat ipse fiduciarius) verborum acerbitate abhominatur, ac iustissimè interemptum fuisse lætatur. Et meritò quidem, quia, ut loquitur beatus b Iob, Deus est, qui regnare facit hominem hypocritam propter peccata populi. Et Deus ipse per Prophetam iuum: c Dabo tibi Regem in furore meo, & auferam in indignatione mea. Quare, in ferocientem Principem inuolare, & non potius Dei digitum illum

illum tanquam instrumentum mouentem reuereri, quid aliud demùm est, quàm cum rabido cane lapidem in se coniectum allatrare, & dentibus atterere, ad manum verò ciaculantem neuti quàm respicere?

## CAP. XII.

*De supplicio Bagathan & Tharez, & Iudeorum patientia sub Assuero.*

**R**Estant adhuc è canonicis Scripturis Testamenti veteris exempla duo, & duo tantùm, è libro *Esther* deprompta vtraque. Vnum iusti supplicij in perduelles; inuiolatae in Regem obedientiae alterum. Quod itaque ad primum attinet, eo tempore quo *Assuerus* (quem *Artaxerxem* appellat *Iosephus*) captiuos sub ditione sua detinuit, Iudæos, ad ianuam Regis morabatur *Mordochæus* natione Iudæus, ubi fortè subodorans duos Regis Eunuchos, *Bagathan* & *Tharez* furoris œstro aduersus Regem percitos, in ipsius internecionem coniurasse, statim vt rescisceret,

cisceret, secretum Reginae aperuit, & illa vicissim Regi. Res iudicialiter ventilata, habent confitentes reos, & appensus est uterq<sup>ue</sup> eorum in patibulo, & iussit Rex, ut in libro memoriali scriberetur, ut pro vita sua aliquid repensaret ei, mandatumq<sup>ue</sup> est Historijs, & Annalibus traditum coram Regi. Videris prodicionem hanc cogitatam tantum, non affectam, & tamen proditores perinde capite plexos, ac si effecissent: ita sacrae sunt semperque fuerunt Principum personae, ita execranda proditio, delatori insuper praemium decretum, & factum in perpetuam rei memoriam Annalibus concreditum, tam ad sempiternam delatoris laudem, quam ad dedecus & ignominiam proditorum indelebile. Quod spectat ad secundum, *Haman* summus Regis Consiliarius, *Mardochaeo*, quod ei transeunti non assurgeret valde infensus, ab *Assuero* obtinuit, ut regio nomine publicaretur Edictum, ad omnes Iudaeos à puero usque ad senem, parvulos & mulieres, per omnes eius provincias, centum & viginti septem dispersos, certo die mensis trucidandos. Cum literis



teris regio annulo sigillatis, ad hoc facinus obeundum, ad Prouinciarum Præfectos statim volitant, cursores regij, in Susa publicè pendet Edictum, stat decretum, restat solùm executio. Misera herclè, & deploranda gentis Iudaicæ conditio, Edictum iniustissimū,

— *Tantæne animis Regalibus ira  
Vnius ob noxam?*

Sed interim, quid est, quod ita barbarè oppressi, & in tantas detrusi angustias tandem moliuntur Iudæi? num sediti-  
onem meditantur? num ad arma conuolant? aut Reginam *Esther* ex eorum gente oriundam sica instruunt? vel veneno, ad interficiendum Regem? vt ea ratione, vel ipsi in aquis turbulentis effugerent, vel communem solùm publicæ calamitatis sortem subirent, vel saltem illatam sibi iniuriam quadantenus vindicarent? nihil minus, eorum arma, vt semper Ecclesiæ (vt sæpè dixi, nec tamen satis dici potest) preces & lachrymæ: *In omnibus Prouincijs, oppidis & locis* (inquit Scriptura) *quæ ad crudele Regis dogma peruenerat, planctus ingens erat apud Iudeos, ieiunium, ululatus,*

& fletus, sacco & cinere multis pro strato  
 utentibus. *Mardocheus* scindens vesti-  
 menta sua, in platea mediæ ciuitatis,  
 magna vociferatione clamat, ostendens  
 amaritudinem animæ suæ: regina ad  
 regem ingreditur, etiam cum discrimi-  
 ne capitis & vitæ, non cum pugiuncu-  
 la in manica, aut sub sago: sed cum  
 humili petitione in manu, non amule-  
 tis aut exorcismis confisa, vt regem per-  
 cuteret, & inuisibilis consisteret, po-  
 steaque in coelum recta auolaret; sed  
 suo, suarumque ancillarum, & totius  
 gentis precibus & ieiunio armata, atq;  
 eò tandem, Deo ita disponente, res de-  
 ducta est, vt ad humiles reginæ preces,  
 cor Regis permotum esset, edictum re-  
 uocatum, Iudæi ex inferis quasi postli-  
 minio educti, *Mardocheus* supra *Hama-  
 nis* honores exaltatus, *Haman* vnà cum  
 filijs, in patibulo, quod *Marchodao* de-  
 stinauerat, suspensus, in eandem ipse  
 incidens foueam, quam pro alio capi-  
 endo effoderat.

————— *Neg. enim lex iustior vlla est*  
*Quam necis artifices arte perire sua.*

## CAP. XIII.

*De Iudeorum sub Antiochi tyrannide patientia.*

**I**Nter captiuitatem Babylonicam, parum aut nihil ad præsens propositum, præter insignem *Antiochi* tyrannidem, & memoratu dignum, accedisse legimus. <sup>d</sup> Hic itaque Iudæis inter se de principatu digladiantibus, ab vna parte in subsidium vocatus, urbem vnà cum exercitu ingressus, spoliato templo, ablatis vasis sacri ministerij, & inter cætera candelabris aureis, altari aureo, mensaque Propositionis (quam vocant) ac ne auleis quidem relictis, quæ è cocco ac bysso constabant, euacuat is etiam thesauris reconditis (ita vt nihil intactum aut intemeratum relinqueret) coniecit Iudæos in luctum maximum, insuper & quotidiana sacra secundum Legis præscriptum celebrare eos vetuit, direptaque tota vrbe, habitatores partim necauit, partim captiuos vnà cum liberis & vxoribus ab-

E 2            duxit;

*d Iosephus  
li. 12. ca. 17*

duxit; ne his quidem est parcitum, qui quasi pacati venienti portas aperuerant: incendit præterea ædificiorum quicquid erat pulcherrimum, & demolitus mænia, in inferiori vrbe sibi arcem condidit, in Templo quoque ara posita, porcos mactauit, sacrificium à Iudæorum religione alienam, & cogebat omnes abnegato veri Dei cultu ipsius venerari numina, & oppidatim extructis Templis atque altaribus, porcinas in ijs quotidie iugulare victimas. Comminatus est etiam grauem poenam, si quis liberos circumcideret, constitutis qui mandata exigere, atque etiam vi ad ea seruanda detractantes cogerent. Quamobrem, qui generosioris apud eos erant indolis, maiorem rationem habentes moris patrij, quam poenæ sibi per aduersarios intentatæ, quotidie necabantur, tormentis excruciatii crudelissimis, (flagris quippe cæsi, & lacerati, corpora viuorum adhuc & spirantium suffigebantur crucibus; vxores autem eorum, & circumcisos liberos, strangulabant secundum mandatum Regium, aut suspendebant à crucifixorum



rum parentum ceruicibus. Abolebatur etiam, vbicunque repertum esset sacrum Volumen, & ipsi apud quos inuentum esset; malè peribant. Certè vix cogitatione assequi valeo, quid huius tyrannidis vel impietati vel crudelitati addi villo modo potuit. Iudæi tamen à persona *Antiochi* temeranda abstinent, tantum *Asmonei* filius *Mathias* (quem *Mattathiam* appellat author *Machabæorum*) Appellem Regij exercitus ducem, & impietatis administrum trucidat, & in se non tam offensiuum quàm defensiuum aduersus tyrannum, (quem sol vnquam vidit efferatissimum teterriumque) & ipsius Antichristi (si ita loquili ceat) typum, bellum suscepit, publicè exclamans: \* *Si cui est cordi Religionis incolumitas me sequatur.*

e Cap. 8.

## CAP. XIII.

*De Saluatoris obedientia erga Principes  
& Magistratus.*

**I**Am tandem ad ipsius *Saluatoris* aduentum deuentum est; huius itaque paulò

f. Mat. 2.

paulò accuratiùs rimemur vestigia, actionum momenta euentilemus, singulas singulæ ætatis discutiamus particulas, & minutias, & tot inuenièmus obedientiæ & patientiæ symbola, quod pænè eius dicta & facta habemus Scripturarum monumentis commendata. Statim à natalitijs, cùm eum persequeretur, vitamque eius peteret *Herodes*, fugit in Eegyptum, tantumque absuit, vt *Herodi* eius animam quærenti resisteret (cùm tamen ex virtute Deitatis potuisset si vellet, nemo verè Christianus ambiget:) vt post Magorum dona illi præsentata, <sup>f</sup>holocausto infantum pro suo nomine oblato primo glorificari voluit, neque hunc sanguinem pro se effusum, vel ipse vindicauit, vel *Bethleemiticos* suos conterraneos, quorum erant infantes trucidati, aduersus *Herodem* infanticidam concitauit.

*Herodi* huic Patri, & eius nominis primo, successerunt eius filij, vt in regimine sic in impietate: in Iudæa *Archilaus*, in Galilæa verò *Herodes* cognominatus *Antipas*, siue *Tetrarcha*; quorum posterior *Christi* præcursores, quod

quòd eum incestus cum *Herodiade* fratris *Philippi* coniuge commissi coarguisset, & incarcerationi, ad saltatricis rogatum mandauit eius caput amputari, & in spurcissimæ fœminæ, quæ eius sanguinem sitiebat gremium tradi, quin & (si Pharisæis credendum)<sup>h</sup> Christum ipsum voluit interficere; neque tamen *Christus* multitudinem quæ illum turmatim sequebatur, ad seditionem prouocat, vel aliquem è fæce plebis ad *Herodem* clanculum interficiendum licitat, aut conducit; sed profitetur se miracula deinceps operaturum, nec tam vereri *Herodis* minas, quam mandata sui patris, qui tandem *Herodi* & patri & filio, iustam suorum scelerum ultionem diuinitus immisit, vt vos Satrapæ & Dynastæ, vel hinc discatis:

*Sigenus humanum & mortalia temeritis arma,*

*At sperate Deum memorem fandi atq; nefandi.*

*Archilao* in Iudæa ex *Cæsaris* mandato succedit *Pontius Pilatus*, huic etiam obediens fuit *Christus* ad mortem vsque, ad mortem crucis non minus

g *Mat.* 14.h *Luc.* 13.

ignominiosam quam acerbam, & qui mortuos ad vitam resuscitauit, ipse vitæ fons mortem patienter tulit; quili-ctores ad se apprehēdendū accedentes voce sola prostrauit, sententia mortis contra se lata, ne querulam vocem emisit, quidenique plusquam duodecim legiones Angelorum, semper in pro-cinctu habuit ad suppetias ferendas, ne gladium quidem in iustissima sui de-fensione contra iniustos sycophantas, & assassinos euaginari voluit; imò auricu-lam serui Principis Sacerdotum ampu-tatam, miraculosè denuò sanauit. Ideò prostrauit (inquit<sup>i</sup> *Bernardus*) vt poten-tiam ostenderet, ideò sanauit vt poten-tiam paritèr & obedientiam, vtcunque malitiosè simul & mendacitèr, illi ob-truderent Iudæi, quod *Cæsari* contra-diceret, cū prius tamen ipse<sup>k</sup> *Cæsari*, quæ fuerunt *Cæsaris*, (censum licèt in-debitum soluendo) tribueret, & alios etiam tribuere palam<sup>l</sup> hortaretur; licèt tum temporis<sup>m</sup> *Tiberius Cæsar* obscœna foedaque libidine, cædibus item & per-uirio supra modum infamis esset; ita se gessit *Saluator* noster, cuius omnis actio nostra

i De passio-  
ne Domini.

k Mat. 17.

l Mar. 12.

m Vide  
S. et. in eius  
vita.



nostra instructio, in sui temporis magistratus infideles, barbaros, tyrannicos; & nos qui Christiani dicimur, in Principes Christianos debacchamur? insurgimus? ille faciem sputo & alapis, scapulas flagris, linguam felli & aceto, caput spinis, totum denique corpus cruci submitit, cum esset & facto innocens, & ad vindictam potens, & nos Christianorum Principum autoritatem, linguis proscindere, gladijs iugula impetere non veremur? fac, bone Iesu, quæsumus, fac tandem ut cognoscat & agnoscat mundus hos sicarios, ad tuam nullatenus pertinere familiam: sed ad eius satellitium; qui etiam, te ipso teste, *homicida fuit ab initio.*

## CAP. XV.

*De Apostolorum praxi & monitis.*

**S**aluator noster in Euangelio, cum discipulis suam oblationem breui futuram prædixisset; præhensum eum  
<sup>n</sup> Petrus coepit obiurgare, dicens, *Nequaquam erit tibi hoc*, ac si dixisset, *Ne despon-*

*n Mat. 16.*

o Heb. II.

despondeas animum, nos pro te pugnabimus, & tu interim fartus tectus effugies, quod & postea præstitisset, nisi obstitisset ei dominus, at *Christus* conuersus dixit *Petro*: *Abcede à me Satana, scandalo es mihi, nam non sapis quæ sunt Dei, sed quæ sunt hominum.* Et dixit *Iesus* discipulis suis, *si quis vult post me venire, abneget seipsum, & tollat crucem suam, & sequatur me.* Crucem vt ferat, non gladium, vt Magistratum (licet iniuste ferientem) rursus non feriat: Dixit Dominus, & à discipulis factum est: Suffragante enim o Apostolo, *Lapidati sunt, defecti sunt, tentati sunt, gladio cæsi occubuerunt, oberrauerunt, cum ouillis & caprinis pellibus destituti, oppressi, male habitati, quibus indignus erat mundus, in desertis errantes, & montibus ac speluncis & cauernis terræ: non in aulis Principum delitescunt eorum vitæ, quorum iussu ista fiebant, tendentes insidias: non subditos à iuramento Principibus præstito soluunt, aut ab obedientia illis debita dehortantur: imò, nec Dominatum reijciunt, aut dignitates conuicijs villo modo incessunt, quod vt reprobationis*

nis notam in sua *Epistola Catholica* ob-  
 seruauit P *Apostolorum* alius; sed omnia  
 sine murmure perpeffi, quæ vel ingeni-  
 um humanum excogitare, vel crudeli-  
 tas ipsa infligere potuit, tanquam oues  
 ad macellum ducebantur; & pro perse-  
 cutoribus suis orabant: Dominum sci-  
 licet, quorum se seruos profitebantur  
 imitati: ¶ *Pater remitte eis, nesciunt enim*  
*quid faciunt.* Dum adhuc in suis incuna-  
 bulis vagiret Ecclesia, passim ⁊ insimu-  
 labantur Christiani se nescio quam sibi  
 assumere libertatis Christianæ indul-  
 gentiam, & ordinationes politicas, vel  
 vt diabolicas execrari, vel vt prophanas  
 contemnere. Hinc ille in *Epistolis Apo-*  
*stolorum* insertæ sententiæ, (tanquam  
 tot in caliginosa nocte scintillantes stel-  
 lulæ, aut in pauimento emblemata ver-  
 miculata) de obedientia ciuili magistra-  
 tui præstanda. Diuus Paulus in *Epistola*  
*ad Romanos*, cap. 13. hunc in modum  
 exorditur. *Omnis anima potestatibus su-*  
*pereminentibus subiecta esto. Omnis, non*  
*Laicorum modo, sed omnis simpliciter:* [si-  
 uè sit *Apostolus*, siuè *Euangelista*, siuè  
*Sacerdos*, inquit *Chrysostomus.*] *Non*  
*est*

p *Jud.*q *Luc. 23.*r *Act. 17. 7.*

[Epist. 48.]

est enim potestas nisi à Deo, & quæ sunt potestates, à Deo sunt ordinatæ: non ut quidam perperam punctulum interjiciunt, quæ sunt potestates à Deo, sunt ordinatæ, ut ex sequentibus liquidiùs patet. Quisquis igitur se opponit potestati, Dei ordinationi resistit, qui autem resistunt ipsi sibi condemnationem [non Martyrij coronam] acquirunt. Et ne quis putet illum loqui de functione tantum & officio gubernandi, non item de magistratum personis, quos potestates in capitibus ingressu nominat, eosdem postea Principes & Dei ministros appellat. Quin & hanc scribebat Epistolam ad Christianos Romæ commorantes, qui latinè Potestates vocabant ipsos homines potestate præditos, in potestate constitutos: quo sensu beatus <sup>l</sup> Augustinus dicit potestatem aliquando esse inimicam veritati, quod certum est ad officium magistratus neutiquam referri posse. Qui itaque personæ Principis resistit, Potestati resistit, & consequentèr ordinationi diuinæ, sibi que condemnationem acquirit. Quantò magis qui eius & personam & progeniẽ; vno eodemq;  
actu



actu & ictu extinguere moliuntur? Postremo, vt omnem altercandi ansam penitus præcidat, versu quinto subnectit. *Quapropter necesse est subijci, non solum propter iram, sed etiam propter conscientiam:* quasi dixisset, non oportet vt summum Magistratum tam propter potentiam vereamur, quam propter locum quem tenet, & officium quod gerit, reuereamur. Neque hoc præstandum, quia per vim externam cogimur, sed quia in interno conscientiae foro obligamur, non solum quando magistratui resistere de facto non possumus (vt quidem autumant) sed etiam quando de facto possumus, de iure autem restricti recusamus.

*Dino Paulo suffragatur Diuus Petrus, Epistola prima, capite secundo. Proinde subiecti estote cuius ordinationi humanae, non quia ab hominibus, sed quia inter homines constitutæ propter Dominum; quia Dominus scilicet, istius ordinationis, & author est & vindex: siue Regi, vt qui superemineat, siue Præsilibus, vt qui per eum mittantur, tum ad ultionem maleficorum, tum ad laudem rectè agentium,*

tium, quoniam ita est voluntas Dei, ut benè agendo capistro frangatis amentium hominum ignorantiam, ut liberi, ac non veluti malitiæ velamen, habentes libertatem, sed ut serui Dei. Catholica fuit hæc Petri Epistola aduenis per Pontum, Galatiam, Cappadociam, Asiam & Bythyniam dispersis directæ, quibus plurimum sæuissimos reges imperitasse fatebitur, quisquis *Mithridatis*, *Tygranis*, *Pharnacis*, *Antiochi*, & aliorum subinde Regum Asiæ mores ex Historijs didicerit: Quare non est, quod obganniant Regicidæ, distinguendo, ubi lex non distinguit: hinc loqui *Apostolum* de bonis Regibus non item de prauis: quod perindè est, ac si quis filium immorigerum mandato premeret: *honorare patrem* ille verò regeret, patrem bonum esse honorandum quidem, non item prauum: cum tamen *Apostolus*, versu decimo octauo eiusdem capituli, famulos iubeat, ut *Dominis subditi sint non solum bonis & æquis, sed etiam prauis*. Nec dispar sit ratio quod spectat ad vinculum ciuile obsequij; famuli ad dominum, quàm ad patrem, filij, aut subditi

subditi ad Principem. Neque ab hac *Apostolorum* doctrina, eorundem dissentiebat praxis: <sup>t</sup> *appellavit à Iudæis ad Neronem Paulus*, Imperatorem, omnium imò bipidum nefandissimum, humani generis monstrum, & Christianorum flagellum; & cum <sup>u</sup> Christianos haberet in famulitio eiusdem *Cæsaris* sibi admodum familiares & devinctos, neque illos tamen ad aliquod facinus in personam Imperatoris machinandum cohortatur, neque ab eius dehortatur famulitio: quod ipse testatur in *Actis Apostolorum*: ubi cum multas & graues criminationes aduersus eum quasi contra Decreta <sup>x</sup> *Cæsaris* aliquid molientem attulissent Iudæi, excepit ille: *Se neq̃ in legem Iudaorum, neq̃ in templum, neq̃ in Cæsarem quicquam peccasse*: tandem verò & *Paulus* & *Petrus* hic cruci affixus, ille gladio percussus, ut in vita docuerunt, ita morte demonstrarunt, & Principibus non esse resistendum, & tamen Deo potius quàm hominibus obediendum. Neque dissimiliter vel vixit, vel mortuus est *Iacobus*, ab *Herode Tetrarcha* gladio cæsus, *Thomas* in India lanceis

t *Act. 25.*u *Phil. 4.*x *Act. 25.*

y Act. 23.

2 Exod. 22.

2 Act. 23.

lanceis confossus, *Bartholomæus* in maiori Armenia à Barbaris excoriatus, reliquique *Apostoli* omnes solo *Iohanne* excepto, qui à *Domitiano* in Pathmon (insulam è Sporadibus) est relegatus. Neque tamen inter hos quisquam, qui in capita Tyrannorum vel tantillum machinatus sit, vel meditatus; imò, *Paulus* ipse cum *Ananiam* Pontificem Maximum y dealbatum parietem appellasset, ita postea resipiscebat (licet tunc temporis & regimen Iudaicum Romano Imperio esset subiectum, & summus Pontificatus aduentu Christi esset abolitus) ut futuris sæculis, canonem æternè obseruandum ex lege Moisaica tradiderit: 2 *Principi populi tui non maledices*, multò minùs vim inferes. Quin & quod præcepto tradidit, ipse ibidem postea exemplo obseruauit. a Cum enim multitudo in Pontificis dicasterio in duas diuideretur partes, & aduersus *Paulum* staret Sadducæorum secta, pro *Paulo* Phariseorum & Scribarum; tum cordatior, tum numerosior: non tamen legimus quod illos vel ad irruendum in Pontificem, vel ad seip-



seipsum liberandum animârit, sed quod se ad tumultum sopiendum, à tribunali sine aliqua reluctatione abduci permiserit. O si hic adesset vice *Pauli* aliquis *Marianista*, quos turbines? quas excitasset Tragoedias?



De sacris Imperatorum personis Ecclesiæ primitiua decem persecutionibus.

## LIBER II.

## CAP. I.

*De obedientia Christianorum in Neronem, sub persecutione prima.*



Ecenset <sup>b</sup> *Diuus Augustinus*, & ex *Augustino* eius discipulus <sup>c</sup> *Orosius*, decem fuisse, vt plagas in Aegypto, ita persecutiones in Ecclesia primitiua

<sup>b</sup> Lib. 18.  
de ciuit. dei,  
cap. 52.  
<sup>c</sup> Lib. 7.

tiua grauiſſimas. Primam ſub *Nerone*, ſub *Domitiano* ſecundam, tertiam ſub *Traiano*, ſub *Antonino* quartam, ſub *Seuero* quintam, ſextam ſub *Maximino*, ſub *Decio* ſeptimam, octauam ſub *Valeriano*, ſub *Aureliano* nonam, decimam ſub *Diocletiano* & *Maximiano*. Quibus durantibus, tanta Chriſtianorum turba paſſim paſſa eſt, vt nullus eſſet dies, teſtante *Hieronymo* in *Epistoſa ad Chromatium & Heliodorum*, (ſi tamen illa ſit *Hieronymi*,) cui non vltra quinque mille Martyres reperiri poſſint aſcripti, excepto die Calendarum Ianuarij. Ita vt Pontifices Romani, triginta tres, à *Petro* ſcilicet vſque ad *Sylueſtrum*, etiam ex Romanenſium teſtimonio (licet ex his aliquos, *Onuphrius* in *Platina*<sup>d</sup> Confeſſores, non Martyres) martyrium amplexi ſunt. Reuoluantur interim Hiſtoriæ, conſulantur Annales, ſi ex his, vel alibi per terrarum orbem è Chriſtianis quiſpiam, quenquam ad ſeditionem interea ſollicitauerit, aut impulerit ad internecionē præfectorum: cùm tamen nec multitudo ijs deeſſet, nec fortitudo, nec oportunitas, nec pru-

d Nimirum  
Anacletum,  
Pium, Eleu-  
therium,  
Zepherinum  
Anterum,  
Dionysium  
Miltiadem.

prudencia, nec in causa bonitas, nec crudelitas in poena; quæ sub *Nerone* tanta fuit, ut Christiani illum propterea *Antichristum* putauerint, referente *Augustino lib. 20. de ciuit. Dei, ca. 19.* [Quæ enim poenarum genera, inquit *Gregorius*, nouimus, quæ non tum vires Martyrum exercuisse gaudemus, alios namq; improuiso ictu immersus iugulo gladius strauit, alios crucis patibulum affixit, in quo & mors prouocata repellitur, & repulsa, prouocatur alios hirsutis serramentibus attriuit, alios armato ferro insulcans ungula sparsit, alios belluina rabies moribus detruncando comminuit, alios ab intimis viscerum per cutem pressa vis verberum rupit, alios effossa terra uiuentes operuit, alios ab alto dimissos in mortem præcipitium fregit, alios in se proiectos aqua replenda obsorbuit, alios denique edax flamma usq; ad cineres depasta consumpsit.] Quin imò ipse *Tacitus* equestri loco Romæ natus, & sub *Vespasiano* Procurator datus Galliæ Belgicæ, lib. 15. *Annal.* affirmat, [Abolendo rumori de Roma

c Mor. li.  
32. cap. 12.

“conflagranda subdedisse *Neronem* re-  
 “os, & quæsitissimis poenis affecisse,  
 “quos vulgus *Christianos* appellabat.  
 “Pereuntibus item adita ludibria, vt  
 “ferarum tergis contecti, laniatu ca-  
 “num interirent, aut crucibus affixi;  
 “aut flammandi, atque vbi defecisset  
 “dies in vsum nocturni luminis vreren-  
 “tur. Quin & hortos suos ei spectacu-  
 “lo *Nero* obtulerat, tanquam non utili-  
 “tate publica, sed in sæuitiam vnius ab-  
 “sumerentur.] Cùm interim *Torpes* & *E-*  
*uellius* *Aulici* & *Christiani*, de ipsa *Cæ-*  
*saris* familia, non modò suas manus ab  
 Imperatoris capite abstinuerint, sed  
 sua etiam capita in manus Carnificum  
 patientèr tradiderint, & Ecclesia (licèt  
 grassante persecutione atrocissima) lu-  
 dici omnium Christo (vt inquit <sup>f</sup>*Oro-*  
*sius*) pro inimicis & persecutoribus suis  
 supplicarit.

f Lib. 7. c. 5.

CAP. II.



## CAP. II.

*De obedientia Christianorum in Domitianum sub persecutione secunda.*

Certum est ex *Ecclesiasticis Historijs*, nonnullos Christianorum, etiam sub *Vespasiano* & sub *Tito*, delicijs humani generis, aliquos Martyrium passos: sed ex libidine potius Præfectorum, quàm Imperatorum Elietis. Verùm, ut sereno soli grandinosus imber, ita *Vespasiano* & *Tito* successit *Domitianus*,

———— *Noctem hyememq; ferens,*  
Vnde illud *Tertullianus*, *Neronis portionem* appellat. *Eusebius*, *heredem*: & *Tacitus* illud ponit discrimen inter *Neronem* & *Domitianum*: quod *Nero* truculentas cædes iusserit tantum, non spectauerit *Domitianus* verò, & iusserit & spectauerit.<sup>h</sup> Vel inter initia principatus quotidie secretum sibi horarium sumere solebat, nec quicquam amplius agere, quàm muscas captare, ac stylo præacuto configere. Exinde scilicet futuræ cru-

g In vita  
Iulii Agric.

h Sueton.  
in vita  
Dom. cap. 3

delitatis speciminia exhibens, quæ tanta demùm fuit, vt eius instrumenta sæuitiæ, omne ferrum consumptura viderentur:

----<sup>i</sup> *Vt timeas, ne*

*i* *Juvenal.*  
*Sat. 3.*

*Vomer deficiat, ne marra, & sarcula desint.*

Sed in Christianos imprimis desæuijt, nec illos è sæce plebis tenebriones; sed ipsos Episcopos, quasi eminentiores spicas primò amputauit. *Eutropium Sentonensem, Lucianum Bellouacensem, Nicasium Rotomagensem, Cletum Romanum, Antipam Pergamensem, & denique Romulum Fesulanum*, in Tuscia Episcopum. Inchoata verò à Christianæ Religionis Antistitibus persecutio, in Senatores & Consulares viros, eandem veritatem profitentes, tandem progressa, *Civicum Cerealem* in ipso Asiæ Proconsulatu interemit, *Saluidicnum*, item *Orsitum, & Acilium Glabunem* in exilio, quasi molitores nouarum rerum, inquit *Suetonius*: quod ad Iudæos transissent, ait *Dio* (quo nomine ab Ethnicis censebantur Christiani, quod & Christus, & eius Apostoli Iudæi essent)

sent.) Denique *Flauium Clementem* patru-  
truellem suum: vix Consulatu perfun-  
ctum, cuius filios paruulos, Imperij  
successores, palàm destinauerat ob  
Christianam Religionem, vnà cum v-  
xore *Flauia Domitilla* necandum cura-  
uit. Nec certè dubito, plures ex ipso  
flore nobilitatis, & stirpe Regia, pro  
Christiana religione sub *Domitiano* oc-  
cisos, quorum nomina ille obliuione  
sepelienda curauit; cum monumenta  
& gesta Martyrum (quæ *Clemens* sep-  
tem Notarijs describenda commisit,) *flam-  
mis* mandauerat. Ita, vt pro Ge-  
stis Christianorum Martyrum, qui sub  
illo passi, ad Ethnicos Scriptores, qui  
ista subobscurè & malitiosè consignâ-  
runt, recurrendum sit. Neque tamen  
(vel inimicis attestantibus) Christiano-  
rum quisquam perduellionis aut læsæ  
maiestatis reus peragitur: cum tamen  
omnium ordinum aliqui iniurijs affe-  
cti, ad conspiracyonem contra Impera-  
torem ineundam procliues essent. Se-  
natores oppressi, Philosophi ob lo-  
quendi libertatem expulsi, Iudæi ex  
tribù *David* interfecti; tributis insuper

k Niceph.  
lib. 2. cap. 5.

1 Can. 83.

& inauditis taxationibus miserrimè onerati. Quæ scelera, licèt ipsius violentam mortem demùm maturauerint. tamen exconiuratoribus (quos recenset *Suetonius*) neminem Christianum legimus, vel Christiano affinem, imò *Clemens*, sæuiente hac persecutione *Romanus Episcopus*, licèt ipse *Casarem* genere attigerit, k fratresque habuerit *Faustum & Faustinianum* Christianos, & verè generosos Duces: in illis *Canonibus Apostolicis*, quæ ipsius nomine circumferuntur, tantùm abest, vt eos ad Imperatorem vel veneno, vel gladio, vel puluere tormentario è medio auferendum hortaretur, vt ab omni aduersus illum, suosque inferiores ministros, contumelia hoc Canone prorsus abstinendum præcipiat. <sup>1</sup> *Quisquis Imperatorem, aut Magistratum contumelia affecerit, supplicium luit; & quidem si Clericus sit deponitor, si laicus à Communionemouetur.*

CAP.



## CAP. III.

*De obedientia Christianorum, in Traianum sub persecutione tertia.*

**P**robitatis *Traiani* tanta apud suos opinio fuit, ut usque ad *Eutropij* ætatem (ipso in sua historia referente) non aliud Principibus à Senatu acclamaretur, nisi *felicior Augusto, melior Traiano*. Sub huius tamen imperio, ipso vel mandante, vel saltem connuente, Consules & Prouinciarum Præfecti, acerbissimam in Christianos carnificinam exercuerunt, quorum multitudinem pariter & innocentiam, *Plinius secundus Bythinia Proconsul*, ita in<sup>m</sup> Epistola ad *Traianum* palàm indicat, dum fatetur se nihil aliud de eis comperisse, “ [Nisi quod soliti essent stato die ante matutinam lucem conuenire, carmen-  
“ que Christo, quasi Deo dicere, seque  
“ sacramento, non in scelus aliquod ob-  
“ stringere; sed ne furta, ne latrocinia,  
“ ne adulteria committerent, ne fi-  
“ dem fallerent, nè depositum appellati abne-

m Epist.  
101. lib. 10.

“abnegarent. Quibus & mox subdit,  
 “versus Epistolæ finem. Visa est mihi  
 “res digna consultatione, maximè  
 “propter periclitantium numerum.  
 “Multi enim omnis ætatis, omnis ordi-  
 “nis, vtriusque sexus, etiam vocantur  
 “in periculum, & vocabuntur. Neq;  
 “enim Ciuitates tantum, sed vicos, eti-  
 “am atque agros, superstitionis istius  
 “(ita Religionem Christianam ipse A-  
 “theus appellat) contagio peruagata  
 est.] Neque tantum verò *Bythiniam*, sed  
 & illi confinem *Pontum* repletam fuisse  
 hoc sæculo Christianis, qui Gentilif-  
 mum execrarentur, *Lucianus in Pseu-*  
*domante* testatum reliquit; quod etiam  
 ex illa generali persecutione apparet,  
 cuius meminit <sup>n</sup> *Eusebius*, vbi asserit: in  
 vnaquaque ciuitate sub *Traiani* Impe-  
 rio ac seditione populi excitata, gra-  
 uem contra Christianos persecutio-  
 nis tempestatem commotam. Et ne pu-  
 temus defuisse in ipso Imperatoris ex-  
 exercitu, qui eandem Religionem profi-  
 tebantur: Christianum tunc temporis  
 ° *Eustachium*, siue *Placidam* dictum, in-  
 signem belli Ducem compertum est,  
 qui

n Lib.3.  
 cap.26.

° Niceph.  
 lib.3.ca.29.

qui & contra Barbaros in militia Romana, egregiam nauauit operam, & aduersus Iudæos agebat Magistrum Equitum, cum *Traianus* ipse ductor esset; & postea sub *Adriano* Martyrio coronatus. Quinimò, exercitum lustrans *Traianus*, inuentos vndecim mille Christianos, dijs sacra facere recusantes, in Armeniam relegauit, vt ignominia notati Christiani esse desinerent. Cum verò *Romulus* Imperatoris domui præpositus eum admoneret, vt de re minùs prudenter gesta: professus se quoque Christianum, eius iussu verberibus cæsus obtruncatur. Quid interim moluntur *Clemens* & *Anacletus* Romani Episcopi? num hos milites & duces in iugulum Imperatoris armant? certè fecissent *Iulius secundus*, *Pius quintus*, *Gregorius* 13. Nihil minùs. Sed ipsi suos iugulos & ceruices securi præbent, & vnà cum his illa clarissima Ecclesiæ lumina, tanquam tot in caliginosa nocte scintillantia sydera, p̄ *Simeon* frater Domini, Episcopus Hierosolymitanis, annos natus centum & viginti, *Onesimus Ephesinus*, & *Ignatius Antiochenus*, qui etiam

p. Euseb.  
lib. 3. ca. 26.

q Epist. 7.  
ad Smyr-  
nenses.

u Sueton.

etiam quod præstitit exemplo, præcep-  
to docuit. q *Honorare oportet Regem, nec  
enim Rege quisquam præstantior, aut quis-  
quam similis ei in rebus omnibus creatis.*  
Hunc *Traianum*, quòd tot monumen-  
tis suum nomen affigeret, u *herbam pa-  
rietariam* appellare solitus *Constantinus*,  
quem nos eodem nomine iustius insig-  
nire possumus, quòd cum viuos ecclesiæ  
lapides persecutione dissociavit, inte-  
grum exinde eius parietis corpus com-  
paginauit solus.

### CAP. IIII.

*De obedientia Christianorum in Adria-  
num, Antonium, Pium, & Commo-  
dum Imperat. sub persecutione quarta.*

x Euseb. hi-  
stor. l. 4. c. 3.

**Q**Væ à Christianis Philosophis *A-  
ristide & Quadrato* Episcopo A-  
theniensi, Apologiæ pro Christiana re-  
ligione luculentissime scriptæ sunt, a-  
trocissimæ ab *Adriano* in Christianos  
concitatæ persecutionis sunt indi-  
ces. Et licet nullum in Christianos  
Edictum, ab eo promulgatum appare-  
at; faciendum tamen quòd fecit recens

*Traiani*



*Traiani* exemplum, non tantum admon-  
nebat; sed propemodum compellebat.  
Siquidem quæ ab ipso facta essent san-  
cta utique & pia, atque omni ex parte  
iustissima censerentur: neque iam de  
illis legitima exercebantur iudicia, ve-  
lut in causis etiam criminoforum fieri  
consuevit, sed clamore vulgi fideles de-  
lati, tanquam de crimine conuicti neci  
dabantur, ut apparet ex literis *Serenij*  
*Gratianj* Proconsulis, ad *Adrianum* Im-  
peratorem, & Rescriptis *Adriani* ad  
*Minutium Fundanum*. Quanta tamen  
eorum, etiam his temporibus copia &  
magnanimitas fuerit, vel exinde con-  
stat, quod \* *Arrius Antoninus*, dum  
Prouinciam administraret in Asia, in  
ciuitate quæ Christianam Religionem  
fuerat amplexata; omnes, qui in ea e-  
rant fideles, pro tribunali sedentem  
adiere, palam se Christianos esse profi-  
tentes, eaque de causa omnes se liben-  
ter mortem oppetituros. Cum is rei  
magnitudine & nouitate perterritus,  
paucis ex illis damnatis, in reliquos ut  
præcipitia atque suspendia (si mori op-  
tarent) sibi sponte deligerent, exclama-  
uit:

\* *Tertul. ad*  
*Scapulam*  
*ult.*

uit: ὁ δὲ δειλοὶ ἐν θέλει ἀποθνήσκων κρήμους καὶ  
 εὐχόμενος ἔχει, *O miseri, si cupitis perire,*  
*præcipitia & restes habetis.* Quin & in vr-  
 be Roma *Alexander* Romanus Epis-  
 copus, complures Senatores, *Quirinum*  
 Tribunum, & Præfectum vrbis, *Her-*  
*metem*, aliosque multos vnà cum fami-  
 lia *Cerealium* (frequentibus Præfectu-  
 ris & Consulatibus illustrata) ad Chri-  
 sti religionem perduxit. Neque tamen  
 ex his quenquam in Imperatorem ar-  
 ma sumpsisse legimus; imò cum mag-  
 na esset Iudæorum ab Imperatore de-  
 fectio, eorumque Ductor \* *Barchocebas*  
 Christianos aduersus Romanum mili-  
 tem sibi subsidium ferre nolentes, om-  
 nimodis cruciatibus enecaret: Christi-  
 ani tamen maluerunt, à proditore in-  
 terfici, quàm cum certa victoriæ spe  
 contra Imperatorem arma induere.  
 Vtpotè, qui sibi suorum Prælatorum  
 proposuerunt exempla imitanda, qui  
 mori maluerint quàm resistere, *Teren-*  
*tiani* Episcopi Tudertini, *Eleutherij*, *Il-*  
*lyrici*, *Publij* Atheniensis, *Hieronis* An-  
 tiocheni, & denique *Euaristi* Romani.  
*Antoninus* licèt cognomèto *Pius*, quod  
*Adri-*

\* *Euseb.*  
*lib. 4. cap. 8.*

*Persecutio*  
*sub Anto-*  
*nino Pio.*

*Adrianum* prædecessorem suum mori-  
cupientem, in vita diutius retineret:  
quo tamen in cultum Gentilium deo-  
rum promouendo feruentior, & in  
Christianis reprimendis immoderatio-  
r fuit, ab Ethnicis eò magis pius habeba-  
tur. In quos, quanta & quàm inhumana,  
illo imperante, sæuitia exercita fue-  
rit: si non aliundè, ex Apologijs attamen  
ab *Apollonio*, *Athenagora*, & *Iustino*  
*Martyre* conscriptis, & ad *Antoninum*  
directis abundè apparebit: in quibus  
inprimis conqueruntur in eo cum  
Christianis iniquius agi, quòd alij ad  
supplicia raperentur, quòd criminosi  
essent; se verò quòd Christiani, adeoque  
illis solis non crimen, sed solum  
nomen obtendi; vel si crimen obtenderetur,  
ut atheismus humanæ carnis effusus,  
incestuosus & promiscuus concubitus,  
fuisse illa vel Hæreticorum non  
Catholicorum portenta; vel ab Ethnicorum  
cerebellis in suum dedecus excusa.  
Veruntamen quantas vires ad has iniurias  
retaliandas, & vim vi repellendam  
habuerint Christiani, ex eo patet;  
quod tunc temporis, longè latequè in  
toto

toto terrarum orbe, christiana Religio fuerit propagata, quod & idem *Iustinus* in Dialogo cum Tryphone his verbis demonstrat: [Atqui ne vnum quidem est genus mortalium, siue barbarorum, siue Græcorum, siue etiam aliorum omnium quocunque appellentur nomine, vel Amaxobiorum, vel Nomadum domo carentium, vel in tentorijs viuentium: inter quos per nomen crucifixi Iesu, supplicationes & gratiarum actiones Patri fabricatori rerum omnium non fiant.] Quid igitur hærent? cur non suas conscribunt copias? cur non in puluerem & aciem contra Imperatorem cateruatim descendunt? quòd si vnquam pro aris quidem & focis, pro religione & vita faciendum foret. Vis vt vno expediam verbo, quia Christiani, quorum quotidiana praxis est patientia, & professione tessera obedientia: imò tibi expediet *Iustinus* in Apologia ad *Antoninum*: quia spes nostras non presentibus rebus, fixas habemus, percussores nihil moramur: præsertim, cum moriendum nobis esse sciamus. En Christianorum patientiam: Nos solum Deum  
ad-



adoramus, & vobis in rebus alijs leti inseruimus, En obedientiam, neque hæc de seipso tantum suisque socijs loquitur *Iustinus*, cum hæc eadem, sub eiusdem Imperio Pontifices Romani tres, *Sixtus, Telephorus, Hyginus*, & fecerint in vita, & in morte passi fuerint; & sub Imperatoribus proximis *Marco Aurelio, Antonio, & Lucio Vero*: *Pius & Soter* Romani, & *Polycarpus* Smyrnenfis Episcopus; qui licet (Præside iubente & rogante) ut per <sup>a</sup> *Cæsaris* fortunam iuraret, facere recusaverit, ne idololatriam incurreret, Cæsari tamen, non modò civilem ipse obedientiam præstitit; sed ab alijs præstari præcepit, in *Epistola* eius nomine ad *Philippenses* edita; *Orate pro Regibus & Potestatibus, & principibus, atq; pro persequentibus & odientibus vos, & pro inimicis Crucis, ut fructus vester manifestus sit in omnibus.* Et in <sup>b</sup> *Responsò* ad Proconsulem, (cum ad martirium ductus esset) illum Magistratum à Deo constitutum, & proinde honorem illi pro dignitate tribuendum libere agnouit: quod & Milites in Imperatoris exercitu præstitisse constat, pluuia

G

mira-

a Euseb. li.  
4. cap. 14.

b ibidem  
ut supra.

c Tertul. ad  
Scapulam.  
cap. 5.

d Euseb. li.  
5. cap. 5.

miraculosa, & fulmine in Bello adversus Marcomannos • precibus Christianæ Legionis (quæ postea fulminatrix ab eo dicta est) impetrato : Licet eam victoriæ *Ethnici Scriptores*, invidia in Christianos, vel incantationibus, ut *Dion*, vel *Antonini* precibus tribuerunt, ut *Iulius Capitolinus* & *Claudianus* ; Postremo sub Imperatore <sup>d</sup> *Commodo*, ex ipso Senatu fuisse constat Christianos genere illustres, & rerum affluentia locupletatos; *Pertinacem*, *Trebellium*, *Apollonium* & *Iulium* (quem ego *Iulium Proculum* fuisse auguror) cuius meminit *Lampridius* in vita *Commodi*, qui licet ad sanguinem vsque restiterint, ne *Commodus Deus Hercules* haberetur : quod tamen cum *Marcia* & *Ælio Lato*, Prætorianæ cohortis ducibus ad poculum veneni *Cæsari* propinandum, vel illi, vel è Christianis quispiam conspiraverit, in historia neutiquàm invenitur.

CAP. V.

## CAP. V.

*De obedientia Christianorum, erga Seuerum Imp. Sub persecutione Quintâ.*

Satis hercle mirari non possum, quenquam tam obesæ naris, aut perfrictæ frontis reperiri, qui si *Tertulliani* Apologeticum, vel per transennam inspexerit, asserere audeat isto sæculo vires Christianis defuisse ad Persecutoribus resistendum, nisi illud positiuè legendum contendat, quod interrogatiuè tum in editione Pameliana, tum in omnibus alijs, quæ ipse inspexi exemplaribus, legitur. Vbi cum ostendisset per clanculare incendium se posse (vt ipse loquitur) largitatem ultionis operari, si malum malo apud eos dispungere liceret, progreditur tandem: [<sup>e</sup> Et si ho-  
stes exertos, non tantum vindices ocul-  
tos agere velimus, deesset nobis vis nume-  
rorum & copiarum? vestra omnia im-  
plebimus, vrbes, Insulas, castella, muni-  
cipia, conciliabula, castra ipsa, tribus, de-  
curias, Palatium, Senatum, forum, sola  
G 2 vobis

e Cap. 37.

„ vobis relinquimus Tempa, cui bello non  
„ idonei, non prompti fuiffemus ? etiam  
„ impares copijs (qui tam libenter trucidamur) si non apud istam disciplinam occidi  
„ magis liceret, quàm occidere ; Potuimus  
„ & inermes, nec rebelles : sed tan-  
„ tummodo discordes solius diuortij  
„ invidia, aduersus vos dimicasse. Si è-  
„ nim tanta vis hominum in aliquem  
„ orbis remoti sinum abruptissemus à  
„ vobis, suffudisset vtique dominatio-  
„ nem vestram tot qualiumcunque a-  
„ milio ciuium ; imò etiam & ipsi de-  
„ stitutione puniisset ; Proculdubio ex-  
„ pauissetis ad solitudinem vestram, ad  
„ silentium rerum, & stuporem quen-  
„ dam, quæsissetis in ea quibus imperas-  
„ setis, plures hostes quàm ciues vobis  
„ remansissent. Nunc enim pauciores  
„ hostes habetis præ multitudine Chri-  
„ stianorum, penè omnium Ciuium ;  
„ penè omnes ciues Christianos ha-  
„ bendo.] Peto a lectore non nimis fe-  
stinante, vt hæc *Tertulliani* verba, licet  
alicubi *Africanam* spirantia asperita-  
tem, apud ipsum Autorem relegere  
dignetur unà cum Paraphrasi *Francisci*

Ze-



*Zephiri* in hunc locum, & pensiculatè obseruet, si Christianis hoc sæculo ad Imperatori resistendum vires defuerint. Cur non igitur ad arma confugiant? cur non audent aliquid?

———— *Breuibus gyaris &*,

*Carcere dignum?*

Num quia mitius hoc tempore cum illis actum, quàm sæculis retroactis? nihil minus. Audi rursus ipsum *Tertullianum*, de huius sæculi seuitia ita conquerentem [f quoties in Christianos de- „  
sæuitis? partim animis proprijs, par- „  
tim Legibus obsequentes? quoties „  
etiam perterritis vobis suo iure nos „  
inimicum vulgus invadit? lapidibus „  
& incendijs; imò ipsis Bacchanalium „  
furijs? nec mortuis parcunt Christia- „  
nis; quin illos de requie sepulturæ, de „  
asilo quodam mortis iam alios, iam „  
nec totos avellant, dissecent, distra- „  
hant.] Et alibi in eodem Apologeti- „  
co, [crucibus & stipitibus imponitis „  
Christianos, vngulis deraditis latera „  
Christianorum, & ceruices, ponitis „  
ante plumbum, & glutinum & gom- „  
phos, ad bestias impellimur, ignibus „  
G 3 vrimur „

*Ibidem.*

g *Apol. ca.*  
35.

h *Ad Scapulam ca. 4.*

„urimur, ad metalla damnamur, in in-  
„sulas relegamur.] Sed defuerunt, in-  
quies, ductores, quasi illis ductores li-  
benter esse noluerint, vel *Aufidius Cas-*  
*sius*, qui se Imperatorem Antiochiæ ap-  
pellauit; vel *Niger Pascennius*, vir Con-  
sularis, & Proconsul Syriæ, qui Orien-  
tem, vel denique *Clodius Albinus*, vir  
Patricius, & Britanniarum proconsul,  
qui totum in *Seuerum* concitauit Occi-  
dentem; Neque tamen Christianus  
quisquam (vt verè gloriatur g *Tertul-*  
*lianus*) inventus est, vel *Cassianus*, vel  
*Nigrianus*, vel *Albinianus*; id est, illo-  
rum partibus in defectione adhæresce-  
re, licet in Occidente, & ipse *Lucius Bri-*  
*tannus* Rex Christianus iam fuerit, & in  
Gallijs ejusdem professionis innumeri,  
vt patet partim ex scriptis *Sancti Irenæi*  
Episcopi Lugdunensis, & istius xui  
Martyris gloriosi; partim ex Epistola  
ab illis Ecclesijs ad Asiaticos missa,  
quam Capite Primo Libri quinti suæ  
Historiæ attexit *Eusebius*. Imo, hoc ipso  
tempore Christiani fuerunt, teste h *Ter-*  
*tulliano ad Scapulam* clarissimi, qui illis  
ductores esse potuerunt. Versabatur  
insuper

insuper in domo *Cæsaris Toparscion* Christianus, *Antonini Cæsaris* educator ; Quin & tum temporis Romani Imperij velut obsidem nobilissimam *Ægypti* præfecturam (Augustalem dictam) obtinuit *Philippus* Christianus, ordinis Equestris, quem *Seuerus* in Epistola ad eum missa, propter præfecturæ istius momentum & dignitatem, Regem potius quàm præfectum appellandum fatetur ; neque tamen Christiani ad *Philippum* tanquam belli caput confugiunt, nec *Philippus* eos ad arma sollicitat, licet *Ægyptij* natura sua ad rebellandum procliuves essent. Sed dic Sodes *Tertulliane*, Cùm nec fortitudo, nec multitudo, nec bellandi peritia, nec oratorum suadela, nec ductores vobis desint, Cur interim tanquam oues ad macellum, Cervices iugo submittitis ? & acerbissima supplicia sine quærela, sine murmure toleratis ? Certè te nihil aliud responsurum auguror, quàm quod ipse habes, vel in *Apologetico ad Scapulam* : *absit ut ultionem nos aliquam machinemur, quam à Deo expectamus*, vel Contra gentes,

i *Lih. 6.*  
*cap. 1.*

k *Hiero-*  
*nimus in*  
*Catalogo.*  
*Script. Ec-*  
*clesiast.*  
l *Eiusdem*  
*me minit*  
*Vegetius de*  
*re milit. lib.*  
*2.*

tes, absit, ut aut viribus humanis vindice-  
tur diuina secula, aut doleat pati, in quo proba-  
tur: immò à vindicta & ultione tantum  
abfuit, ut *Victor* Romanus pontifex, sui  
martyrij exemplo, & *Philippum*, & *E-*  
*gyptios*, & omnes ubique Christianos,  
ad patientiam & martyrium prouocat.  
Ex *Egypto* enim, & vniversa *Theba-*  
*ide*, (inquit <sup>i</sup> *Eusebius*, de hac persecuu-  
tione sub *Seuero* loquens) egregij  
præ Cæteris Christi pugiles delecti,  
ad *Alexandriam*, tanquam ad maxi-  
mum & celeberrimum stadium, in  
quo pro dei amore strenua decertarent  
amandabantur. Verùm, licet non ma-  
nu: lingua tamen fortassis aduersus  
Imperatorem pugnabant: Imò lice-  
at mihi hic cum Sancto *Cypriano* ex-  
clamare denuò: k *Da Tertullianum,*  
*da Magistrum* [Licet non per geni-  
um, inquit Imperatoris, per <sup>l</sup> *Salutem*  
tamen nos Christiani iuramus: pre-  
cantes omnibus Imperatoribus vitam  
prolixam, Imperium securum, do-  
mum tutam, exercitus fortes, senatum  
fidelem, populum probum, orbem qui-  
etum, quæcunque hominis, & *Cæsaris*  
vota



vota sunt.] Et Paulo antè, [sic itaque nos ad deum expansos vngulæ fodiant, Cruces suspendant, ignes lambant, gladij guttura detruncant, bestię insiliant, paratus est ad omne supplicium habitus Orantij Christiani; hoc agite boni Præsides, extorquete animam deo supplicantem pro Imperatore.] Concludo tandem hoc caput, cum illa aurea *m* *Tertulliani* Sententia, Contra quam *Marianista* ne hiscere quidè audeant, [*Christianus* nullius est hostis, nedum Imperatoris, quem sciens à Deo constitui, necesse est, ut & ipsum diligat, & reueretur, & honoret, & saluum velit, cum toto imperio Romano. *Colimus ergo Imperatorem, sic quomodo & nobis licet, & ipsi expedit, ut hominem à Deo secundum, & quicquid est, à Deo consecutum, & solo Deo minorem. Hoc & ipsi volet, sic enim omnibus maior est, dum solo Deo minor est. Inde est imperator, unde est & homo. potestas unde spiritus.*] Et licet hæc aliaque huiusmodi, à *Tertulliano*, non propter conscientiam, sed in gratiam Gentilium dicta, quod eos scilicet offendere noluerit, in suis Annotationibus in ipsi-

us

*m Apolog.*  
30.

m In cap.  
30.

us <sup>m</sup> Apologeticum affirmare non erubescat *Renatus Laurentius de la Bar*, Pontificis Romani Parasitus : ego tamen illam maledictam puto Glossam quæ corrumpit Textum, quod tum in hoc loco, tum in alijs adulterandis apud Romanenses vsitatum, nuper & rectè observavit reverendus vir Dor. *Abbotus, Coll. Baliolensis Præfectus*, in illa sua celebri Concione in Comitijs nostris habita, & in lucem edita.

## CAP. VI.

*De obedientia Christianorum in Maximinum Imp. sub persecutione sexta.*

**N**On ita multò post, *Alexandro* Imperatori successit *Maximinus*, vt genere, ita moribus & animo barbarus & agrestis. Sub illo Christianorum suborta est persecutio sexta, brevis quidem illa sed vehemens tamen & sæua ; ante cuius ortum grauissimi terræmotus Orientis oras acerbissimè exagitarunt, quæ mala Gentiles, more solito, ascribebant Christianis ; nimirum quod qui  
non

non colerentur ab illis Dijs, irati his vel alijs cladibus orbem concuterent, ut testatur *Cyprianus* Epistola 75. his verbis. [Ante viginti & duos fere annos, „ temporibus post *Alexandrum* Impe- „ ratorum: multæ conflictationes ac- „ ciderant, vel in commune omnibus, „ vel privatim Christianis, terræmo- „ tus plurimi & frequentes extiterunt; „ ut per Cappadociam, & per Pontum „ multa subruerent, quædam etiam Ci- „ vitates in profundo receptæ, dirupti „ soli hiatus deuorarentur; ex quo per- „ sequutio quoque grauis aduersus nos „ Christiani nominis facta est, quæ post „ longam retrò ætatis pacem repente „ oborta, de inopinato & insueto malo „ ad turbandum populum nostrum ter- „ ribilior effecta est; *Serenianus* tum „ fuit in nostra prouincia Præses acer- „ bus, & dirus persecutor.] Neque „ certè mirum *Serenianum* Africæ „ Præfectum, in Christianos tam acer- „ bum fuisse, cum ipsum Imperatorem „ *Maximinum*, (ut in eius vita meminit „ Iulius Capitolinus,) ob summam „ crudelitatem, alij *Cycloperem*, alij *Busi- „ ridem* „

„*ridem*, alij *Scyronem*, nonnulli *Pha-*  
 „*larim*, multi *Tryphonem*, vel *Gygem* ap-  
 „*pellarint*.] Neque enim, inquit, ipse  
*Capitolinus*, homo Ethnicus, erat crude-  
 lius animal in terris omnia sic in viribus  
 suis ponens, quasi non posset occidi: In-  
 super tam vorax carnis, ut 40. libras sin-  
 gulis diebus comederet, nec tamen car-  
 nis voracior quā sitiens fuit humani san-  
 guinis, & si erga suos, milites, Senatores,  
 aliosque suæ ipsius superstitionis cultor-  
 es adeo immanē se & ferū præbuerit,  
 qualem quæso in Christianos, quos  
 publicos hostes reputabat se gessisse  
 credibile est? Cū interim tamen plu-  
 rimi Christiani, non modo in Exercitu,  
 sed in ipsa Aula *Cæsaris*: imò ex stirpe  
*Cæsarea* versarentur, ut patet ex *Eusebio*  
 cuius hæc sunt verba, *lib. 6. cap. 21*. [*A-*  
 „*lexandro* Romano Imperatore, *Maxi-*  
 „*minus Cæsar* successit, qui propter gra-  
 „*vem invidiam*, qua contra *Alexandri*  
 „*familiam* in qua complures fideles &  
 „*Christiani* versabantur, flagrabat, a-  
 „*cerbam persecutionis tempestatem*  
 „*concitavit*,] neque Christianorum  
 tamen quenquam legimus, vel cum *Pu-*  
 „*piero*



pieno ad eum occidendum conspirasse, *Balbino* pro eius morte *Hecatombem* facienti fauisse, vel denique cum militibus exclamasse, *ex pessimo genere necatum quidem habendum*. Imo ipsi *Romani Pontifices, Pontianus & Anterus*, sub huius Imperio martyrio coronati sunt. Quin & *Origenes* (referente *Eusebio*) hac ipsa persecutione grassante, Episcopos & Presbyteros, & denique omnes ubique Christianos, non ad defectionem aut coniurationem aliquam adversus imperatorem ineundam: sed ad obedientiam tolerandam, suis orationibus Parenæticis cohortatus est; in fine nobilissimus Operis, quod contra *Celsum* elaboravit, calumnijs *Celsi* respondens, luculenter & pluribus demonstrat; Christianos homines esse Imperatoris studiosissimos, omnibusque illos officijs, præcipuè autem precibus pro eorum salute effusis prosequi consuevisse. Nec dissimiliter docet, tum ipse *Origenes* in *Comment.* in cap. 13. ad Romanos, ubi præsentem controuersiam ex proposito euentilat, tum etiam *Minutius Felix* eius coætaneus in *Dialogo*, qui inscribitur

tur Octavius, & circumfertur sub nomine octavi libri *Arnobij* contra Gentes, cum ille ex testimonio *Hieronymi* tantum 7. scripserit. *Maximino* Imperatori successit *Gordianus*, in cuius occisores hanc ex *Cordo Capitolinus* ultionem observavit. Omnes scilicet, qui eum gladio appetiverunt, (qui novem fuisse dicuntur) sua manu, suisque, & iisdem, quibus illum percusserunt interijisse pugionibus. Quin & *Philippus Arabs*, qui eius internecionem precipue curauerat, postea, à Satellitibus ipse interfectus (licet dum adhuc in vivis esset, <sup>n</sup> Christianus factus, pro scelere admissio poenitentiam egisset, ut in eius vita narrat *Eutropius*); Neque enim illum Religionem Christianum professum tum cum *Gordianum* necari mandaverat, facile crediderim (licet *Eusebius* <sup>o</sup>lib. 6. *Ecclesiastica Historia* in eam sententiam propendere videatur) cum *Origenes* hoc ipso tempore contra *Celsum* scribens, & ab eo prouocatus, quod Christiani ad rempub. administrandam & magistratus capeffendos inidonei essent, Imperatoris exemplum proculdubio

n *Oros. lib.*  
7. *Cassiod. in*  
*Chron. Vin-*  
*cent. Lyri.*  
*cap. 23.*

o *Cap. 27.*

bio, tanquam Clypeum opposuisset, si tum temporis Imperator nomen Christianum fuisset amplexus.

## CAP. VII.

*De obedientia Christianorum in Decium & Gordianum Imp. sub persecutione septima.*

**H** Vius septimæ Persecutionis (vt pote qui

——— *Multa ipse miserrima vidit*  
*Et cuius pars magna fuit* ———)

tum in varijs eius Epistolis, tum præsertim in *Libro de Lapsis* accuratè meminit *Sanctus Cyprianus*, è scriptoribus Latinis; & è Græcis *Gregorius Nyssenus* in vita Gregorij Thaumaturgi, qui & his vixit temporibus; quorum utrique, præcipuè vero *Nyssenus* luculenter describunt Edicti Imperatoris crudelitatem, ejusque executionis à Prouinciarum præsidibus præstitæ sæuitiam incredibilem, vnà cum admirabili Christianorum patientia. licet iam multitudine,

dine, diuitijs, potentia, Ethnicis formidabiles essent, ex Christiano scilicet Imperatore *Philippo* sibi tantam vindicantes auctoritatem, ut Fana & Altaria Idolorum plerisque in locis fuerint demoliti, & eorum loco sibi Tempia erexerint, quod his verbis eleganter narrat *Nysse-*  
 „ *mus*. [Iam in omnem partem peruafe-  
 „ rat diuina prædicatio, & omnes tam  
 „ in Ciuitate, quam in ea quæ circum-  
 „ circa est regione, ad piam rectamque  
 „ dogmatis fidem erant traducti, Alta-  
 „ ribus & Templis, & quæ in eis fue-  
 „ rant simulachris euersis; Expurgata  
 „ erat humana vita ab Idolorum iniqui-  
 „ namentis, extinctusque sceleratus ni-  
 „ dor sacrificiorum, ablatumque cruor  
 „ ex altaribus, & sordes cæcorum ani-  
 „ malium: omnes autem, in omni lo-  
 „ co, in Christi nomine Tempia erige-  
 „ bant, & Oratoria, Augebatur enim  
 „ mysterium Christianorum, & per to-  
 „ tum Orbem terræ multiplicabatur  
 „ Ecclesia, per eos qui semper verbo  
 „ adiciebantur, crescens in magnitudi-  
 „ nem.] Quæ *Nyssemi* verba (si quid e-  
 go iudicare possum) vires Christiano-  
 rum



rum in ista ætate Ethnicorum potentiaæ  
æquales ; si non superiores, liquidò de-  
monstrant . Et certè verisimile est, ad  
*Philippi* nouissimi Imperatoris exem-  
pium, è fæce & gregario milite, infinitos ;  
quin, & ex ipso Nobilitatis flore, &  
Aulæ gremio nonnullos ad Christianã  
fidem accessisse . Inter quos ab Histori-  
cis succenturiantur *Triphonia Decij Cæ-*  
*saris* Iunioris vxor, *Philippus Iunior*, &  
*Seuera Augusti Philippi* Senioris coniux,  
*Calocerius Cubiculi* Imperatoris, vxoris  
nimirum *Decij* Senioris præpositus,  
*Parthenius* alterius in Aula muneris  
Princioerius . *Secundianus* Valeriani  
Præfecti Assessor, *Abdon* & *Samne* in  
Persia, Subreguli, & denique in exerci-  
tu *Paramon* ob militiam insignis, alijque  
eius socij, quorum trecenti septuaginta,  
ob christianam fidem martyrium passi.  
Interim, quàm formidabile fuerit, ad-  
versus Christianos, Imperatoris edictũ,  
apparet partim ex *Nysseno*, cuius hæc  
sunt verba ; Interea Imperator ad gen-  
tium Præsides mittit Edicta, terribiles  
Supplicij minas in eos statuens, nisi om-  
nibus probris, contumelijs, & cruciati-  
bus

m Cap. 34.

bus Christianos reducerent ad patrium cultum dæmonum : partim ex *Dyonisio* Episcopo Alexandrino, quem sic loquentem introducit Eusebius <sup>m</sup> *lib. 6.*

„ suæ historiæ ; [ Decij Edictum erat  
 „ iam diuulgatum , illudque tale  
 „ profectò videbatur, quale Dominus  
 „ prædixerat futurum, in quo terribilif-  
 „ sima illa eius propemodum expleba-  
 „ tur sententia, nimirum Electos (si  
 „ possibile esset) in errorem inductos  
 „ fore hoc accepto Edicto, Præsides  
 „ in Prouincijs quàm immaniter in  
 „ Christianos sæuierunt, ex dictis *Hiero-*  
 „ *nymi in vita Pauli Eremitæ*, & ex eis  
 „ quæ gesta in Africa Sanctus *Cyprianus*  
 „ testatur, facile possumus intelligere.  
 „ Ait enim, tormenta venerunt, & tor-  
 „ menta sine fine tortoris, sine exitu  
 „ damnationis, sine solatio mortis : tor-  
 „ menta, quæ ad coronam non facile di-  
 „ mittant, sed tam diu torqueant quam-  
 „ diu deficiant, nisi si aliquis diuina digna-  
 „ tione subtractus, inter ipsa cruciamen-  
 „ ta profecerit adeptus gloriam, non ter-  
 „ mino supplicij, sed velocitate morien-  
 „ di.] De exquisitis autem tormentorum

ge-

generibus, particulariùs *Nysenus*; vbi memorat [antequàm veniretur ad „ periculum, martyribus metum incuf- „ lisse tortores, ostensis eniùs, & igni- „ bus, bestiis, & instrumentis ad tor- „ quendum membra accommodatis; „ erant & ferreę in igne cathedrę, & lig- „ na erecta, qui eorum extensa qui per- „ sistebant corpora porrectis horren- „ dis laniabant ungulis, aliaque innu- „ merabilia ad multiplices corporum „ cruciatus ab eis excogitabantur; u- „ numque studium erat eis, qui hanc „ habebant potestatem, vt nullus in eo „ posset ostendi scelere superior. Alij „ quidem deferebant, alij verò iudica- „ bant, alij verò scrutabantur eos, qui „ erant absconsi, alij inuadebant eos, „ qui fugiebant, alij autem injectis ocu- „ lis infacultates fidelium, vt rebus co- „ rum potirentur, prætectu pietatis & „ religionis, eos qui fidem amplecte- „ bantur exagitabant,] Hactenùs *Nys-* „ *senus*. Verùm dum hæc moliebatur Imperator, quid interim meditatur *Fa-* *bianus* Romanus Pontifex, aut reliquus Romanę Ecclesię Clerus? Cur non

iam sine omni controuersia satis virium nacti, tum ad defendendos, tum ad offendendos hostes, excōmunicationis & degradationis fulmen in Imperatoris caput ejaculantur? Certè, vt verbo expediam, quod eos non tam defectus virium, quàm conscientiæ, ad præcepta *Saluatoris*, & *Apostolorum* praxim regulatæ vox intra gyros ciuilis obedienciæ coarctaret.

## CAP. VIII.

*De obedientia Christianorum erga Valerianum, Imperat. sub Persecutione octaua.*

n Lib. 7. I.

**P**RIUSQUAM ad *Valeriani* Imperium accedamus operæpræmium erit hoc in loco, *Dionysij* Episcopi Alexandrini verba attexere, ex Epistola ad *Hermammonem*, quam citat <sup>n</sup> *Eusebius* vbi de *Triboniano Gallo*, qui *Decio* suo successit infit; [Gallus neq; *Decij* recogita-  
uit calamitatem, neque antea secum  
quid tandem illum (nempe *Decium*)  
de gradu deiecisset diligenter confi-  
de-



derauit, sed in eundem lapidem, licet „  
 perspicuè ante ipsius oculos positum, „  
 cum suo magno malo impegit. Qui, „  
 cum regnum eius prospero fortunæ „  
 flatu ferreretur, & res omnes ad vo- „  
 luntatem fluèrent, sanctos & pios vi- „  
 ros, qui pro pace eius Imperij, proq; „  
 vitæ incolumitate obnixè Deum pre- „  
 cabantur, crudeliter exigit, & propte- „  
 rea vnà cum illis eorum preces pro „  
 ipso ad Deum fusas penitus à se aver- „  
 tit.] In quibus verbis illud imprimis „  
 animadverti cupio, illos *sanctos* viros „  
 ab hoc Episcopo *sancto* appellari, nō qui „  
*sanctas* vires aduersus *sacrosanctam* „  
 sui Principis personā incunt, aut senten- „  
 tiā à *sancta Sede Apostolica*, ad illū abdi- „  
 candum latam exequi moliuntur; sed „  
 qui pro pace eius Imperij, proq; vitæ „  
 incolumitate obnixè Deum precaban- „  
 tur: In quorum numero, etiam *Corne-* „  
*lium* & *Lucium* Episcopos Romanos re- „  
 ponere non dubitarim; cum eorum u- „  
 trunque sub eodem Gallo martyrio co- „  
 ronatum constet.

Quod autem de aliorum Christiano- „  
 rum praxi sub Gallo hic memorat *Dio-* „

o cap. 10.

*nysius*, illud ipsū à seipso suisq; in Chri-  
 sto cōmilitonibus, postea sub *Valeriano*  
 & *Galieno* factitatum, ipse in sequenti-  
 „ bus testatur his verbis; ° *Nos unum*  
 „ *Deum omnium rerum fabricatorem*, qui  
 „ *Valeriano & Galieno Cēsaribus*, Au-  
 „ gustis, *viris sanctissimis*, imperium lar-  
 „ gitus est, colimus & veneramur; huic e-  
 „ tiam sine intermissione pro eorum regno,  
 ut stabile & firmum maneat, preces ad-  
 hibemus. Quid audio? *Valeriano & Ga-*  
*lieno* imperium largitus est Deus? *Vale-*  
*riano*, inquam, in Christianos (cuiusdam  
 Magi suasu) supra modum sæuienti?  
 luxurianti *Galieno*? vtrique Idololatræ,  
 impuro & sacrilego vtrique? Ita planè  
 est, eaque sola ratione ducti Christia-  
 ni, non tantum ab eis violandis absti-  
 nent: sed eos omni cultu ac venera-  
 tione ciuili prosequuntur eousque, ut  
 pro eorum Imperio, tam in suis per-  
 sonis, quàm in posteris stabiliendo,  
 Deum iugiter orent; imò (& quod  
 magis est) eos, licet sanctorum san-  
 guine madidos & ebrios, viros sanctis-  
 simos appellant, in quod vocabulum  
 (ipsius veritatis vi coactus) in suis An-  
 nalibus

nalibus ita scribit P *Cæsar Baronius* [Sic ex consuetis titulis *Dionysius* dicit Imperatores illos sanctissimos viros, quæ & *Paulus Apostolus* scelestissimum hominem *Fœlicem* alloquens ait; *Optime Fœlix*: cum alioquin, etiam ex proprietate quoque vocis Imperatores, licet nefandissimos, tamen sanctissimos appellare potuisset: nam *Cicero* ait; *quare suo iure noster ille Ennius sanctos appellat Poetas, quod quasi Deorum dono atque munere, nobis commendati esse videantur*. Si igitur quod à Deo datum creditur, sanctum dicitur; cum constet ex Christianæ Legis prescripto, Principes etiam malos à Deo dari in ultionem peccatorum (secundum illud, q̄ *Dabo vobis regem in furore meo, & qui regnare facit hominem hypocritam*:) hac quidem ratione utique potuit illos nominare sanctissimos. Hactenus *Baronius*.] Quod igitur ipse Deus sanctum fecit homo ne violet, & quæ Deus coniunxit, imperium scilicet & Imperatorem, homo ne separet, quod aliquando tamen iuste & legitime fieri posse, tuipe (ut in sequentibus apparebit) obnixè Baroni cōtēdis.

p Tom. 2.  
pag. 546.

q Osee 13.

r Iob. 27.

Sed paulò vterius filum Historiæ  
 prosequamur. Hoc ipso tempore mar-  
 tyrium passus est fortissimus ille Christi  
 athleta Ecclesiæ Africanæ lumen & co-  
 lumen D. *Cyprianus* ; qui in Epistola  
 Prima ad *Cornelium* Episcopum Roma-  
 „ num, in hunc modum scribit ; [ Re-  
 „ tusus aduersarius , adunati exercitus,  
 „ fide pariter & vigore intellexit,  
 „ Christi milites vigilare iam sobrios, &  
 „ armatos ad prælium stare, vinci non  
 „ posse, mori posse : & hoc ipso inuict-  
 „ os esse, quia mori non timent, nec re-  
 „ pugnare contra impugnantes cum  
 „ occidere innocentibus ne nocentem  
 „ licet ; sed promptè & animas & san-  
 „ guinè tradere, ut cū sæuitia & malitia  
 „ grassetur, à malis & sæuis velocius re-  
 „ cedatur. ] In quæ *Cypriani* verba Ro-  
 mana Editio cum Priuilegio *Pij Quarti*,  
 & Typis *Pauli Manutij* impressa hanc  
 „ in fine libri assuit glossam ; [ Loqui-  
 „ tur de Christianis illius temporis,  
 „ iussu impiorum Tyrannorum appre-  
 „ hendendis, vel iam apprehensis, & vi  
 „ tormentorum ad sacrificandum Ido-  
 „ lis fide abnegata cogendis : qui licet  
 ad



ad martyria sese prodere non debe-  
 rent, captis tamen non licebat manu  
 armata resistere; sed armis, & virtute  
 patientiæ, quæcunque tormentorum  
 immania genera superare, quò admi-  
 rabilior reluceret virtus Crucis Chri-  
 sti. Quod autem populo Christiano  
 non deessent ad sui defensionem vi-  
 res & potestas, insinuat alibi: ] vbi  
 dirigimur ad illum per insignem locum,  
 in fine *Exhortationis ad Demetrianum A-*  
*fricæ Præsidem*; claudere seruos Dei  
 & Christi, persecutionibus tuis de-  
 sine, quos læsos ultio diuina defendit.  
 Inde est enim, quòd nemo nostrum  
 quando apprehenditur, reluctatur;  
 nec se aduersus injustam violentiam  
 vestram, quamuis nimius & copiosus  
 populus noster vlciscitur. ] Et cum  
 iam Imperatoris Edicto, ad extremum  
 supplicium postularetur, martyrijque  
 quasi candidatus esset: Presbyteris,  
 Diaconis, & universæ plebi *Carthagi-*  
*nenſi* per <sup>f</sup> Epistolā huiusmodi orati-  
 onem habuit; [ Vos autem Fratres  
 charissimi,) pro disciplina quam de  
 mandatis dominicis à me semper acce-  
 pistis

f. Lib. 5.  
 epist. 1. edit.  
 Rom.

t *Ibidem.*u *Lib. 7.*x *In vita  
Cypri.*

pistis, & secundum quod me tractan-  
tem sæpissimè didicistis, quietem &  
tranquillitatem tenete; nec quisquam  
vestrum aliquem tumultum de fratri-  
bus moueat,] Satis autem numerosus  
& cordatos fuisse Ecclesiæ Carthagi-  
nensis fideles, ut Imperatoris edicto, &  
urbis præfecto resistere potuissent, si  
voluissent: partim ex eadem ipsius Cy-  
priani <sup>t</sup> Epistola apparet, ubi illam Ec-  
clesiam gloriosam appellat; partim eti-  
am ex <sup>u</sup> *Herodiano* illius ætatis Scripto-  
re, ubi illustrem illius claritudinem indi-  
gitat: sed præsertim ex <sup>x</sup> *Pontio Cypria-  
ni* Diacono, ubi credentium multitudi-  
nem *Cypriano* iam ad mortem prope-  
ranti assistentem elegantissimè descri-  
bit; egressus, inquit, est è domo Principis,  
*Christi & Dei Princeps*, agminibus multi-  
tudinis ex omni parte vallatus: sic autem  
comitatus eius infinitus exercitus adhaerebat,  
quasi ad expugnandam mortem manu fa-  
cta veniretur

Circa idem tempus, ita in alijs etiàm  
mundi tractibus in infinitum creuit  
Christianorum multitudo, ut prædict-  
us <sup>y</sup> *Cyprianus* in *Libro de Exhortatione*  
ad

y *Cap. 2.*

ad *Martyrium*, ipsos Martyres, vix aut ne vix numerari posse affirmat his verbis ; Exuberante postmodum copia „ virtutis & fidei, numerari non possunt „ Martyres Christiani, testante Apocalypsi & dicente : *⁊ posthac vidi turbam magnam, quam dinumerare nemo poterat, ex omnibus gentibus, & tribubus, & populis, & linguis, stantes ante thronum, & in conspectu Agni, amicti stolis albis, & palmæ in manibus eorum.*] Nec dissimiliter <sup>a</sup> *Gregorius Magnus*, de numero Martyrum huius ævi loquens : [totum, inquit, mundum fratres aspiciate, Martyribus plenus est ; iam penè tot qui videamus non sumus, quot veritatis testes habemus. Deo ergo numerabiles, nobis super arenam multiplicati sunt, quia quanti sunt à nobis comprehendi non possunt.] Et si tot Martyres fuerint, quot putabimus Confessores ? imò professores ? eosque non solùm inferioris loci & ordinis : sed illustres & conspicuos ; præsertim, cum hic *Valerianus* (teste <sup>b</sup> *Eusebio*) in initio sui Imperij, quàm familiarissimè, idque in oculis omnium Christianos exceperit eoque, ut tota domus

⁊ *Apoc. 7. 9*<sup>a</sup> *Hom. 27. in Euangel.*<sup>b</sup> *Lib. 7. Cap. 9.*

c Niceph.  
Lib. 6. Cap.

13.  
d Euseb.  
Lib. 7. Cap.  
13.

mus eius pijs hominibus compleretur, essetque planè Dei Ecclesia.] Insuper, & in Ciuitate erant *Olympius Tribunus*, & c *Asterius* Senator, claro loco natus, & magno ab Imperatore in pretio habitus, & in exercitu<sup>d</sup> *Marinus*, unus ex his qui in eo magnum decus & honorem fuissent consecuti, vir & genere illustis, & diuitijs locuples. Illum aliquando è Tribunali egressum, trium tantum horarum spatio ei ad deliberandum dato, ut vel à religione disisteret, vel in ea perseverans capite plecteretur: *Theotectnus Casariensis* Episcopus ad se colloquendi causa inuitat, & præhensa manu rectâ deducit in Ecclesiam. Què cum interiùs ad ipsum Sanctuarium collocauisset, læua paululùm in alteram partem dimota, gladium quo cingebatur ostendit, simulque diuinorum Euangeliorum librum adferens, ex aduerso porrigit. Quotusquisque *Marianista* non statim ex hoc Sermone muto collegisset, voluisse Episcopum ut *Marinus* suos milites ad defectionem hortaretur. Euangeliumque contra Imperatoris auctoritatem, & Edieta, gladio

de



defenderet? sed ex ipso Euangelio aliter edoctus *Marinus*, qui *gladium* accepit, *gladio* peribit (id est qui *gladium* contra civilem Magistratum strinxerit, *gladio* diuinæ iustitiæ peribit,) sibi Euangelium arripit, & terreno honori militari renunciâs, spiritualem & cælestem amplexus est, neque vel hîc licet in exercitu Romano potens, nec quisquam Christianorum alius, vel senator, vel ciuis, vel Aulicus repertus est, qui contra Maiestatem Imperatoriam coniuraverit; vel cum *Ingenio* à *Mesiâcis* Legionibus Imperatore appellato; vel cum *Macriano*, qui *Valerianum* prodidit in manus *Sapporis Regis Persiæ*; vel denique cum illis triginta tyrannis, quorum meminit *Trebellius Pollio*, qui capto ab hostibus *Valeriano* adversus *Galienum* ejus filium exorti sunt. Imò, Pontifices Romani, *Stephanus* & *Dionysius*, tantum abfuerunt, ut illos siue ad imperiû, siue Imperatorem inuadendum exciverint, ut ipsi memorabile patientiæ & tolerantie exemplum, presentibus pariter & posteris Christianis, suo sanguine consignatum reliquerint.

## CAP. IX.

*De obedientia Christianorum in Aureli-  
num Persecutione non à grassante.*

*e Vopiscus  
in vita.  
Aureliani.*

**T**Otus erat *Aurelianus* eo præsertim tempore quo adversus *Marcomanos* in Italiam irrumpentes expeditionem pararet, in consulendis Libris fatidicis *Sybillinis*; de quibus inspicendis, cunctantem Senatum literis sic ad-  
„ monuit: [<sup>e</sup> miror vos Patres tam diu  
„ de aperiendis *Sybillinis* dubitasse Li-  
„ bris, quasi in Christianorum Ecclesia,  
„ non in Templo Deorum omnium  
„ tractaretis.] Ex quibus *Aureliani* ver-  
bis, non ineptè colligendum arbitror, nonnullos fuisse tunc temporis in ipso Senatu Romano Christianos, qui cæteris in euolvendis codicibus *Sybillinis* pro suo modulo obnisi sunt: præsertim cū Senatum, etiam suo tempore Christianis repletum, antea ex Tertulliano demonstraverimus. Insuper & in exercitu, tantus fuit Christianorum numerus, ut 65. eodem die extra portam *Salariam*

*lariani* passi fuerint. Neque tamen horum quenkum legimus vel *Zenobia* Orientis Regine, licet Christianorum fau-  
trici; vel *Tetrico* in Gallijs rebellanti,  
adversus hunc Imperatorem, quamvis  
sanguinarium & in Christianos feraliter  
debauchantem adhæsisse. Postremò  
cùm <sup>f</sup> *Mnestheus* ejus Secretorum Notari-  
us, ad extremum supplicium, ob leue  
aliquod admissum destinatus, multorū  
nobilium nomina, cuidam breui (simu-  
lata manu & sigillo Imperatoris) inser-  
uisset, quasi etiam ab eodem morti ad-  
iudicarentur; ut dū illi se in Imperato-  
rem vlciscerentur, ipse interim sartus  
tectus effugeret; quenkum tamen  
Christianorū eum vel in facinus attrax-  
isse, vel adhibuisse in consilium incom-  
pertum est: cū tamen eis & infensis-  
simus esset Imperator, & copia Impera-  
torem aggrediendi non deesset. Sed in-  
terim notatu dignum, illum ministrum  
à Libellis, qui eum occidendum cura-  
uit, cognita fraude in stipitem ligatum,  
bestijs obiectum fuisse.

f *Cuspinia-  
nus in Au-  
reliano.*

## CAP. X.

*De obedientia Christian. in Dioclet. Et  
Maxim. sub Persecutione decima.*

**P**ersecutionū fluctibus in hoc sanguinis pelago præteruectis nouem (paucis diebus Halcionijs intercalantibus) iam tandem sub *Diocletiano* & *Maximiano* Decumanus nobis obuoluitur, iuxta illud Poeticum, non tamen poeticè usurpatum :

*Qui venit hic fluctus fluctus supereminet  
omnes*

*Posterior nono est, undecimoque prior.*

g Li. 5. Ca.  
11

„ [Nemo huius Bellæ immanitatem  
„ potest pro merito describere (inquit  
„ & *Lactantius*) qui uno loco recubans,  
„ tamen per totum orbem dentibus se-  
„ uit ; & non tantum artus hominum  
„ dissipat : sed & ossa ipsa comminuit,  
„ & in cineres furit, ne quis extet sepul-  
„ turæ locus ; Quenam illa feritas ? quæ  
„ rabies ? quæ insania ? lucem viuus, ter-  
„ ram mortuis denegasse.] Fuit hæc  
per-



persecutio ( vt inquit *Eutropius* ) om- „  
nibus alijs diuturnior atque immani- „  
or. Nam per decem annos incendijs „  
Ecclesiarum , proscriptionibus inno- „  
centium, cædibus Martyrum, inces- „  
sabiliter acta est: de huius etiam per- „  
secutionis acerbitate, Christianorum- „  
que in perferendis tormentis alacritate, „  
*Seuerus Sulpitius* hæc tradit; [ Omnis „  
ferè Martyrum cruore orbis infectus „  
est; quippe certatim gloriosis in certa- „  
mina ruebatur, multoque auidius „  
tum Martyria gloriosa mortibus „  
quærebantur, quam nunc Episcopa- „  
tus prauis ambitionibus appetuntur: „  
Nullis vnquam magis bellis mundus „  
exhaustus est, neque maiori vnquam „  
Triumpho vicimus; quam cum de- „  
cem annorum stragibus vinci non po- „  
tuimus.

— *Non anni domuere decem.*

Et certè, videtur Diabolus sui quo-  
dammodo pæfagus ruituri domini,  
nullum non mouisse lapidem, nihil re-  
liquisse intentatum; sed omnes pariter  
effudisse vires ad lumen Euangelij non  
obscurandum modò, sed penitus extin-  
guendum

guendum; Nam vt Spiritus Dei impleuit *Bezalelem* ad excogitandum quicquid fabrifieri potest, ex auro, argento & ære: ita Spiritus nequam, huius æui carnifices edocuit noua planè & inaudita tormentorum genera.

*Non mihi si centum lingue sint,  
Oraque centum, Ferrea vox, —  
Omnia pœnarum percurrere nomina possim.*

[ Ligabantur, includebantur, cædebantur, torquebantur, vrebantur, laniabantur, trucidabantur, multiplicabantur, *non pugnantes pro salute, sed salutem contemnentes, pro seruatore* ] vt appositè & verè de horum temporum angustijs loquens <sup>h</sup> D. *Augustinus*; quibus adijcere liceret, à Ciuilibus commercijs arcebantur, aqua & igne interdicebantur, contra ius fasque ad fodinas & metalla & seruilis opera in *Thermis Dioclesianis* struendis amandabantur, & denique *Thermis* consumptis, omnes operarij Christiani ad numerum decem millium ducentorum & trium, extra Urbem ad aquas *Saluias* necabantur; & alio tempore *Nicomedia* viginti millia

<sup>h</sup> De Ciui.  
De Lib. 22.  
cap. 6.

millia Martyrum in Ecclesia Natalem Christi celebrantium igne iniecto cremati, holocaustum Deo offerebantur; inter hos emicuerunt,

————— *Velut inter ignes*

*Lunaminores.*

*Augusta Diocletiani* coniux, cuius nomen idè Paganorum Historiis suppressum & oblitteratum auguror; *Marcus* item & *Marcellianus*, *Nicostratus*, *Claudius*, *Castorius*, *Chromatius*, *Caius Gabinius*, *Dorotheus*, cum suis sodalibus *Gorgonio*, & *Migdonio*, quos amplissimos in Aula honoris fuisse adeptos, & summa apud *Cæsarem* gratia valuisse testatur *Eusebius* reliquique omnes, vel Natalium claritate, vel necessitudine & affinitate cum ipso Imperatore: vel denique Magistratibus & Præfecturis, siue in Vrbe, siue in Exercitu per insignes. In quo memorabile quidem est illud exemplum <sup>k</sup> *Thebeæ* Legionis, quæ tota fuit Christiana, numero continens sex mille sexaginta sex, milites veteranos, validos animis, & armis instructos; hos sub lustrationis & iuramenti prætextu ad Idololatriam

pellicere tentavit *Maximianus*. Hunc autem in modum, reliquorum nomine respondent *Mauricius Tribunus Legionis*, *Exsuperius Vexillarius* & *Candidus* ordinis Senatorij vir ; paratos scilicet se esse Imperatori in omnibus esse subiectos, atque aduersus barbaros (quod aliis sæpe fecerant) strenuè pugnatu- ros; Verùm quòd Christianam Religionem colerent, se neutiquàm fore immolatu- ros, Responsum hercle prudens, animosum, modestũ, Christianis dignum. Veruntamẽ exinde magis excãdescens *Maximianus*, eos bis decimandos & subinde residuos omnes in fide persistentes trucidandos mandat. Si huic Legioni aliquis tũ præfuiſſet *Marianista*, quàm acriter militum animos ad sua tela in Imperatoris caput & iugulum vibranda, tanquam monstri alicuius. aut immanis bestię inflammasset, vel saltem ad suas copias cum *Amando* & *Æliano* (ad quos perduelles supprimendos hanc expeditionem suscepit *Maximianus*) iungendas sollicitasset : sed illi aliter à suis edocti Episcopis, maluerunt mille perpeti mortes, quàm sui Imperatoris



ratoris personam semel aggredi, aut ab eo deficere ; licet tum temporis Christianam fidem profiterentur : tum *Procopius* ducalem in oriente sublimitatem à *Dioclesiano* nactus, tum <sup>1</sup> *Philoromus*, qui primariam dignitatem apud Alexandrinos consecutus, ut Romanorum mos fuit, satellitibus stipatus, in dies singulos de controuersijs ad se relatis iudicium tulit. Et certè Alexandria cum Imperaret ( nisi reclamasset conscientia ) nullo cum negotio ita naues onerarias potuisset intercludere, ut tota Italia breui spatio fame fuisset enecta & absorpta : præsertim cum, teste <sup>m</sup> *Lactantio*, illo lacteo eloquentiæ flumine, qui hanc persecutionem præsens viderat: Ab ortu solis vsque ad occasum Lex diuina suscepta esset, omnis ætas, sexus, gens, regio, unitis ac paribus animis Deo seruirent : de obedientia tamen Imperatori interim præstita audi ipsum *Lactantium* ; *Defenda est religio, non occidendo, sed moriendo ; non seuitia sed patientia ; non scelere, sed fide.* Audi <sup>n</sup> *Arnobium*, *Lactantij* Præceptorem. *Nostra Scripta cur*  
I 3
ignibus

1 Euseb. li.  
8. ca. 10.

m Lib. 5.  
cap. 13.

n Lib. 4.  
Contra gentes in fine.

ignibus meruerunt dari? cur immaniter conventicula dirui, in quibus oratur Deus, pax cunctis & venia postulatur, Magistratibus, Exercitibus, Regibus? Audi Minutium Felicem, Arnobij coætaneum in suo Dialogo, qui Octavius inscribitur, quot ex nostris, non dextram solum, sed totum corpus vri, cremari, sine ullis ejulatibus pertulerunt, cum dimitti præsertim haberent in sua potestate? Imo<sup>o</sup> S. Augustinum audi, de his ipsis temporibus perorantem, neque tum ciuitas Christi, quamuis adhuc peregrinaretur in terris, & haberet tam magnorum agminapopulorum; aduersus impios persecutores suos pro temporali salute pugnavit: sed potius ut obtineret aeternam, non repugnauit; Audi denique ꝑ Ludouicum Vinem in hæc Augustini verba ita commentantem; [obsistere poterant, & captis armis non modò inimicis metum facere; sed periculum adferre, se propulsando, ceterum longè beatius, & Euangelio Christi dignius existimabant iniuriam pati quàm facere; mori quàm occidere, corpus amittere, quàm animam.] Vnius tamen meminit ex<sup>q</sup> Eusebio<sup>r</sup> Nicephorus hominis Christiani

o Lib. de  
Ciuit. Dei  
22. cap.

p In Com.  
in illum  
locum.

q Lib. 8.  
cap. 5.  
r 6. 5.

Christiani, qui professionis Christianæ immemor, Edictum Imperatoris aduersus fideles latum, & publico in loco *Nicomedia* affixum arripuit, atque in minutissimas partes conscidit, cum quidem ea in vrbe vterque Imperator adesset: quo commisso facinore *ἡ δὲ ἱστορία* inquit Nicephorus, *ὡς παλαιῶν* ut par erat *penas pendit* (reddente *Iohanne Lango*) Licet enim illi certè digni, qui plura his paterentur, hic tamen indignus qui vel istud faceret. Quare, & vtrumque Imperatorem satietate imperandi imperio se quidem abdicasse, neutrum autem à *Marcellino* Pontifice Romano abdicatum legimus, imò tantum absuit ab vtrius abdicando, vt vnus suasu ipse Idolis thurificaret; quam Historiam, licet & *r Binius* & *f Baronius*, vt obreptitiam clarè refutari posse contendant: illam tamen veram fateatur *Bellarminus*, tum in *Tractatu de Pontifice Romano*, tum etiam in *Epistola ad Blackwellum de Iuramento fidelitatis non suscipiendo.*

r 1 Tom. I  
conc.

pag. 222.

f Anno 302.  
num 96



Ab initio imperij *Constantini*,  
vsque ad interitum *Phocæ*.

LIBER III.

CAP. I.

*De fidelitate Hæreticorum & Paganarum  
in Constantinum, & Christianorum  
in Licinium.*

**A**M tandem hac perse-  
quutionum procella & ca-  
ligine depulsa emicuit in  
*Constantio* Religionis qua-  
si crepusculum : & in *Constantino* no-  
strate ad Christianismũ plenè conver-  
so, quasi exorto supra Horizõtem Sole,  
effulsit plena radiatio : cum illo tamen  
discrimine ad verum Solem ; quod hu-  
ius lumen progrediatur ab Oriente in

Oc-



Occidens ; illius verò processit ab Occi-  
 dente in Oriens. Tum celebre spe-  
 ctaculum, nobis omnibus optabile &  
 vehementer desideratū, inquit *Eu-*  
*sebius*, ante omnium oculos propone-  
 batur, Dedicationum scilicet Festiui-  
 tates per vrbes singulas, Templorum  
 nuper ædificatorum consecrationes,  
 frequentes Episcoporum in unum  
 conventus, peregrinorum longè ab  
 exteris Regionibus accedentium  
 concursus, mutue populi in populum  
 beneuolentie, propterea quòd mem-  
 bra corporis Christi in unam quasi  
 harmoniæ & concentus conspiratio-  
 nem coibant.] Sed ea est communis  
 humani generis inimici versutia, ut Ec-  
 clesia saltem in Occidente, iam ab ex-  
 terna tyrannorum vi secura, intestinis  
 schismaticorum & Hæreticorum labo-  
 raret diffidijs, de celebratione Pascha-  
 tis, & filij Dei, cum Patre confub-  
 stantia, adversus Orthodoxos digla-  
 dantium, qui Imperatoris iussu con-  
 dignis affecti supplicijs ; licet eo ve-  
 cordiæ prouecti fuerint, ut Imperato-  
 ris \* imaginem contumelia afficere non  
 dubita-

t *Lib. 10.*  
*Cap. 8.*

\* *De vita*  
*Const. li. 2.*  
*cap. 4.*

u *Ariminense, Seleucicnse, Syrmicnse. Vide etiam August. contra Parmen. cap. 6.*

x *Aduersus Luciferianos.*

y *Niceph. lib. 8. ca. 51.*

dubitarent aliqui ; alij ejus personam conuitijs onerare, quoniam tamen vel *Donatistarum*, vel *Arrianorum*, vel *Miletianorum* vitæ ejus insidias clàm tetendisse, aut vim intulisse palàm non legimus : cùm tamen tanta esset *Arrianorum* multitudo, ut aliquot <sup>u</sup> *Concilia* ex plærisque Orientis ciuitatibus congregata, ab eorum partibus stare viderentur, eisque adhæreret *Eusebius* Nicomediensis Episcopus, *Constantie* Imperatoris sorori valdè charus : Faueret item *Eusebius Pamphili Casariensis*, quem Imperator non modò in oculis, sed secum in sinu quasi & pectore semper gerebat. Ingemiscebat (inquit <sup>x</sup> *Hieronymus*) Christianus Orbis, & miratus est se subitò factum esse *Arrianum* : ] non verò ingemiscebat *Arrianum* factum fuisse Regicidam, erat siquidem <sup>y</sup> æquiuator, & æquiucantium author *Arrius* ; Regicida tamen, vel regicidarum patronus non erat. Imò & illud obseruandum, non solùm hæreticos à temeranda Imperatoris persona abstinuisse : sed ipsos etiã infideles *Ethnicos* : Quid ? annon eadem est ratio Ethnici ad Principem

cipem ex Ethnico Christianum, quæ Christiani ad Principem è Christiano Ethnicum factum : quem tamen vel Ethnicorum aduersus *Constantinum* Gentilismo renunciantem, sacris Christianorum mysterijs initiatum, quem inquam, vel senatorem, vel Militem, vel ciuem leuissimam seditionem religionis causa mouisse constat ? Erubescant igitur hîc Christiani, & ab Infidelibus Christianam tandem, & ipsi discant obedientiam.

Sed quid interim in Oriente factum? ibi furor *Licini* in Ecclesias insultare grassarique coepit, quem constat quam plures Christianos militia nobiles, ignominia causa ad opus publicum damnassee; alios insuper ad textrinam, aliaque opera gynneceæ ascripsisse, id quod testatur ipsemet *Constantinus* in edicto quod primum post expugnatum *Licinium* pro Christianis edidit. Huius insuper persecutionis sub *Licinio* meminit *Basilius* in oratione in 40. Martyres; ubi confitentibus omnium poenarum genera, ignem, ensem, botrum, culeum, rotam, flagellum proposita; et ex eorum con-

z lib. 2. de  
uita Con-  
stantini  
Cap. 25.

conspectu aliquos fugisse, succubuisse  
 alios, quosdam fluctuasse; rebellasse ve-  
 rò vel in hostium castra transfugisse ne-  
 minem affirmat; licet Imperatorem in  
 Occidente haberent suæ professionis  
 magnanimum, et in ipso *Licinij* exerci-  
 tu Christianos Duces præpotentes: vt-  
 pote *Theodorum*, spectata fortitudine  
 virum (inquit *Nicephorus*) *Arscitum*,  
 genere *Persam*, cuius inter alios con-  
 fessores præcipuè virtus effulsit (in-  
 quit *Sozomenus*) et denique *Auxen-  
 tium*, cuius quia Historia memorabi-  
 lis est, et ad propositum præsens non im-  
 pertinens, illam ex <sup>a</sup> *Suida* hic adferam.  
 [Erat hic in palatio *Licinij* inter sub-  
 scribas (quos Latini Notarios vocant)  
 illustri loco: in Imperiali autem domo  
 fons aquæ fuit, & super ea fonte *Bacchi*  
 simulachrum: tum autem vitis ampla,  
 quæ locum cum omnem tegens, multa  
 cum amænitate obumbravit. Hunc  
 cum *Licinius* veluti deambulans, *Aux-  
 entio* et multis præterea alijs eum offi-  
 cijs gratia comitantibus venisset, & Bo-  
 trum ingentem & maturum è palmite  
 pendentem conspexisset: *Auxentio* vt  
 cum

a In verbo,  
*Auxentius*.



eum decerperet mandauit; *Auxentius* verò nihil prorsus subesse doli suspicatas, pugione quem ex fæmore suspensum geltabat stricto, Botrum refecauit. Tu *Licinius*, ad pedes *Dionysij*, vnus deponere dixit; *Auxentius* verò minime gentium, inquit, Imperator, *Christianus* enim sum: *Lucinius* rursus itaque ex Aula ait confestim abibis dignitate posita; alterum tibi duorum istorum necessario faciendum]. Quid ad hæc *Auxentius*? non in *Licini* viscera licet tyranni & Christianorum sanguisuglæ pugionem strictam impingit, sed nulla interposita morâ iugulum militare perquàm libenter ponit, & Aula discedens valedicit. Concludam hoc caput cum illo insigni *Athanasiana* obediētiae exemplo; quem cum Imperator vrgentibus *Arrianis* causa inaudita in Gallias religasset, ille libertatem pariter & modestiam Episcopo dignā adhibens, Imperatori respondet: <sup>b</sup>*iudicabit Dominus, inter te & me, quoniā tu consentis calumniatorib<sup>9</sup> meis*, Non inquit iudicabit Episcopus Romanus inter me & te: sed Dominus. Quinimò in exilio degens, ad fratres  
*solitariam*

b Epiphaz.  
heres. 68.

c *Ad solitariam vitam agentes.*

d *Apolog. 2.*

*solitariam vitam agentes*, ad Imperatoris seueritatem extenuandam in hunc modum rescribit [<sup>c</sup> Siquidem Pater, nempe *Constantinus* Eusebianorum calumniam *Athanasium* in Gallias ad tempus amandauit, quo liberior esset ab eorum crudelitate, qui illi per insidias imminebant] : cum tamen ipse alibi in ea sententia pronuncianda, <sup>d</sup> emicuisse *Cæsaris* iram, & atroces minas effudisse testatur. Quid hic hæres *Marce* Pontifex Romane? Imperatorem *Arrianis* iam aures accommodasse vides, magnum *Athanasium* in exilium misisse; imò quod peius, post baptismum *Aruspices* consuluisse, *Faustam Augustam*, *Crispum filium*, *Licinium Nepotem* interficiendos mandasse; non hæc recenseo, vt *Zozimus* in huius optimi Imperatoris contumeliam: sed vt ostendam, posse optimos Reges aliquandò optimis se opponere, nec statim tamen humana potestate esse coercendos, multò minùs trucidandos, aut à suo deturbandos imperio.

CAP. II.

## CAP. II.

*De miserando exitu Magnentij tyranni  
& Fidelitate Orthodoxorum in Con-  
stantium Arrianum; præcipuè verò  
Athanasij.*

Mortuo *Constantino*, diuisum fuit Imperium in tres partes, inter eius filios *Constantinum*, *Constantem* & *Constantium*. Quorum primus, dum nititur partes Iunioris fratris inuadere, (memorante, \* *Eutropio*) bellum contra eum commouet, & dum inconsultiùs apud Aquileiam illum aggreditur, à *Constantis* ducibus interfectus est, & in fluuium proiectus.

• Secundus in *Donatistas* seuerus; propterea ab illis imprecationibus deuouetur, oneratur conuitijs; quos idcò *Optatus Mileuitanus* Orthodoxus procacitatis arguit, ita de *Donato* ad *Parmenianum Donatistam* loquens. • Ille solito furore succensus, in hæc verba prorupit. Quid est Imperatori cum Ecclesia? et de fonte leuitatis suæ multa maledicta

\* Lib. II.  
Rerum.  
Rom.

• Lib. 3.

ledicta effudit, non minùs quàm in *Gregorium* aliquandò, ad quem sic scribere non dubitavit; *Gregori* macula Senatus & dedecus Præfectorum, & cætera talia ] tantum ob linguæ in suum Imperatorem virulentiam ita increpat Orthodoxus Hæreticos. Constans autem anno sui Imperij 17. ætatis 30. ex coniuratione *Magentij* apud *Helenam* oppidum Pyrineo proximum non longè ab Hispânijs interficitur. Fuit hic *Magentius*, tum temporis specie tenuis Christianus: animo autem & actu Ethnicus. Quod exinde constat, quod post mortem *Constantis* Paganorum Idola restitueret, & adoraret. Fuit etiam & hoc primum Imperatoris Christiani à suo subdito interfecti exemplum: sed interfectoris exitum paulisper attenditote, & videbitis hoc monstrum à *Constantio* superatum. <sup>f</sup> Primò matri, deinde Seniori fratri postremò sibimetipsi violentas manus inferentem, naribusque, et ore cruorem effundentem. Quinetiam eius morte audita, *Decentius* frater laqueo fascia composito vitam finiuit, sanctissimus ille vir

(inquit

f Socrat.  
lib. 2. c. 27.



(inquit *g Athanasius*) de *Constante* loquens, martyrium assequutus est ille contra, (*Magnentium* intelligit), iam inde quasi in nexu esset, ad similitudinem *Cam*, cum gemitu et trepidatione fugiebat, ut *Iudam* postea eodem mortis genere imitaretur, sibi que ipsi carnifex factus, duplex supplicium, & hic, & in iudicio futuro irrogauit.

Mortuis utrisque Fratribus, vniuersa rerum summa *Constantio* cessit, unde arrogantior esse cepit (inquit *h Zoimus*) quod eam fortunę prosperitatem moderatę ferre non pollit; immunemque se deinde fore ab omni mortalitatis incommodo fidenter existimans (inquit *i Ammianus*) confestim à iustitia declinauit ita intemperanter: ut *eternitatem meam* aliquoties ipse propria manu subscriberet, suumque *Cæsarem* æternum appellauerunt, qui filium Dei æternum esse negant, inquit *Athanasius*. Imò ipse Imperator post victoriam de *Magnentio* partam, *Arrianissimus* factus, *k* eosque Catholicos persecutus est, ut violentia non minor ea esset, quàm illi olim adhibuerant, qui Christianos

K

ad

*g Apolog.  
ad Constantium.*

*h Li. 3.*

*i Lib. 15.*

*k Soc. lib.  
2. cap. 22.*

*Oratione  
in laudem  
Hieron.*

*m Epist. ad  
Orthodoxos  
& in apolo-  
giâ ad Con-  
stantium.*

ad simulachra colenda compellebant, adeò ut nemo illius temporis calamitates (teste <sup>1</sup> Nazianzeno) pro rei indignitate satis commemorare, ac deplorare queat: [Nunquam, quicquam tale auditum est in Orbe terrarum, neq; quicquam, vnquam istiusmodi mala expertus est, (clamat <sup>m</sup> Athanasius,) Tanta siquidem immanitas fuit, ut Virgines denudarint, corporaque plagis interfectorum aliquandiu ad sepulturam reddere negauerint; sed foris obijcerent canibus, donec depensa ingenti multa, clanculum à necessarijs subducerentur. Magnus ibi in distinguendis cadaueribus labor, cò quòd nemo suos agnosceret; cetera quæ facta sunt incredibilia, & tam tetra, ut sensu audientis obstupesciant. Ego mihi imperare non potui, inquit alibi idem Author, quin paucis ea quoque delinearem, quo planè vobis constaret, nullo vnquam tempore talia in Ecclesia perpetrata esse, ex quo *Saluator* noster in coelum euectus Discipulis præcepit: *ite, & docete omnes Gentes.*] Quid interim in has angustius redacti Catholici? quùm *Magnus Athanasius Episcopus*

*piscopus Alexandrinus*, qui huius Persecutionis pars magna fuit? bis ex Imperatoris Decreto in exilium relegatus, & indignissimè ab Arrianis tractus ad tribunalia, iniquissimè accusatus. Cur non imperij proceres ad imperatorem abdicandum hortatur? ægrè ferentes quòd in suos propinquos sæuaret, quòd *Ablauio* viro consulari & prætorij præfectura decorato, mortem machinaretur. Et denique quòd illo si non iubentè, sinente saltem *Dalmatius Cæsar*, prosperima indole iuuenis (vt loquitur *Entropius*) oppressus fuerit. Cur non populum Alexandrinum numerosissimum sui præsulis obseruantissimum, & denique supra modum ad<sup>n</sup> seditionem à natura propensum, ad arma & tumultus concitet? Imò è contra, populo concitato, ut decebat tantum & talem Episcopum, pietate grauem,

*Ille regit dictis animos & pectora mulcet.*

Et in *Apologia sua ad Constantium* illum Pijssimum & Religiosissimum, *Augustum* appellans, duobus criminibus Læsæ Majestatis sibi obiectis, in hunc modum

n Epiphanius heresi  
69. & Euag.  
lib. 2. cap. 8.

dū respondet: Priori quòd *Constantem* scilicet Imperatoris Fratrem ad Bellum *Constantio* fratri inferendum sollicitauerit, his verbis. [Non infanio ego, non mente captus sū, ut vel cogitasse vnquā me tale quid suspiceris. Quapropter ne alijs quidem percontantibus respōdere velim, ne iterum dū excuso me, illi qui audiunt animi pendeant, tuę autem pietati magna & clara voce respondeo, manūq; extensa, (quod didici ab Apostolo) *Deum in meam ipsius animam testor*, & ut scribitur in *Lib. Reg.* iusiurandū concipio, *testis sit Dominus, & testis sit Christus eius*, (sinas quę so me loqui) nunquā in malum tui mentionē feci, apud fratrē tuū *Beatę memorię Constantē*, *Piissimū Augustum*, neq; illū aduersus te irritaui, ut calūniantur isti; imò contra, si quando eū conuenirem) mentionem ipse faciebat de humanitate tua, quod etiā tū accidit, cum *Thelassius* veniebat *Pitybionem*, & nos commoraremur *Aquilę*. Deus conscius est, quā ego ibi tuę pietatis meminerim, & quę ego per id tēporis loquutus fuerim, Deus tuę aliquando menti reuelabit, ut cognoscas

Syco-



Sycophantias meorum apud te calumniatorum. Sinas quæso me ista loqui (humanissime *Auguste*) plurimamque mihi hac in parte veniam concede. Non ita facilis erat, non ita obuias aures habebat cultor ille numinis *Constans*, neque ego apud eum tantus, ut de istiusmodi rebus verba fuisse ausus facere, & fratrem obrectare, & de Imperatore apud Imperatorem criminose loqui. Non infans Imperator, neque immemor sum diuinæ vocis, ita loquentis, & in *Conscientia* tua Regem ne execreris, & in recessibus regni tui ne obrectaueris opulento, quoniam *volucres cæli auferent vocem tuam, & alatus renunciabit sermonem tuum*, Quod si ea quæ de vobis regibus secreto dicuntur, latebras non habent, quæ quæso credibile est, præsentem Imperatorem, & tot in orbem circumstantibus, me mala de te loquutum fuisse?

Posteriorem accusationem; quod scilicet cum *Magnentio* Tyranno aduersus Imperatorem foedus iniisset ita diluit. [De secunda autem calumnia, quod scripserim Tyranno (nam ne nomen quidē eius affari velim) obtestor,

ut per quos tibi videbitur, rem exquiras, causamque cognoscas (nam magnitudo calumniæ sensus meos obstupescit.) Crede mihi (Religiosissime Princeps) sæpe mecum perpendi, an credibile esset quenquam ita insanire, ut talia mentiri nihil vereatur; coeterum quia apud *Arrianos*, & hoc quoque iactatum est, illique gloriantur Antigraphum Epistola mea se habere, maiorem in modum obstupui, & noctes insomnes ducens cum aduersarijs meis veluti presentibus depugnabam, ac derepentè in ingentem clamorem & has preces erupi, optabamque cum gemitu & lachrymis, ut quamprimùm propitias tuas aures adipiscerer. Quas cum per Dei gratiam adeptus sim; ecce denuò hærito, quid initium meæ responsionis faciam. Quotiescunque enim loqui meditor, ipsius rei prodigio & honore impediior, Diabolum autem *Magentium*, (testis est mihi Deus & Christus eius) neque noui, neque quicquam de eo compertum habui.] Idem alibi, eundem *Magentium* perduellem, Incantatorem, perfidum, periurum, belluam, monstrum appellat,

pellat, & tandem in illas erumpit voces?  
[taline monstro me amicum posse fieri  
calumniator putet? ego admiratione  
prodigioque calumnie perculsus, hæsi-  
to, quid oporteat respondere, meque in  
mille mortes condemno, si vel suspitio  
talis de me vsquam fuerit. Imò tantum  
abest, ab Imperatore vel armis impe-  
tendo, vel lancinando lingua aut cala-  
mo; ut passim per eandem Apologiam,  
se pro eius incolumitate tum priuatim,  
tum publicè preces fudisse fateatur: ni-  
hil aliud dixi, quàm precamur pro salu-  
te Religiosissimi Imperatoris *Constan-  
tij*, & statim uniuersus populus una voce  
acclamauit, *Christe auxiliare Constantio*,  
& magna persequerantia has preces  
continauit.] Sed interim alij per Chri-  
stianum Orbem Episcopi centū & 16. à  
suis sedibus ex Imperatoris Edicto pul-  
si, quid meditantur? quid moliuntur?  
quid *Iulius* Pontifex Romanus ab Ar-  
rianis excommunicatus? quid *Liberius*  
amandatus in exilium (legatis suis in  
carcerem coniectis?) cur non suum  
fulmen in Imperatoris caput ejacula-  
tur? imò audi ipsius fulmen in Epistola

o Tom. 2.  
Bib. Sancte.

p Tom. 2.  
Bib. Sancte.

ad Imperatorem, [ ° Gloriosissimo  
*Constantio Augusto &c.* Opto tranquil-  
lissime Imperator, ut mihi benignas au-  
res Clementia tua tribuat, quo possim  
mansuetudini tuæ mentis meæ proposi-  
tum aperire &c.] Nec ita multò post, ut  
ad pristinam dignitatem restitueretur  
Arriano dogmati subscripsit, fatente  
*Hieronymo, Hilario, Sozomeno, Epipha-  
nio, & ipso Casare Baronio* (ut cunq; tur-  
pissimum hunc lapsum ab infamia vin-  
dicare tanquam pro aris & focis con-  
tendat.) Porro *p Cyrillus Archiepiscopus  
Hierosolimitanus*, ipse ab *Arrianis* etiam  
miserè vexatus, in hunc modum Impe-  
ratori scribit. Imperatori Deo dilectis-  
simo & pientissimo *Constantio Augusto  
&c.* concludens tandem his verbis: ipse  
Rex, omnium Deus, totius beneficen-  
tiæ exhibitor, multis annorum perio-  
dis, ad honorem & gloriam Christianis  
mundoq; uniuerso te seruet incolumem,  
potentiorēque te efficiat, & omni or-  
natum virtute, ut pro more sanctarum  
Ecclesiarum Imperatoris Romani hu-  
manitatem demonstres, & amplioribus  
pietatis coronis in multos annorum cir-  
culos



culos quietus resplendeas, Deus uniuersorum id nobis concedat.] In huius etiam Imperatoris laudibus, idque post ipsius obitum, triumphat *q Nazianzenus B. Hieronymi Præceptor*, & per excellentiam *Theologus* cognominatus; eumque hunc in modum excusare contendit. [Si rectam fidem nonnihil luxare visus est, hoc crimen Procerum importunitati tribuendum est] *Hosius* insuper (quo non in hoc seculo, vixit cordatior alter) ita hunc Imperatorem affatur. [*Qui tuum imperium malignis oculis carpit, contradicit ordinationi diuinæ.*] Et licet *Hilarius Episcopus Pictaviensis*, ab eodem Imperatore in exilium missus, priori suo Libello ad illum dedicato, in eum acerbius calamum stringere videatur: in posteriori tamen benemonens, scilicet iuxta illud *Pyndaricum* (posteriores cogitationes esse sapientiores; mitiori stilo agit, ita illum affatus. [Benignifica natura tua Domine Beatissime *Auguste*, cum benigna voluntate concordat, & quoniam de fonte paternæ pietatis tuæ miserecordia largiter profluit, quod rogamus nos faciliè impetrare posse confidimus

*q Orat. in. Jul. 1.*

*τ Vide Athan. ad Solitariam vitam agentes.*

fidimus,] Et alibi [Intelligit singularis & admirabilis sapientia tua Gloriosissime *Auguste*]. Et alibi : [non solum verbis, sed etiam lachrymis deprecamur.] Et alibi, Pro incolumitate & beatitudine tua, offerant preces.] Et deniq;, nulla quidem suspitio erit non modò seditionis; sed nec asperæ murmurationis; tandem verò concludit; Dei omnipotentis clementia, te nobis custodiat clementissime ac Religiosissime Imperator.] Meminit quidem *Becanus* Libri à *Lucifero Caralitano Episcopo de non pariendo in Deum delinquenti*, & *Baronius de Regibus Apostatis* utriusque in hunc Imperatorem conscripti, verum hunc eundem *Luciferum* fuisse, à quo postea in heresim lapsus *Luciferianus*, contra quos scripsit Sanctus *Hieronymus* suum mutuati sunt nomen, apud omnes in confesso est.

## CAP. III.

*De fidelitate Christianorum erga Iulianum Apostatam.*

**C**onstantio, Iulianus primo Imperatori Hæretico, successit Apostata, qui <sup>t</sup> Edicto cauit; ut qui sacrificare noluerint, in Palatium non intrarent, neq; collegio eos, neque foro, neq; arbitrio, neque ulla dignitate participare iussit. [Rex (inquit <sup>t</sup> Chrysostomus) nostro æuo, omnes qui præcesserunt impietate vincens.] De quo eleganter <sup>u</sup> Nazianzenus. [Quis mihi Herodoti atque Thucydidis otium, linguamque suppeditabit, ut istius improbitatem ætati futuræ transmittam? atque huius temporis Historiam quasi in Columna scriptam posteris relinquam? vix Imperij hæreditatem adire cœperat, cum impietatem palàm libereque profectur, perinde atque hoc nomine erubescens, quòd Christianus aliquando fuisset, & idem alibi; Furebat ille indies, aduersus nos vehementius, non secus ac fluctus

<sup>t</sup> Entrop.  
Rerum.  
Rom. lib. II.

<sup>t</sup> In serm.  
de Sanctis  
Iuuentino  
& Maximo.  
<sup>u</sup> Orat. I. in  
Iulianum.

x In myso.  
pog.

fluctus super fluctus excitatus, qui in se ipsum primùm insanierat, & sancta protriuerat, Spirituiq; gratiæ contumeliam intulerat; *Ieroboam* appositè dixeris, aut *Israelitam Ahab*, aut *Aegyptiũ illũ Pharaonem*, aut *Assyrium Nabucodonosor*, vel hæc omnia contrahentes, unũ & eundẽ nominabimus: quandoquidẽ eum omnium vitia in se collegisse constat, defectionem nempe *Ieroboam*, crudelitatem *Ahab*, duritiem *Pharaonis*, sacrilegium *Nabucodonosoris*, omnium deniq; in unum collectorum impjetatem] x Imò ipse, de seipso; finite me liberè, quod sentio, dicere. [Vna in re tantum iniuriam vobis fecit *Constantius*, quod me cum *Casarem* fecit, non vita priuauit?] quid vos iam Christiani cogitatis? quid molimini? Certè si vnquàm, si vspiam, iuste in Tyrannum irruere possitis, hîc impiè statis; Tyrannum Religionis & suæ, & veræ non desertorem modò, sed irrisorem & oppressorem, immundis Spiritibus familiarem, persecutorem Sanctorum, in *Saluatorem* mundi blasphemum, Deo denique & hominibus odiosum. Num vobis vires de-



desunt? at teste *Sozomeno* [tanta erat eorum multitudo, ut magistratus cuiusque ciuitatis ægrè eorum calculum subducere, & in tabulas referre potuerint. Et in ipso Exercitu, tantus numerus, ut cum post *Iuliani mortem*, *Iouianus Christianus*, Christianus, violenter à militibus ad imperium raptus, illis imperare recusasset, qui à fide sua alieni essent: milites pœnè omnes, acri voce, velut ex composito, *z se quoque Christum colere acclamarent*. Num ductoribus vobis opus est? at habetis *Iouianum, Valentinianum, Valentem*, qui postea sunt imperij gubernaculis potiti, & denique *Artemium Ægypti Præfectum* sub ipso *Constantino* Artis Militaris peritiâ, celebrem: Vobis interea idem animus, eadem mens, quæ *a Gregorio Nazianzeno*. De his *Iuliani* temporibus loquens, [nobis quibus nulla alia arma, nec muri, nec præsidia, præter spem in Deum reliqua erant, quem tandem alium, aut precum auditorem aut minarum depulsores habituri eramus quàm Deum? Quorum enim extentæ inter precandum manus flammæ extinguunt, feras consopiuunt, gladiorū acie re-

y *Lib. 5.*  
ca. 14.

z *Cuspin. in*  
*Iouiano.*

a *Orat. 3.*  
*in Iulianum*

b Serm. in  
Iulentinum  
& Maxi-  
mum tom. 3.

c Rufinus  
lib. 1. cap.  
30.

d Socrat. li.  
3. cap. 12.

retundunt, instructas acies in fugam  
vertunt, tuam etiam Imperator impie-  
tatem compressuræ sunt etiam si ad ali-  
quod tempus extollaris.] Dolebant, &  
lachrymabantur, (inquit <sup>b</sup> Chrysosto-  
mus) in malis quæ tunc fiebant, quasi  
uniuerso mundo tutores dati essent, &  
ibidem in Martyrum *Iuuentini & Maxi-  
mi* persona loquens: Aripamus, in-  
quit, arma spiritualia, non opus jaculis  
& sagittis? &c. Sed quid interim de hoc  
Apostata Episcopi Ecclesiæ luminaria?  
*Lyberius* hoc ipso tempore Episcopus  
Romanus, ad *Athanasium* <sup>c</sup> literas de-  
dit, sed de Imperatore excommunican-  
do, aut deponendo, ne verbum quidem,  
multò minùs trucidando: Imò ipse *A-  
thanasius*, ex Alexandria Imperatoris  
mandato profugere coactus, in eos qui  
illum circumstantes molebant & dis-  
cessum ejus grauitè ferebant, oculis  
coniectis: [<sup>d</sup> *bona estote animo filioli, inquit,  
nubecula est, breui euanescet.*] Quasi dix-  
isset; non ipsi eam dissoluite, sed ejus  
dissolutionem maturè euenturam ex-  
pectate. Post Imperatoris interitum,  
duas quidem Inuectiuas in eum scripsit

Gre-

Gregorius Episcopus Nazianzenus, multo  
 facie resperfas, tandem autem concludit:  
 [e eos à quibus tyrannide oppressi sumus,  
 mansuetudine vincamus, hac ratione, eis à  
 quibus iniurias accepimus, sublimiores nos  
 praestamus.] Cyrillus autem Episcopus A-  
 lexandrinus in responsione ad libros Iuliani,  
 (quos teste <sup>f</sup> Hieronymo in expeditione  
 Parthica contra Christum euomuit) in  
 Epistola nuncupatoria ad Theodosium, non  
 tam contra Regem se dicere profitetur,  
 quàm pro gloria Christi, qui cum sum-  
 mo uniuersorum Patre suo principa-  
 tum gerit, de quo & solo dici debet; *per  
 me Reges regnant.* Postremò Milites  
 Christiani, quod ad Idolis thurifican-  
 dum adegit, non arma arripiunt, aut ad-  
 uersus eum coniurationem ineunt; sed  
 [cùm venissent ad Principem (inquit  
 & Eutropius) proiecerunt aurum, quod  
 acceperant, & forti voce poscebant, ut  
 reciperet quod dedisset, & occideret il-  
 los.] Tantùm absuit illa ætas, à Princi-  
 pe, vel omnium scelestissimo occiden-  
 do, ut ipsi occidi poposcerint. Nec dis-  
 similiter de hoc ipso Imperatore, & eis-  
 dem militibus <sup>h</sup> D. Augustinus. ] Do-  
 mi-

c Orat. 2.  
 in Iulianum

f Epist. 84.

g Rerum  
 Rom. li. 11.

h In psal.  
 124, in illa  
 verba; non  
 derelinques,  
 &c.

b Serm. in  
luculentinum  
& Maxi-  
mum tom. 3.

c Rufinus  
lib. 1. cap.  
30.

d Socrat. li.  
3. cap. 12.

retundunt, instructas acies in fugam  
vertunt, tuam etiam Imperator impie-  
tatem compressuræ sunt etiam si ad ali-  
quod tempus extollaris.] Dolebant, &  
lachrymabantur, (inquit <sup>b</sup> Chrysosto-  
mus) in malis quæ tunc fiebant, quasi  
uniuerso mundo tutores dati essent, &  
ibidem in Martyrum *Iuuentini & Maxi-  
mi* persona loquens: Aripiamus, in-  
quit, arma spiritualia, non opus jaculis  
& sagittis? &c. Sed quid interim de hoc  
Apostata Episcopi Ecclesiæ luminaria?  
*Lyberius* hoc ipso tempore Episcopus  
Romanus, ad *Athanasium* <sup>c</sup> literas de-  
dit, sed de Imperatore excommunican-  
do, aut deponendo, ne verbum quidem,  
multò minùs trucidando: Imò ipse *A-  
thanasius*, ex Alexandria Imperatoris  
mandato profugere coactus, in eos qui  
illum circumstantes mœrebant & dis-  
cessum ejus grauitè ferebant, oculis  
coniectis: [<sup>d</sup> *bona estote animo filioli, inquit,  
nubecula est, breui euanesce.*] Quasi dix-  
isset; non ipsi eam dissoluite, sed ejus  
dissolutionem maturè cœnturam ex-  
pectate. Post Imperatoris interitum,  
duas quidem Inuectiuas in eum scripsit

Gre-



Gregorius Episcopus Nazianzenus, multo  
 sale resperfas, tandem autem concludit:  
 [e eos à quibus tyrannide oppressi sumus,  
 mansuetudine vincamus, hac ratione, eis à  
 quibus iniurias accepimus, sublimiores nos  
 prastamus.] Cyrillus autem Episcopus A-  
 lexandrinus in responsione ad libros Iuliani,  
 (quos teste <sup>f</sup> Hieronymo in expeditione  
 Parthica contra Christum euomuit) in  
 Epistola nuncupatoria ad Theodosium, non  
 tam contra Regem se dicere profitetur,  
 quàm pro gloria Christi, qui cum sum-  
 mo uniuersorum Patre suo principa-  
 tum gerit, de quo & solo dici debet; *per  
 me Reges regnant.* Postremò Milites  
 Christiani, quod ad Idolis thurifican-  
 dum adegit, non arma arripiunt, aut ad-  
 uersus eum coniurationem ineunt; sed  
 [cùm venissent ad Principem (inquit  
 & Eutropius) proiecerunt aurum, quod  
 acceperant, & forti voce poscebant, ut  
 reciperet quod dedisset, & occideret il-  
 los.] Tantùm absuit illa ætas, à Princi-  
 pe, vel omnium scelestissimo occiden-  
 do, ut ipsi occidi poposcerint. Nec dis-  
 similiter de hoc ipso Imperatore, & eis-  
 dem militibus <sup>h</sup> D. Augustinus. ] Do-  
 mi-

c Orat. 2.  
 in Iulianum

f Epist. 84.

g Rerum  
 Rom. li. 11.

h In psal.  
 124, in illa  
 verba; non  
 derelinques,  
 &c.

minus inquit Coeli & terre, per quem facta sunt omnia, seruiuit indignis, rogauit pro sæuientibus, & furentibus, quantô magis non debet dedignari homo, ex toto animo, & tota voluntate bona, cum tota dilectione seruire domino etiam malo ? quod autem dixi de domino & seruo, hoc intelligite de potestatibus & Regibus. *Julianus* extitit infidelis Imperator, nomine extitit Apostata iniquus Idololatra ? milites christiani seruiuerunt Imperatori infideli, ubi veniebatur ad causam Christi, non agnoscebant nisi illum, qui in Cœlo erat: Quando volebat, ut Idola colerent, ut thurificarent, præponebant illi Deum, quâdo autem dicebat producite aciem, ite contra illam Gentem, statim obtemperabant, distinguebant dominum æternum, à Domino temporali, & tamen subditi erant propter dominum æternum, etiam Domino temporali.] Non intempestiuè hîc adijcere liceret de *Valentiniano* Historiam ex *Paulo Diacono* in suis Additionibus ad *Eutropium* desumptam; Hic igitur, cum *Juliano* ingressus est in Templum *Fortuna* Ministris

stris Templi ex vtraque parte ianuarum stantibus, & asperlione aquæ (sicut ipsi dicebant) purgantibus ingredientes. *Vespasianus* præcedens Principem asperlione guttam sua vidit in chlamyde, & indignatus, pugno percussit Templi Ministrum, dicens se maculatum potius quàm mundatum; quod respiciens *Julianus* iussit eum in custodiam retrudi, dicens: aut sacrificia Idolis, aut militia excede, qui baltheum soluens, sine murmure discessit, pariter ostendens, & militis pro religione fortitudinem, & subditi in Principem obedientiam.

Supereſt, ut de morte *Juliani* aliquid attexam, quoniam *Iohannes Mariana* suam opinionem de Regibus occidendis præsertim ab illa nitatur astruere. Testimonium *Sozomeni* allegans his verbis: *Nobilis Historicus Sozomenus libro 6. cap. 2. Militem, si quis forè Iulianum Imperatorem occidisset, uti eo tempore quidam accusabant) iure & cum laude fecisse ait: sed Iesuitæ perfidiam parumper attendite. Primò quod Sozomenus affirmat non iure & cum laude fecisse; sed*

i *Epist.* 31.  
lib. 6. indi. Et.  
15.

k *Tom.* 3.  
pag. 230.

l *N'ceph. li.*  
10. cap. 34.

m *Lib.* 3.

n *Lib.* 25.

ægrè reprehendi potuisse ; Secundò quod Sozomenum, quem ipse nobilem Historicum appellat, <sup>i</sup> *Gregorius Magnus* mendacij arguat, stupiditatis incredibilis <sup>k</sup> *Baronius* : tertio quod commentum hoc *Iulianum* scilicet à Christiano fuisse interfectum, a <sup>l</sup> *Libanio Sophista* in odium Christianorum primò inuentum fuerit ; cùm alij etiam Ethnici ictum mortiferum in aliquem Persarum referre videantur. In ipso ardore prælij gladio feritur, inquit <sup>m</sup> *Zosimus* ; Subita Equestris hasta ( cute brachij ejus præstricta ) costis perfossis hæsit, in ima iecoris fibra, inquit <sup>n</sup> *Ammianus*. Calistus autem qui ( referente *Entropio* ) inter familiares tunc Imperatoris militauit Heroico versu ejus Historiam conscribens, ait, eum vulneratum à dæmone. Ipse verò *Entropius* disertè affirmat, cum ab vno ab hostibus, et quidem fugiente Conto percussus : quod etiam *Iulianus* ipse in oratione illa quam illi morituro adscribit *Marcellinus* agnoscere videtur ; eius verba, vel saltem ei afficta, hæc sunt : [ ideoque sempiternum veneror numen, quod  
non



non clandestinis insidijs, nec longa morborum asperitate, nec delicatorem fine, sed in medio cursu florentium gloriarum, hunc merui clarum è medio digressum ] sic illa, sed Historici Christiani pænè omnes, eius interitum ad specialem Dei digitum referunt, quod & ipsum fassum aiunt, cum manantem ex vulnere sanguinem manu exceptum in aerem spargens, exclamarit; *Vicisti Galilee*, vel vt narrat ° *Zonaras* : *Satiare Nazarene*, vt etiam prædictum erat ab illo *Ludimagistro Antiochinesi*, à quo cum per iocum sciscitaretur *Libanius*, quid rerum tum gereret *Fabri filius*, eum respondisse memorat *Theodoretus* [ huius vniuersitatis artifex, quem tu per risum *Fabri filium* nominas, *Iuliano* loculum fabricatur. ] Ita periit *Iulianus* ab hoste, vel ab ipso Deo, non à Christiano milite interfectus; licet interminatus fuerit, si ex Persia Victor rediisset p se omnes & boues, & Christianos suis Dijs pro victima immolaturum. ¶ Corpus autem iam defunctum, (quia Imperatoris licèt perditissimi cadauer) curatum pro copia rerum &

o *Annal.*  
Tom. 3.

p *Ammia-*  
*nus lib. 25.*  
& *Chryso-*  
*st. cont. Genti-*  
*les.*  
q *Ammia-*  
*nus ibidem.*

r *Iuliano.*

temporis, et vbi olim ipse statuerat conditum fuit. Imo *Iouianus* eius successor, vtcunque Christianus (teste r *Cuspiniano*) mira cupiditate properabat (non prohibente hyemis sequitia) *Tharsam* urbem ad Iuliani tumulum exornandum inuisere, eiusque corpus (inquit *Eutropius*) qui cum *Iouiani* morte suam clausit Historiam, cum cuncta solennia funeri eius exhibuisset, sepeliuit honorificè

## CAP. IV.

*Dè Christiana Orthodoxorum, præsertim verò Basilij Cognomento Magni obedientia erga Valentem Imperatorem Heresi Arriana infectum.*

**I**uliano successit *Iouianus*; Iouiano *Valentinianus* vir bonus & principatu dignus, qui vbi ab exercitu Imperator esset renunciatus, insigniaque imperij accepisset eisdem militibus paulò post magna vociferatione conclamantibus vt alium quempiam Imperij confor-tem sibi ascisceret, in hunc modum respondit

respondit: [ut me ad Imperium vos eligeretis in vestra situm erat potestate, (O Milites) at verò postquàm me iam elegistis, quod petitis, in meo est arbitrio, non vestro; vobis tanquam subditis competit parere, mihi verò quæ facienda sunt cogitare.] Qua responsione audita, milites conticuere, eam subditorum conditio nē esse agnoscentes, ut Principē suppliciter compellere, nō etiā cōpellere arroganter possint. *Valentinianus* tamen non ita multò post, in Imperiū sibi asciuit Comitē, suū fratrem *Valentē*, qui Hæresi Arriana infectus, institit repente velut nubes grandinis plena, (inquit *Nazianzenus*) & perniciosè stridens, quæ Ecclesias omnes in quas incidit prostravit. Hanc persecutionē, etiam *Basilus Nazianzeni* coetaneus, in Epistolâ ad Galliæ & Italiæ Episcopos, ita graphicè & ad viuum depingit. [Persecutio nos apprehendit Fratres, persecutionum omnium gravissima. Neque qui affliguntur per Martyrij certitudinem illatas passiones tolerant, neq; Plebs athletas martyrum loco habet, ac veneratur; propterea quòd Christianorum

f Orat. in  
laudem Ba-  
sily.

t Epist. 70.

anorum nomine tecti sunt persecutores. Verum iam crimen est quod vehementer punitur, si Paternas quis traditiones diligenter obseruet, ob hanc causam paternis sedibus abiguntur pii, & ad solitudines migrare coguntur, nulla est apud iudices iniquos cani capitis reuerentia, nulla exercitæ pietatis, nulla conuersationis ad Euangelij normam, ab adolescentia ad senectam usque peactæ, sed cum nemo sceleratus sine certis iudicijs condemnatur, Episcopi sola intercedente calumnia, damnantur, & nulla euidenti probatione assertis ac Corroboratis Criminationibus, supplicijs traduntur. Nonnulli ne nouerunt quidem accusatores suos, neq; tribunalia viderunt, neque delati sunt primum: sed nocte intempesta, vi abrepti, in exilium fugati sunt, solitudinis calamitatibus ad mortem usque traditi: Quæ verò ista concomitentur, neminem latet, etiam si nos sileamus; exilia presbyterorum, exilia Diaconorum, totusq; Cleri depopulationes. Necesse enim est, vel adorare imaginem, vel sæuæ flagrorum flammæ tradi, gemitus plebis, la-



lachrymę continuę per singulas domos, & publicę omnibus qui patiuntur inter se cōplorantibus; Nemo enim corde est vsq; ad eò lapideo, ut patre priuatus placidē ferat orphaniam, sonitus lamentationum in ciuitate, sonitus in agris, in vijs, in solitudinibus: vox vna omnium miseranda ac tristitia loquentium; Sublatum est gaudium & lætitia spiritalis, in luctum mutatę sunt Festiuitates nostrę, domus precationum clausę sunt, Altaria cultu spiritali vacant, nulli amplius Christianorum cętus, nulla doctorum pręsidentia; cessarunt doctrinę salubres, cessarunt Panegyres, Hymnodia nocturnę non habentur, neque superest beata illa exultatio, qua Domino credentium animę, in Synaxi ac Communionem spiritalium charismatum exhilarantur; hæc scientibus scribimus, propterea quòd nulla orbis pars est, quę calamitates nostras ignoret.] Vnde in *Epistola* sequenti ad *Alexandrinos*, in hunc modum patheticę exclamat. An Ecclesias suas prorsus reliquit Dominus? an nouissima hora est? & hoc pacto initium sumit defectio, ut iam dein-

ceps reuelatur iniquus ille filius perditionis? qui aduersatur & extollitur supra omnem, qui dicitur Deus aut numen. Sed in his rebus tam desperatis, tam perditis, sub Imperatore tam sanguinario, quid tandem Catholicis faciendum consulit Basilius? legatur Sanct. *Ephraem Syrus* ab eo Presbyter ordinatus, ei que amicissimus; voluantur, reuoluantur, ipsius, ipsius *Basiliij ad Episcopos & Ecclesias orthodoxas Epistole*, & illum nihil præter patientiam & preces spirantem, suadentem videbimus. Præsertim verò in Epistola 71. ita suam concludit quæremioniam: Siue temporalis est ista temptatio, ferte eam ut boni Christi Athletæ: siue omnimodo res nostræ traditæ sint corruptioni, ne socordes simus ad ea quæ accidunt: sed reuelationem e coelis, & apparitionem magni Dei *Saluatoris* nostri Iesu Christi expectemus. Imò cum ex Edicto Principis modestus vrbis Præfectus cum sisteret coram Tribunali, & multis modis vexaret populo sui reuerentia ægrè represso (inquit <sup>u</sup> *Nazianzenus*) suum vexatorem ab ingruente periculo vindicauit.

<sup>u</sup> In monodia.

uit, qui hac ipsa etiam grassante persecutione (quatenus coniectura assequi possum) illam orationem ad suos ciues *Nazianzenos* habuit, in qua non obstante Imperatoris sœuitia, de obedientia Principibus præstanda ita loquitur. [Subijciamur tum Deo, tum alij alijs, tam eis qui Imperium in terra gerunt; Deo quidem omnibus de causis, alij autē alijs, propter charitatis fœdus, Principibus denique, propter ordinem publicæque disciplinæ rationem. Nec dissimilitèr *Aphrates* Monachus, à quo tota pendebat Ciuitas Antiochena, quem cum ex Vrbe fugientem Imperatorem conspicatus esset, quò inquit, vadis? atque *Aphrates* modestè quidem & prudenter: *pro Imperio tuo precaturus, respondit.* Vbi hæc attexitur nota marginalis, *in nullo non conuentu olim Christiani pro Principibus suis orarunt: quin & inuincibilis esse Principum personas, inter alios huius æui Doctores clarè docet Optatus Milenitanus lib. 2. contra Parmenianum, his verbis, [Saul antequàm peccaret, ungi meruit: post unctionem, non leuiter offendit; hoc Deus cum videret, propter oleum*

x *Niceph.*  
ex *Theod. li.*  
*II. cap. 2.*

oleum non tangendum, volens proponere exemplum, pœnitentiam suam professus est, sic enim legitur dixisse Dominum, pœnitentem me unxisse Saul in Regem, & utiq; potuit Deus oleum quod dederat auferre, sed cum voluit docere, non debere contingi oleum etiam in peccatore; ipse qui dederat pœnitentiam gessit, igitur Deus, si ut te doceret, quod dedit, auferre non potuit, per quod noluit, tu quis es qui auferes quod non dedisti? & qui parare debebas aures ad audiendum, parasti nouaculum ad relinquendum? Postremò sub imperio eiusdem Valentis & Procopius proditor & rebellis captus, & in duas partes arborum ramis distractus est: Diræ insuper sunt habitæ Quæstiones de complurib<sup>9</sup>, qui de vita ipsius Imperatoris consulissent Magos, Aruspices, vel alios: hos Philosophos (Gentiles putà non Christianos) appellat, tum <sup>z</sup> Zosimus, tum & <sup>a</sup> Ammianus, quos eo processisse amentix utrique testantur, ut crederent in sua sitū potestate, ut tum Imperatorem ē medio tollerent, tum denuò excitarent: concludam hoc caput cum exemplo magni Athanasij, qui hoc Imperatore

reg-

y Sozom. li.  
6. Cap. 8.

z Lib. 6. ca.  
35.  
a Lib. 29.



regnante mortuus est. <sup>b</sup> Hic itaq; cum Imperatoris iussu, à Præfecto in ius vocaretur, restiterunt Præfecti conatibus *Alexandrinis*, nec vim suo Episcopo afferri permiserunt; cum autem populus conflueret, & ingens tumultus ac turba cieretur, adeò ut omnes seditionem futuram expectarent, Præses de his rebus gestis Imperatorem facit per literas certiore, & interim Athanasium in Vrbe manere patitur. Multis verò diebus intermissis, cum iam videretur tumultus sedatus esse, *Athanasius* clam ex vrbe egreditur, & in locum quendam separatim se abdidit. Tantum abfuit Sanctissimus Præsul à tumultu aliquo aduersus Imperatoris Edictum vel excitando, vel incitando, ut ad illum sopiendum se è Ciuitate clanculum subduxerit.

## CAP. V.

*De vindicta diuina in Maximum, Gratiani interfectorem, & obedientiam Orthodoxorum præsertim verò Ambrosij in Valentinianum Iuniorem, Arrianum, & Theodosium seniore.*

**D**Vo *Valentiniani*, senioris Filij, ijdem-  
que *Augusti*, factione Gentilium  
necati sunt. *Gratianus* quidem à *Maxi-  
mo*, conspirantibus cum eo Gentilibus  
Senatoribus: *Valentinianus* verò *Iunior*,  
proditione *Argobastis* laqueo strangu-  
latus est. *Gratiani* necem ita perpetra-  
tam memorat *Paulus Diaconus*. [*Maxi-  
mus* ab infensis *Gratiano* Militibus & Le-  
gionibus exceptus, eundem subita in-  
cursione perterritum, atque in Italiam  
transire cupientem, dolis circumuentū,  
per manus *Andragathij* Classis Præfecti  
interēmit; sed verte folium, & sequenti  
paginā videbis hunc ipsum *Maximum* à  
suis Militibus apprehensum, vinctum,  
& *Theodosio* traditum; Quem, cum  
*Theodosium* viderent oculis ad parcen-  
dum

dum compositis respicere, ipsi Milites Tyrannum à conspectu Imperatoris abstrahentes, abscisso capite necauerunt, nè eius scilicet miserendi locus esset. *Andragatius* verò Comes, qui *Gratianum* peremerat, cognita *Maximi* nece præcipitem è naui in vicino fluuio semetipsum proiciens, suffocatus est. Quin & *Britanni* *Maximum* in hac expeditione sequuti, malè perière non pauci. *Valentiniani* mortem in hunc modum recenset *Hieronymus*. [Adolescens *Valentinianus* & pænè puer, post fugam, post exilium, post recuperatum multo sanguine imperium, haud procul ab vrbe, fraternæ mortis conscia, occisus est, & cadauer exanime suspendio infamatum.] Quod *Sozomenus* in errorem videtur induxisse, dum spontaneo laqueo perijsse eum affirmat, quòd scilicet hæc de eius obitu cubicularij ipsius ab *Argobasta* conducti, leui fama sparsissent: Quo extincto, *Argobastes* Tyrannum creauit *Eugenium*, eligens scilicet hominem, cui titulum Imperatoris imponeret, ipse acturus Imperiū: sed utrique à *Theodosio* in acie victi *Eugenius*

c *Gild. de excidio Brit. li. 5.*

d *Epist. 3.*

genius ad Imperatoris pedes prouolutus à militibus interfectus est : *Argobastes* verò fuga lapsus, proprio gladio se peremit, vbi illud *Claudiani* de *Theodosio* distichon arripere liceat,

*O nimium dilecte Deo cui militat ather,  
Et coniurati veniunt ad classica venti.*

Et de his Principicidis illud *Athalarici* Regis Gothorum, ad *Theodosium*, cuius cum frequentiam populi Regiæq; magnificentiam conspexisset : <sup>d</sup> *Sine* dubio, inquit, *Deus terrenus est Imperator, contra quem quicumque manū leuare nisus fuerit, ipse sui sanguinis reus erit.* <sup>e</sup> Hunc *Athalaricum*, licet infidelem & Christianorū persecutorem acerrimum, quia Regem tamen à suis expulsū per honorificè excepit *Theodosius* spatium non exiguum extra Constantinopolim obuiam ei progressus ; cumquē confestim extinctus esset, regia sepultura mortuum terræ mandauit, ipso Imperatore præcedente, & tantam sepulture magnificentiam adhibente, ut tam superbo funere Barbaris omnibus obstupefactis ; *Scythiæ* quidem domum redirent, nec armis Romanos ampliùs infestarent, boni-

<sup>d</sup> *Paulus*  
*Diac. in vi-*  
*ta Theod.*

<sup>e</sup> *Ammi-*  
*anus lib. 5.*  
*cap. 27. So-*  
*zimo li. 4.*



bonitatem principis admirati. Sed ad  
pensum me reuoco. <sup>f</sup> Hic igitur, de quo  
suprà loquuti sumus, *Valentinianus*, à *Iu-*  
*stina* matre ab Arrianis seducta, ipse Ar-  
rianam Hæresim iam puer imbiberat, &  
Sanctum *Ambrosium Episcopum Medio-*  
*lanensem*, matris suasu acerrimè perse-  
quutus est : neque tamen Sanctus *Am-*  
*brosius* ab Arriano Principe grauitèr  
oppressus oblatum sibi à *Maximo* re-  
bellante auxilium admisit ; quamuis  
sciret eum cum magno & forti Exerci-  
tu ex Gallia & Britannia, in Italiam ce-  
leritèr contendere, suamq; ei opem vl-  
trà polliceri ; Nec vllos aduersus infe-  
stissimum illum Catholicis Imperato-  
rem, vel verbo vel scripto vnquam ar-  
mauit, quanquam id ei facillimū fuisse,  
ipse Imperatoris metus ostendit ; qui  
ducibus ad *Ambrosium* in propria per-  
sona oppugnandum sollicitantibus re-  
spondit. [*Si vobis iusserit Ambrosius vin-*  
*ctum me tradetis.*] Imò cum Basilicam  
intramuranam, siue maiorem ab *Am-*  
*brosio* sibi in Arrianorum usum tra-  
dendam postularet Imperator, illam  
tradere libens noluit : sed nec armis vo-  
luit

*f Theodor.*  
*li. 5. cap. 14.*

g In epist.  
ad Sororem  
Marcellinā.  
33.

h Inter E-  
pist. 32. &  
33.

i Cap. 13.  
k Caput. 4.

uit resistere. § [Non ego me vallabo, inquit, circumfusione populorum, nec Altaria tenebo vitam obsecrans : sed pro Altaribus gratius immolabor. Exigebatur à me, vt compescerem populū, referebam in meo iure esse, vt non excitarem; in Dei manu, vt mitigaret, & si in centorem putarent, in me vindicari oportere, vel abduci in quas velient terrarum solitudines. Et in h Concione ad Orthodoxos habita. Quid inquit turbamini? volens, nunquam deseram, coactus repugnare non novi: dolere potero, potero flere, gemere potero, aduersus arma, Milites, Gothos: lachrymæ meæ arma sunt, talia enim munimenta sunt Sacerdotis; aliter nec deo, nec possum resistere. Concludit tandem, in singulis vobis Iob reuixit, in singulis Sancti illius patientia & virtus refulsit. Quid enim præsentius dici potuit à Christianis viris, quàm id quod hodie in vobis Spiritus Sanctus est loquutus? Rogamus Auguste non pugnamus, &c. Legantur etiam eiusdem Ambrosij tum Commentarij in i Epistolam ad Romanos, tum k Apologia pro David. Legatur Paulinus, qui ad petitionem Sancti

Et *Augustini*, Sancti *Ambrosij* vitam  
 scripsit, & quæ diximus, vera esse inge-  
 nuus & candidus Lector deprehendet.  
 Neq; interim tamen huic Episcopo de-  
 fuit illa μεγαλοψυχία & vigor Sacerdota-  
 lis, qui tantū Præsulem decebat, quem  
 in Imperatore *Theodosio* (ob temerariā  
 eadem in<sup>1</sup> Thessalonicenses perpetra-  
 tam) à communione remouendo, & ad  
 seriam redigendo poenitentiam insigni-  
 tē exercuit; Tanta præterea fuit san-  
 ctitatis fama, ut ipse *Theodosius* dicere  
 soleret, *solum Ambrosium noui, dignè vo-*  
*cari Episcopum.* Tanto denique veritatis  
 candore, ut nè inimici quidem eius suf-  
 fragāte *Augustino*, in eius scriptis quod  
 arguerent invenire poterint. Huic itaq;  
 Capiti quasi columnas figam *Herculeas*,  
 illam eiusdem diuinissimi Patris in *psal-*  
 *mum 50. Enarrationem*, qua quid ad pro-  
 positum præsens rotundius, aut liqui-  
 dius dici vel fingi possit, prorsus exco-  
 gitare non valeo. In illa igitur verba  
 [tibi soli peccaui.] [Rex inquit, *utiq;* erat,  
 nullis ipse legibus tenebatur; quia liberi  
 sunt Reges à vinculis delictorum, neque e-  
 nim ullis ad pœnam vocantur Legibus tuti

M

Imperij

<sup>1</sup> *Theodo-*  
*retus lib. 5.*  
*cap. 17.*  
*Socrat. lib.*  
*7. cap. 24.*

*Imperij potestate; homini ergo non peccauit, cui non tenebatur obnoxius.]*

## CAP. VI.

*Quomodo Chrysostomus se gesserit erga Arcadium & Eudoxiam sui oppressores.*

**T***heodosio* in Imperio successerunt eius filij *Arcadius* in Oriente, in Occidente *Honorius*, quibus imperantibus celebris illa inclaruit Euangelij Tuba *Patriarcha Constantinopolitanus, Iohannes Chrysostomus*, qui populum aduersus *Eutropium* ipsi *Chrysostomo* infensissimum, ferocientem, orationis suauitate demulcens, ita alloquitur: [m Num igitur molliui animos vestros, aut indignationē expuli? num inhumanitatem extinxi? num ad cōmiserationem adduxi? equidem adduxisse me opinor, idque ex vultibus vestris & lachrymis colligo. Quandoquidem igitur terra cordis vestri, in pinguem & fertilem agrum versa est, age, iam fructum quoque misericordiæ proferentes, flauentēsq;

com-

m Orat. in  
Eutrop.



cōmiserationis spicas proferentes, procumbamus Regi ad genua, vel potiùs deprecemur benignissimum Deum, vt emolliat iram Regis, & cor illi tenerū dare dignetur.] Postea verò, cum *Eudoxia Imperatrix*, coniux *Arcadij*, suam Statuam argenteam, Constantinopoli super columnam ex Porphyritide factam, prope magnam Ecclesiam quæ *Sophia* dicitur, dedicari curasset; ibiq; Ludi-populares Publicis Saltatorum & Histrionum spectaculis celebrari cæpti essent: *Chrysostomus* siue ritus quosdam Ethnicos dedicationi admixtos observans; siue in Ecclesiæ contumeliam illud factum ratus; siue deniq; applausu & clamoribus populi, inter concionandum impeditus, acerbè in *Eudoxiam* invehitur, & [pro hortatione (inquit <sup>n</sup> *Socrates*) qua ad Principum animos flectendos vti debuisset (vtpote iracundiæ potiùs quam observantiæ indulgens) falsè eos qui eas res fieri mandauerant cavillatus est.] Hanc etiam nimis acrem *Chrysostomi* in perorando falsuginem, reliqui huius ætatis scriptoris animadvertunt: sed molitionem aliquam in

n Lib. 6.  
cap. 19.

b Niceph.  
13. 31.

o Lib. 8.  
cap. 18.

p Hom. II.

Rempub. aut in Principum personas neutiquam. Imò, cum propter loquendi libertatem, ex Imperatoris iussu in exilium relegatus esset, & populum (quem vnà cum <sup>b</sup> 40. Episcopis sibi habuit deuinctissimum) sui gratia tumultuantem conspiceret: veritus (inquit <sup>o</sup> *Sozomenus*) ne quod sibi crimen læsæ Majestatis cōfictum impingeretur, vel quasi aduersus Imperatorē fuisset contumax, vel quasi populum concitasset: tertio post depositionem die, plebe iam dispersa, circa meridiē furtim relinquit Ecclesiam, & ad Occidentalem portam equum suum curans deducendum, ipse Orientali egressus est. Legatur eius *p Homilia antequam iret in exilium*. Bone Deus, quanta ibi vnà cum inuicto robore animi patientia? [nemo vos conturbet, Fratres, orate tantum: non ego proprię virtuti confido, habeo Scripturam Domini mei, manum ipsius teneo, illa mihi cautio satis tuta est, illa me securum reddet, & intrepidum. Etiam si Orbis terrarum cōmoueatur, ego cautionem Domini mei teneo. Vultis vobis recitem Domini Cautionem; Ecce inquit

inquit vobiscum sum, omnibus diebus  
vsque ad consummationem sæculi.] Et  
in *Epistola ad Cyriacum*, eadem eiusdem  
cōstantiæ pariter & obedientiæ elucet,  
[cū à ciuitate inquit fugarer, dicebam  
intra meipsum : si quidem vult Regina  
me exulem agere, agat in exilium : *Do-  
mini est terra & plenitudo eius* : Et si vult  
secare, secet, idem passus est *Isaias* : si  
vult in pelagus me mittere, *Iona* recor-  
dabor; si vult in caminum iniicere, idem  
passi sunt tres illi Pueri : si me foris vult  
objicere, objiciat; *Danielis* in lacum Le-  
onibus objecti reminiscar : si me lapida-  
re vult, lapidet ; socium habeo *Stepha-  
num* Proto-Martyrem : & si caput tol-  
lere vult, tollat; habeo socium *Iohan-  
nem Baptistam* : & si substantiam auferre,  
auferat ; nudus exiui ex vtero matris  
meæ, nudus etiam reuertar.] Vox her-  
cle digna, & fideli subdito, & infracto  
Præsule, neq; alia illi post reditū mens.  
[Dicite mihi, inquit, quomodo perse-  
quuti estis Lupos? quomodo pepulistis  
Patronos? frequenti scilicet oratione ad  
Deū, quomodo despexistis adulteros?  
continuis lachrymis ex desiderio viri.

Non accepi arma, non sumpsi lanceas, non arripui scutum, solummodo ostendi pulchritudinem meam, qua perspecta vulnerati fugerunt.] Neque aliud invenire est in eius *Epistolis* ab exilio missis, siue ad *Episcopos & Presbyteros* ob pietatem in carcere inclusos; siue ad *Olympiam* foeminam cum primis illustrem, siue ad *Innocentium Pontificem Romanum & Episcopos Occidentales*, qui facile *Honorium* Occidentis Imperatorem, & Christi studiosissimum, ad arma in fratrem *Arcadium* capienda excitassent, si sualisset *Chrysostomus*. Imò ipse *Innocentius* Romanus Pontifex (referente q̄ *Nicephoro*) *Chrysostomo* hunc in modum rescribit. [Ex literis dilectionis vestræ, quas per Germanum Presbyterum & *Cassianum Diaconum* ad nos dedistis, scenam malorum quam ob oculos posuistis, amica sollicitudine cognoui, & quibus ærumnis malisque fides laboraret, repetita sæpius lectione perspexi. Cui rei sola patientiæ consolatio medetur; dabit enim breui Deus noster afflictionibus tantis finem; quas sustinuisse proderit.] Idem tamen *Nicephorus*,  
ejusdem

q̄ 11. 13.  
cap. 32.



eiusdem libri cap. 34. huius Pontificis  
stilum mutat, & in Imperatorem *Arca-*  
*dium* & *Eudoxiam Imperatricem*, ita tra-  
gicè fulminantem introducit. [*Vox san-*  
*guinis fratris mei Iohannis clamat ad Deū,*  
*contrate, O Imperator : sicuti quondam A-*  
*bel iusti, contra Parricidam Cain, & is mo-*  
*dis omnibus vindicabitur :*] vbi in se-  
quentibus *Eudoxiam* sempiterno deuo-  
net supplicio, utròsq; autem à sacrorum  
perceptione mysteriorū solenniter ex-  
cludit; huius item Anathematis memi-  
nit *Gelasius in Epistola ad Anastasium*  
supposititia, quæ reuerà est <sup>r</sup> *Gregarij 7.*  
*ad Heremannum Episcopum Metensem.*  
Hæc si scripsisset *Socrates* qui illius tem-  
poris res gestas præsens vidit, facile fi-  
dem adhibuisssem : sed dic sodes, cur  
tibi *Nicephore* crederem post mille an-  
nos, rem gestam scribenti, & profitenti  
te velle antiquorū scriptis addere quæ  
deesse iudicares ? cuius apud *Socratem*  
& *Sozomenum* (*Arcadij* & *Innocentij* co-  
ætaneos) est altum silentium : imò non  
silentium, sed tuæ narrationi planè con-  
tradictorium. In eo nimirum quod *In-*  
*nocentius* eisdem literis quibus *Arcadiū*

<sup>r</sup> *In Regi-*  
*stra. lib. 8.*  
*Epist. 21.*

f Lib. 6.  
cap. 20.  
t Lib. 8.  
c. 27. & 28.

u Luc. 13.

& *Eudoxiam* anathemati subiicit ē vita  
excessisse affirmet: cū tamen *Eudoxiā*  
ante *Chrysostomum* fato cessisse, tum ex  
Socrate, tum *Soromeno* liquidò con-  
stet. Sed demus excommunicasse, non  
tamen ē Majestatis solio deturbauit, nō  
Coronam à capite, Sceptrum ē manu  
excussit, non subditos à iuramento fi-  
delitatis exēmit; non denique eorum  
personas sicarijs & parricidis exposuit;  
quod si fecisset & superuixisset: *Chryso-*  
*stomus*, licet in sua causa certè reclamā-  
set, quod partim ex eius *Commentarijs*  
in *Romānos*, partim etiam & planius  
ex *Homilia de David & Saul* innotescit:  
in quā eloquentiā quasi torrente audi-  
torum animos influens ita fatur. [Vidi-  
stis tenfaretia, vidistis venatorem cre-  
ctum, vidistis omnes adhortantes, vt  
ensem in hostis pectus immergeret,  
nunc mihi Philosophicam animi mo-  
derationem specta, luctum, victoriam,  
coronam. Spelunca campus erat, lu-  
ctatus est *David*, pugilem egit, iracundia  
*Saul*, certaminis materia, Agonothetes  
Deus: quin potius non ipsi modò ad-  
uersus seipsum erat prælium, sed aduer-  
sus

lus commilitones ; Etenim si voluisset parcere *Sauli* consentaneum erat, ut illos metueret, ne ipsum trucidarent in spelunca. Probabile est enim ipsos dixisse ; errone exulesque facti sumus, domo, patria, cæterisque omnibus excussi, & omnium difficultatum tuarum consortes sumus, & tu horum authorem in manus traditum cogites dimittere ? ne nobis vnquam liceat respirare ? si tuam salutem negligis, nostræ vitæ parcas. Non tibi dolent anteacta, neq; memores eorum, quæ ab illo perpeffus es mala ; Certè ob ea quæ futura sunt, tolle hostem, ne maiora & acerbiora perpetiamur ; Verum nihil horum iustus apud se perpendebat, unum spectabat quo modo possit redimiri patientiæ corona. Allegant rursus Milites diuinam auctoritatem ; Deus inquires illum tradidit, quò promptius iret ad homicidium : non enim inquit, tuam vicem vlcisceris, Deo subseruis, ejus minister es, illius sententiam comprobas : sed quo magis hæc illi dicebant, eo magis hic pepercit hosti : intelligebat enim, quòd Deus ideò tradiderat eum, ut ipsi  
maio-

maiores occasiones probandæ virtutis suppeditaret. Ait ergò, *Rex est qui præfidentiam in nos suscepit, Christus Domini est, non ab humano honore, sed à cælesti iudicio sumpto honorifico testimonio, contemnis conseruum tuū sed reuerere Dominum, aspernaris electum? metue eum qui elegit; nec pepercit tantum; sed & excusationem pro eo composuit, nec permisit, ut alij occiderent; sed perinde ac si aliquod depositum suæ fidei creditum accepisset, pro quo rationem esset redditurus non attigit, alios coercuit Satelles optimus & custos corporis pro hoste factus; Etenim si vulgares istos Principes ab Imperatore designatos, etiamsi sint improbi, si fures, si prædones, si iniusti, si deniq; quodcunq; aliud fuerint, timemus cum horrore, non propter malitiam despicientes eos, sed propter dignitatem illius à quo electi sunt reuerentes, multo ampliùs id facere conuenit in his quos elegit Deus, nondum Deus abdicauit illum Principatu, nondum fecit eum ex Rege Priuatum. Itaq; ne inuertamus ordinem, neq; rebellemus Deo, Apostolicum illud dictum factis præstantes, quoniam*  
quis-



quisquis resistit Potestati, dei ordinationi resistit.] *Chrysostoma* adiungere liceret illud nobile doctorum par, *Hieronymum* & *Augustinum*, duo magna Occidentalis Ecclesiæ luminaria; quorum ille de *Dauidis* pænitentia post cum latum adulterio homicidium loquens, eum dixisse ait: *Tibi soli peccaui quia Rex erat, & alium non timebat.* Quod idem planius & plenius *S. Ambrosius* in sua *Apologia pro Dauid*, ut antea, explicauimus. Aut igitur *Dauid* qua Rex erat, nullum nisi Deum superiorem agnoscebat, cui supplicium dare deberet: aut falso & arroganter, Deo soli se peccasse iactitabat. Hoc autem viro, cætera pio prudentique & diuinitus etiam afflato, absit impingamus; neq; assimilis illa \* Regis Philosophi leni ac placido ingenio Principis ab hac Regis Prophetæ vox, *Nemo nisi solus Deus, iudex principis esse potest.* Finio cum testimonio *Beati Augustini*, qui præter allegationes (ab eius scriptis in superioribus citatas) in duabus Epistolis ostendere satagit, persecutionem Tyrannorum esse probationem iustorum, nec à Deo

Xiphil. in  
Dione, in vi-  
ta Marci  
Anton.  
philosophi.

y *Epist.* 48.

z 166.

Deo coronari audaciam in resistendo; sed in ferendo patientiam. *Epistola* prior *Vincentio* scripta ita se habet: [y terror temporalium Potestatum, quando veritatem oppugnant iustis, fortibus, gloriosa probatio est, infirmis periculosa tentatio: non est tamen Potestas nisi à Deo, qui autem resistit Potestati, Dei ordinationi resistit. Vis autem non timere potestatem? bonum fac, & habebis laudem ex illa. Siue enim Potestas veritati fauens aliquem corrigit, laudem habet ex illa qui fuerit emendatus, siue inimica veritati in aliquem sæuiat, laudem habet ex illa qui victor fuerit coronatus.] z Posterior *Epistola* *Donatistis* directa (qui nimis procaciter & petulanter Majestatem Imperatoriam conculcabant,) ita priori suffragatur: [Imperatores si in errore essent (quod absit) pro errore suo contra veritatem Leges darent, per quas iusti & probareretur & coronarentur?] Non dicit ad arma confugerent & coronarentur, nec à juramento fidelitatis deficerent & coronarentur: sed probaretur eorum constantia, & coronaretur patientia.

entia. Tam enim malos quàm bonos Principes esse à Deo constitutos, ipse a-  
libi testatur *Augustinus*. [ <sup>a</sup> Non tri-  
buamus dandi Regni & Imperij Pote-  
statem, nisi soli Deo vero, qui dat feli-  
citatem in Regno coelorum solis pijs ;  
regnum verò terrenum, & pijs & im-  
pijs, sicut ei placet, cui nihil iniuste pla-  
cet. Qui *Mario* Imperium dedit, ipse  
*Cajo Casari*, qui *Augusto*, ipse & *Neroni*,  
qui *Vespasianis* vel Patri, vel Filio sua-  
uissimis Imperatoribus, ipse & *Domi-  
tiano* crudelissimo ; & ne per singulos  
ire necesse sit, qui *Constantino* Christia-  
no, ipse & Apostatæ *Iuliano*. Hæc om-  
nia vnus Deus & verus regit & gu-  
bernat, vt sibi placet, & si oc-  
cultis causis, nunquid  
ideò iniu-  
stis? ]

a Lib. 5. de  
Cinitat. Dei.  
cap. 21.

CAP.

## CAP. VII.

*De obedientia Cyrilli, & Concilij Ephesini, erga Theodosium Iuniorem, sui perturbatorem & persecutorem.*

**V**T inter *Athanasium & Constantium Valentem, & Basilium, Ambrosium, & Theodosium Seniore, Chrysostomum & Arcadium*; ita etiam inter *Cyrillum Episcopum Alexandrinum*, & in Concilio *Ephesino* Præsidem & *Theodosium Iuniorem*, magna suborta est lis & controversia, *Candidiano Comite*, Legato ad idem Concilium misso, & *Iohanne Episcopo Antiocheno* falsa Imperatori cōtra eum suggerentibus; usque adeò, ut & ille & *Memnon Episcopus Ephesinus* in vincula cōjecti fuerint, & præterea omnes Orthodoxi Episcopi numero ducenti ibi contra *Nestorium* congregati, miserrimè oppressi, quod ex ipsius *Memnonis Epistola ad Clerum Constantinopolitanum* patet, ubi hunc in modū conqueritur. [b Quanta propter veram orthodoxamq; Dei fidem, in Ephesio-  
rum

b In Actis  
Conc. Ephesini, tom. 4.  
& 5.



rum Ciuitate patiamur, id nulla conse-  
qui potest oratio. Turbatio enim tur-  
bationē sine vlla intermissione excipit.  
Etenim magnificentissimus *Comes Can-*  
*didianus*, Milites subinde in nos conci-  
tans, totam ciuitatem tumultuationib<sup>9</sup>  
implet, omnib<sup>9</sup>sq; pænē vitæ necessa-  
rijs per excubias nos priuat.] Quid in-  
terim *Cyrillus* Concilij Præses? quid to-  
ta *Synodus*? Cur non suos ad suppetias  
sibi ferendas per literas sollicitant? Cur  
non Imperatorem excommunicant?  
*Candidianum* eius *Legatum* vel è ciuitate  
exturbant, vel palàm interficiendū, vel  
deniq; clam veneno tollendum curant?  
quid? tota *Synodus*, eaque *Occume-*  
*nica*, quæ tot habuit cordatos Antisti-  
tes, quibus maxima Christiani Orbis  
pars fauebat, tantis laceffita iniurijs, ni-  
hil de vindicta Imperatori reddēda co-  
gitat? prorsus nihil, quod ex eius *Epi-*  
*stola ad eundem Clerum Constantinopoli-*  
*tanum* apparet, quam vt ad Imperato-  
riam Majestatem pro se supplex fiat, his  
verbis cōpellat. [Ad pietatem vestram  
confugientes, enixè rogamus, vt cum  
multâ supplicatione & lachrymis, Chri-  
sto

c. *Ibidem.*

sto deditissimum Imperatorem accedatis, illumq; de omnibus quę contra nos geruntur dilucidè instruat: Synodi nomine supplicantes, vt ij nobis restituantur, qui nullo modo à Canonibus sunt condēnati; putà sanctissimi Deoq; dilectissimi Episcopi, *Cyrillus & Memnon*, tum vt nostrū misertus, primo quoque tempore ex hoc ergastulo nos liberet, & si quidem digni sumus qui pietissimi Christi; amantissimi Imperatoris faciem videamus, hanc ille nobis gratiam faciat: si verò indigni iudicamur, quibus hoc beneficium obtingat, saltem bona venia ad Ecclesias nostras redire nos sinat, nè hic vniuersi; alij morbis, alij mœstitia consumpti pereamus.] Quam verò vnanimis fuerit omnium Patrum in Concilio cōgregatorum, in hac petitione promouenda consensus, ejusdem testatur Epistolę conclusio: [e Ne autem omnium subscriptionibus aliquod vobis fastidium ingereremus, sat nobis fuit, si soli Præsides communi omnium nomine subscriberent.] Neque huic Synodicę petitioni dissimilis fuit. Cleri *Constantino-*

e *Ibidem.*

po-

*politani Concilij* nomine Imperatori exhibitus Libellus supplex. Vos quoque, cum quem decet affectum erga Synodum Sanctam quam convenire iussistis, declarate, quò pias ipsa gratiarum actiones pro Imperij vestri incolumitate persolvat, & nos quoq; pro Regni vestri stabilitate, deuotas ad Christum Dominum preces transmittamus, pijsissimi Christianissimiq; Imperatores. Neque silentio prætereunda ipsius Synodi ad ipsum *Theodosium* Epistola, qua nõ obstante Imperatoris seueritate, se assidue ad Deum pro eius incolumitate preces effundere profitetur. Inscriptio ita se habet :

[<sup>f</sup> *Religiosissimis Christianissimisque regibus Theod. & Valent. victoribus triumphatoribus semper Augustis, sacra Synodus, quæ per Dei gratiam vestraque Maiestatis sanctionem in Ephesiorum Metropoli coacta est. S. 7.*

f *Ibidem.*

**S** Equitur in corpore Epistolæ, [omnes & singuli assidue Christo Domino pro Regni vestri stabilitate preces  
 N  
 offe-

offerimus, etiam atque etiam obsecran-  
tes, vt Christianissimum vestrum fasti-  
gium, quàm diutissimè Orbi tueatur  
incolume. Rogamus proinde domi-  
nationem vestram, vt & illos, *Cyrillum*  
scilicet & *Memnonē*, & nos quoq; (om-  
nes enim vinctis vtpote Fratrib<sup>9</sup> sacræq;  
Synodi Præsilibus colligati sumus) à  
vinculis tādē absoluat.] Postremò, vt  
abundè omnibus satisfiat, ipsum audia-  
mus *Cyrillum* in suâ *Apologiâ ad Impera-  
torem*, ita sub misè & modestè suppli-  
cantem: [Decet itaq; excellentes præ-  
stantesq; naturas, vt sereno placidoque  
sint animo: hæc autem lenitas animiq;  
serenitas, singulari modo adest diuinæ  
supremæq; illi naturæ, q̃ vestra Maje-  
stas pro virib<sup>9</sup> imitans quandam quoq;  
huius clementiæ imaginem videtur præ  
se ferre. Siquidem terrenum illud Re-  
gnum, cœlestis illius quoddam simula-  
chrum, & quasi vmbra quædam inter  
homines iudicatur, vos itaq; soli in om-  
nes Imperiū sortiti, timore ac mansue-  
tudinē subditos vestros in officio conti-  
netis, & veluti illustrem quandam paca-  
tāmque prosperitatem p̃ vniuersum Or-  
bem



bem diffunditis. Quare & ego impulsus sum, ut læsam veſtrā Pietatem, modestā quadam defensione placandā existimārim.] *Augusta* quidē hæc de *Cæsarea* Potestate, magnificentius tamē illud & ad præsens propositum accommodatius, ejusdem *B. Cyrilli* in Principio libri sui de rectā in Christū fide ad *Theodosium Imperatorem* nuncupatī : [Ut summo illi numini, omne genu incuruatur, Thronique, Dominationes, Principatus, ac Potestates prona submittentes colla, congruis illud laudib⁹ ac hymnis venerantur : ita in veſtrā quoq; serenitate apprimē conspicua & gloriosa, venustam quandam summæ illius gloriæ imaginem intueri licet ; vos etiam omni terreno fastigio superioris amplissimarum dignitatum fontes estis, vos humanæ foelicitatis principia & origines.] *Cyrillo* suffragatur eius *συγχρονος* & *Theodoretus* : [cum vult, inquit, eos qui peccant, castigare, eos etiam à malis Magistratibus regi permittit. Dabo enim adoleſcētulos Principes eorum, & illos dominabuntur eis. Concludā hoc caput, cum illo *Prosperi* h Epigrāmate.

g In 13. ad  
Rom.

h 34.

*Reddendum est quicquid mundi bene  
postulat ordo,*

*Propositumq; pia non violat fidei.*

*Mitibus & sanctis nulla est spernen-  
da potestas,*

*Æquū servire est regib' & dominis.  
Ut Christi famulis ad verum prosit ho-  
norem,*

*Dilexisse bonos & tolerasse malos.*

#### CAP. VIII.

*De obedientia Orthodoxorum omnium im-  
primis verò Romanorum pontificum  
erga Anastasium Imperator. Eutychia-  
num.*

**A**Ntequam Anastasij Imperatoris  
res gestas aggrediar, operæpretium  
erit in transitu, Valentiani Junioris, qui  
in Occidente imperavit interitum, &  
paritèr in Regicidam Dei vni dictam,  
breuitèr enarrare, Occisus igitur est Va-  
lentianus in campo Martio (i ait Casti-  
odorus) dolo Maximi (i addit Marcelli-  
nus) per Ostiam & Transilam satellites;  
causam verò cur insidias Imperatoris

vita

i vtrig, in  
Chron.

vitæ *Maximus* tetenderit, hunc in modum explicat <sup>k</sup> *Procopius*. [*Maximus* quidem fuit è Senatoribus unus, ac è stirpe illius Tyranni, quem *Theodosius* Senior sustulerat, pro quâ victoria Romani quotannis festum agunt: huic vxor formosissima simul & prudentissima fuerat, qua *Valentinianus* amore incensus cum potiri cuperet, resque admodum ardua foret, rem iniquam excogitauit; *Maximum* iussit ad se in Palatium venire; quocum talis ludens, auro certo proposito anulum eius victor nactus est, hunc clam ad vxorem mittit viri nomine, vt quam primùm signo perspecto in Palatium salutatum *Eudoxiam Imperatricem* veniat, Illa subito parat, quam certi, (quibus res nota ac mandata erat) protenus in Aula excipientes, longè in gynę conitidem duxerunt, vbi *Valentinianus* occurrens, vim ei attulit,] Hoc Imperatoris factum, Cæsarea quidem maiestate indignum, *Maximi*

— *Animum coquit, & versat sub pectore fixum.*

Vnde vim vi repellere meditatur, quod & effecit, inde imperio potitus. Sed quo

<sup>k</sup> De Bello,  
Vandalico  
li. I.

Idam ibi-  
dem.

m Lib. 2. e-  
pist. 13.

euentu? hercle infausto, & tanta digno audacia. † *Genfericus* enim *Vandolorum* Rex, rogatu *Eudoxiæ* Imperatricis, ingenti Classe in Italiam adnauigans, Romam nullo aduersante facile ingreditur, *Maximum* è vestigio Romani fugientem insectati, lapidibus obruunt, membratimque discerpunt. Ita *Maximum* insequuta est ultio diuina, quod in Imperatorē violentas manus iniicere non formidauerit, licet in suo & uxoris nomine ab infamia vindicdo, & turpissimo facinore vlciscendo, Regicidarū patronis iustissimè factū videatur: Imò, nō solū in morte, sed & in vitā post hoc facinus admissū & imperium adeptum, irē Coelestis pondus sentiebat.] Cū enim omnibus viribus ad principalis apicis abruptum ventum esset (inquit, <sup>m</sup> *Sidonius*) quandam potestatis immensæ vertiginem, sub coronā patiebatur, nec sustinebat Dominus esse, qui non sustinuerat esse sub domino.] Non ita multo post, ad Imperium Orientale successit *Anastasius*, qui in *Eutychetis* & *Dioscori* lapsis *Heresin*, multa *Orthodoxis* Ecclesijs detrimenta intulit, omnibusque



que qui benè de fide sentiebant inextrabilem se præstitit (inquit *Cuspinianus*.) Imò teste <sup>n</sup> *Mariano Scoto* Catholicos diuersis plagis & mortibus (tanquam alter *Attilas*, cognominatus flagellum Dei) infectatus est. Hunc *Gelasius*, *Anastasius*, & *Symmachus* Romani Pontifices, suis diuersis compellârunt Literis, ut ad sanam mentem rediret; imò *Hormisdas*, *Symmachi* Successor, (referente *Vrspergense*) amisit ad eum *Euodium Ticinensem Episcopum*, cum alijs Catholicis, ut eum reducerent ad regulam Catholicæ fidei; sed ille, non solum monita eorum salubria spreuit; verum etiam à conspectibus suis, non sine iniuria expulit, nauique veteri & fragili impositos, ne vspiam per totam Græciam, ciuitatem intrarent, præcepit; Neque interim tamen quisquam Romanorum Pontificum in illum debacchantur, aut subditas eius ad arma in illum capeffenda sollicitat, licet suapte natura tumultuantes, ° seditione in illum mota, quod ille hanc clausulam [qui crucifixus es pro nobis] Trisagio additam voluerit, & Aulicos Ortho-

<sup>n</sup> In *Chron.*  
lib. etat. 6.

° *Enag. lib.*  
3. cap. ult.

p Nicep h.  
li. 16. c. 45.

q In 2. vo-  
lum. Concil.

r Decret.  
part. 2. caus.  
is quest. 6. c.  
Alius.

doxos *P. Iustinum & Iustinianum* (utro-  
que postea *Augustos*) ad internecionem  
destinaverit; immò *Gelasius* q in *Epistola*  
*sua ad Anastasium*, humiliter supplicans,  
illum Clementissimum & gloriosissi-  
mum *Augustum* appellat, & Dei in ter-  
ris Vicarium. Insupèr omnipotentem  
Deum orat, ut regnum eius & salutem  
perpetua protectione custodiat, & de-  
nique sub conspectu Dei purè & sincerè  
pietatem eius deprecatur, ut petiti-  
onem suam non indignantè accipiat.  
Quare miror *Gratiani* stupiditatem, ubi  
*Gelasium* introducit *Anastasio* minitan-  
tem, exemplo *Zachariæ* Pontificis, qui  
[*Childericum* Regem Francorum, non  
tam pro suis iniquitatibus, quàm pro eo  
quòd tantæ potestati erat inutilis depo-  
suit, & *Pipinum*, *Caroli* Imperatoris Pa-  
trem in eius locum substituit]: cùm ta-  
men *Gelasius* ante *Zachariæ* Pontificatū,  
& *Anastasius* ante *Caroli* Imperium, vel  
*Childerici* Regnum, per ducentos qua-  
draginta annos ad minus fato cesserint.  
Neque tamen illam inscriptionem e-  
mendatam video, in vlllo exemplari, vel  
typis excuso, vel manuscripto; nec ab

*Augu-*

*Augustino, Episcopo Terraconensi* animadu-  
uersam, qui tamen errores *Gratiani* ex  
industria collégit: verum in corpore iu-  
ris *Canonici* iussu *Gregorij* 13. Pontificis  
Romani edito, illam *epistolam* <sup>f</sup> *Gre-*  
*gorio* 7. ascriptam, reperio, Sed vrgent  
aduersarij, *Symachum* saltem *Gelasij*  
successorem, hunc Imperatorem *Ana-*  
*stasium* excommunicâsse; cùm tamen  
<sup>t</sup> *Euagrius* (à quo hæc suspitio desump-  
ta) tantùm affirmat, nonnullos tan-  
quam *Concilij Calcedonensis* aduersariū  
illum è sacris Tabulis exemisse: Hye-  
rosolymis verò Anathema fuisse illi de-  
nunciatū. Addit <sup>u</sup> *Nicephorus* hoc fact-  
um cùm adhuc superstes esset; <sup>x</sup> *Marti-*  
*nus* verò *Polonus*, & <sup>y</sup> *Iohannes Marius*  
hanc excommunicationem attribuunt  
*Anastasio* Papæ; <sup>z</sup> *Sabellicus*, <sup>a</sup> *Platina*,  
& *Ciaconius Gelasio*, sed hēsitantèr & ti-  
midè, cū reseruationibus: *Sunt qui scri-*  
*bunt, vt tradunt quidā.* Antiquiores verò,  
*Rhegino, Vrspèrgēs, Sigibers, Frisingēs,*  
*Marcianus Scotus, Hermanus Contractus,*  
*Gotfridus Viterbiensis,* de hui<sup>9</sup> Imperato-  
ris excōmunicatione, ne syllabā quidē:  
imò ipse *Symmachus* in suo ad *Anastasi-*  
*um*

f In Regi-  
stro lib. 8. e-  
pist. 21. He-  
rimerico E-  
piscopo me-  
tensi.

t Lib. 3. ca.  
34.

u Lib. 16.  
ca. 39.

x In Chron.  
y In lib. de  
schism. &  
Concil.

z Ænead.  
lib. 2.

a In vita  
Gelasij v-  
trig.

b *Tom. I.*  
*Biblio 5.*

c *Annal.*  
*tom. 3.*

d *Euag. lib.*  
*1. cap. 1.*

*um Apologetico*, tantum abest à fulmine in Imperatoris caput eiaculando, ut loco execrationis benedictionem retribuat verba, attendite. [ b Ego quidem Dominicis & Apostolicis eruditionibus instructus, benedictionem studeo tuis Imperator referre maledictis, contumelijs honorificentiam reddere & odijs redhibere charitatem. Sed vide, quæso, ne ab eo qui ait, mihi vindictam & ego retribuam, quantum à me remittitur, tantum à te cumulatius exigatur; an quia Imperator es, nullum Dei putes esse iudicium? ] Obserua lector dei iudicium, Imperatori tremendum, non humanum, quòd hic idem Imperator in vita non reueritus, in morte expertus est. Cùm enim aliquando tonitrua horrendum in modum resonarent (inquit c Zonaras ) & ipse perterritus è coenaculo in coenaculum descenderet, & alios atque alios thalamos subiret, in quodam Regio cubiculo mortuus est inuentus. Ita d Zeno Anastasij prædecessor, (qui perinde ac sibi persuasum haberet, se minimè totius terrarum Orbis dominatu potiri, nisi in omne voluptatum  
genus



genus effusè irrueret, flagitia in tenebris admittere, abiecti & pulilli animi putauit; palàm autem, atque in oculis omnium, (Regale quiddà esse & solo Imperatore dignum.) Tandem Morbo Comitiali correptus; vel vt alij, multo oneratus mero, viuus sepultus est inter mortuos, qui mortuus vixit inter viuos. Vos itaque Monarchiæ & mundi præsidēs, licèt humanis castigationibus non subiiciamini, his tamen exemplis.

*Discite iustitiam moniti, & non temnere Diuos.*

Sed ad pensum me reuoco, imperante *Anastasio*, regnauit in Africa *Thrasimundus* gente Gothus, naturâ barbarus, hæresi Arrianus. Hic in initio regni sui Orthodoxos persequutus est; non pœnis corporis, aut supplicijs, ut alij (inquit \* *Procopius*) sed præmijs ac honoribus, ad deferendam fidem inuitauit; † Postea verò temporis progressu, cum se parùm aut nihil lucratum istiusmodi tendiculis vidisset, adeò acritèr in illos desæuijt, ut simul 220, Episcopos Catholicos, & inter illos *Fulgentium Episcopum Ruspensẽ*, in insulam Sardiniam

e De bello  
Vand. li. 1.

† Paulo Di.  
alona de ge-  
stis Rom. lib.  
15.

am exilio relegaret. Quid? ducenti viginti Episcopi nihil contra vnum Regem machinari potuerunt? sed se in exilium relegari passi sunt? prorsus nihil; non quod vires illis defuerint, sed resistendi voluntas. Imò, non solum à resistendo aut maledicendo abstinuerunt; sed se regem nihilominus colere, honorare, palàm & apertè professi sunt. Inter alios autem eruditionis & sanctitatis:

———*Fulgore notabilis ipso,*

Diuus *Fulgentius* Regi *Thrasimundo* tres libros dedicauit, vbi in prioris ingressu, hæc habentur verba. [§ Quocircà, cum pro nostrâ fide in quantum facultatem diuinitus accepimus, liberè respondemus, nulla contumaciæ seu contumeliæ debemus suspitione notari. Cum nec Regiæ simus dignitatis immemores, sciamusq; Deo timorem, honorè Regibus exhibendum (Apostolica, ita nos præmonente doctrina:) *reddite omnibus debita, & paulò pòst, cui timorem, timorem, cui honorem, honorem.* Huius timoris honorisq; manifesta nobis B. *Petrus* aperuit discretionem notitiam, dicens:

*sicut*

g Lib. I. de  
myst. med.

*sicut serui Dei omnes honoratè, fraternitatem diligite, Deum timete, Regem autem honorificate.] In fine autem* <sup>h</sup> *Libri 3. ita demùm concludit: ] oramus autem Deum, vt aures clementiæ tuæ verbo veritatis placidas reddat, & pio cordi tuo lumen sapientiæ spiritualis infundat, vt filium Dei Dominum IESVM Christum sic honorifices sicut honorificas Patrem; meretur enim hoc à te, vt eum qui te fecit, Patre tuo meliorè, Patri suo (secundùm diuinam naturam) fatearis æqualem. Quæso gloriose Rex, vt in te cõlideres largitatem diuini muneris, & potestatem non minuas largitoris, vt qui tēporale donauit regnum, donet etiam sempiternum: [ Nec Africanæ diffimilis Ecclesia Gallicana, quæ circa idem tempus in *Synodo Agathensi* congregata, pro vitâ & salute *Alarici* Regis etiam *Arriani*, Deum deprecata est: ipsa verò oratio in Actorũ Synodaliũ frontispicio reperta, ita se habet. Cum in Dei nomine, ex permissu Regis in *Agathensem* ciuitatem Sancta Synodus conuenisset, & in *S<sup>c</sup>. Andreæ* Basilica consedissemus, ibique flexis*

*h De passione Domini.*

*i In Tom. Concil. Volum. 2.*

flexis genibus in terra pro Regno ejus, pro longevitate populi deprecemur, vt qui nobis congregationis permiserat potestatem, vt regnū ejus Dominus fœlicitate extenderet, iustitiā gubernaret, virtute protegeret, &c.] Post verò Canones succenturiatos, sequitur Epilog⁹: [Gratias Deo primitus, & Domino nostro Regi agamus, orantes diuinam clementiam, vt hæc eadem facere & docere, per multos annos in honorē Domini possimus.]

## CAP. IX.

*De obedientia Iustiniano præstita, licet in Hæresim lapsus fuerit; & testimonio Agapeti de immunitate Regum.*

**A** Nastasio successit in Imperio Iustinus; Iustino, Iustinianus, qui p securiori sua suæq; Regine incolumitate, & tutela, iuramentū à singulis Prouinciarum Præfectis exegit, forma & modo sequenti. [<sup>k</sup> Iuro ego per Deum omnipotentem, & filium ejus vnigenitum, Dominum nostrū Iesum Christum, & Spi-

<sup>k</sup> Authet.  
Coll. 2. No-  
uel. 8. tit.  
Iuro ego.



Spiritum Sanctū, & per Sanctam gloriosam Dei genetricem, & semper virginem *Mariam*, & p̄ quatuor Euangelia, quæ in manibus meis teneo, & p̄ Sanctos Archangelos *Michael* & *Gabrielem*, puram conscientiam, germanūmq; seruitium me seruaturum, sacratissimis nostris Dominis *Iustiniano*, & *Theodora* conjugī ejus, occasione traditæ mihi ab eorum pietate administrationis, & omnem laborem & sudorem, cum fauore, sine dolo et sine arte quæcunque, suscipio in commissā mihi ab eis administratione, de eorum Imperio atq; Repub. impendam, & cōmunicator sum Sanctissimæ Dei Catholicæ & Apostolicæ Ecclesiæ, & nullo modo vel tempore aduersabor ei, nec quemcūq; permittam in quātum possibilitatem habeo.] Huic Imperatori suam schedam Regiam, hoc est sententias de officio Regis Paræneticas dedicauit *Agapetus* magnæ & sacrosanctæ Dei Ecclesiæ Diaconus, quas hunc in modum exorditur. [*Honore quolibet sublimiorem quum habeas dignitatem, meritò præ omnibus cum qui isto te exornare est dignatus, Deum nempe sum-*

1 Non adj-  
citur Ro-  
mane.

m Index  
Expurgato-  
rius Rom.  
fol. 200. &  
903.

n Pag. 18.

o Serm. I.  
Tom. 5. Bi-  
blioth. Sanctæ  
p Serm. 9.  
de Magi-  
strat. ibidē.

*summum rectè colis.*] Huius sententiæ priorem partem, suæ in Reges vsurpatę potestati damnosam fore præuidens Romana Curia, illud in margine annotandum mandauit, [<sup>m</sup> inter sæculares puras duntaxat:] sed hanc Glossam Textum corrumpere, ex sequentibus apparet; cum sententia 21. ejusdem Tractatus asserat idem author, *Imperatorem potestatem Maiestate esse similem Deo, cum non habeat in terris se quicquam excelsius.* Quod benè animaduertentes *Quiroga Archiepiscopus Toletan<sup>o</sup>*, reliquique Inquisitores *Hispanici* in suo <sup>n</sup> *Indice Expurgatorio*, illa posteriora verba deleri iubent, licèt in ipso originali Græco, & in omnibus quas vidi tum trāslationibus, tum editionibus integrè legātur; nec non in <sup>o</sup> *Melissis Antony Abbatis*, & p *Maximi* locis communibus: quos libellos, propterea auguror in postrema editione Parisiensi Bibliothecæ Sāctorum Patrum vna litura expungi. Sed dabimus illa deleri, supererunt tamen apud eundem *Agapetum*, quæ nō minùs nostram causam stabiliant, aduersariorum vulnerent: imò iugulent sententia

tētia enim 27. Imperatorem hortatur, vt sibi ipsi imponat necessitatem leges obseruandi, rationem subnectit; *quia non habet in terris qui ipsum possit cogere.* Certē si in terris habuerit qui ipsum possit iudicare, possit deponere, possit interficiendum mandare, habuisset qui possit cogere; sed illa hercle *Agapeto* doctrina prorsus fuit incognita, licet Romano Pontifici, homini inprimis cordato, & insignitèr erudito: Romano, inquam, Pontifici, ausim confidentèr dicere, licet Pontificij moderni (his se confossos sententijs tanquàm pugionum ictibus sentientes) de eo ambigāt; sed qua nixi ratione prorsus non video; cū omnes illius Pontificis circumstātiæ, huic nostro Diacono bellè quadrēt, nec quicquam impedit Diaconū hunc, vt illum Pontificem Romanis ortum patentibus, q̄ in sua Parænesi Attico (vt loquitur *Baronius*) & ex cultis sermonis genere, Græcum referat. Cū ex Historijs constet etiam, *Agapetū Papam* cum Græcis fuisse versatissimum, vtpote qui à *Theodato* Rege (sue Regine *Amalasuntha* a/sasino) missus ad Imperatoris

q̄ In appen-  
dice ad  
tom. 7.

[ Zonaras.

toris *Iustiniani* iram sopiendam <sup>f</sup> Legatione fungeretur: in qua obeunda, eum cum Imperatore familiariter collocutū legimus, neq; alia puto *Iustinianum* lingua vsum præter Græcam, quum & ipsi vernacula, siue materna fuerit, & (teste *Cuspiniano* & *Suida*) esset ipse ἀναφραβνός, omnium scilicet & artium & Linguarū prorsus expers. Neq; tum temporis minus vsitatā crediderim Romanis præsertim doctiorib<sup>9</sup> linguam Græcā (propter frequēs & assiduū cum orientalib<sup>9</sup> cōmercium) quam occidentalib<sup>9</sup> hodie lingua latina, quam tamen è Germanis, Gallis, Anglis purissimè semper & loquuti sunt & scripserūt aliqui, vt vt sit, *Baronio* de stylo Græco Criticū agenti, non nimis credendū arbitror, cum suos Tractatus Græcos, in Bibliotheca *Vaticana* repertos, alijs transferēdos dedisse, passim fateatur. Postremò, q̄ ad Authorem huius opusculi obscurandū asserat ex Actis Synodi Constantinopolitanæ sub *Menna*, constare duos claruisse *Agapetos* vtrosq; Monasteriorum *Archimandritas*, potiùs hoc factum iudico (vt rectè idē prius obseruauit *Index Expurgatorius*



*gatorius Romanus* )vt ostendit quis nō sit  
eiusdem author, quā quis sit. In sub-  
scriptionib<sup>9</sup> enim ad acta huius *Concilij*  
nihil tale reperio, nisi ex errato Typo-  
graphico; cū semel tātum vel bis no-  
minetur *Agapetus* *Thalassij*, q<sup>ui</sup> idē alibi  
quinq<sup>uies</sup>, aut sexies ad minas *Agapius*  
*Thalassij* appelletur; neuter verò Diacon<sup>us</sup>  
Magnæ sacrosanctæ Ecclesiæ, hoc est  
*Romana*, vt ipsi *Romanēses* interpretātur  
omnes, t<sup>amen</sup> vno Binio excepto. Qui potius  
quā admitteret huius orationis Paræ-  
neticæ (licet elegantis & politæ) autho-  
rem fuisse Romanū Pontificem, maluit  
Ecclesiam Constantinopolitanam, vt  
ἐξ ὧν Magnam appellari. Sed in his tri-  
cis diutius immorari non licet, digitum  
tantum ad horum hominū imposturas  
et strophas intendo, et ad *Iustinianū* re-  
deo, q<sup>ui</sup> versus senectutem in *Apt<sup>h</sup>har-*  
*todocitarum* (corp<sup>us</sup> Xpi impassibile esse  
negantium Hæresin lapsus, Sacerdotes  
et Episcopos, vt sibi assentirēt<sup>ur</sup> cōpel-  
lere instituit, omnesq<sup>ue</sup> sibi cōtradictēs  
in exilium mittere minatus est: imò *Eut-*  
*ichium* Patriarcham Constantinopolitanū,  
et *Anastasium* Antiochenum mirū in mo-  
dum

t In Indice  
ad Bibl.  
Sanctam.

u Niceph.  
l. 17. c. 31.

x Enag. l. 4  
c. 31.

y Crinitol.  
9. ca. 6.

z Cuspin.  
in vita Iu-  
stiniani.

\* Euag. li.  
4. ca. ult.  
a Sap. 6.

dum exagitauit. Neq; propterea legim<sup>9</sup>  
horum vtrumuis, vel ipsum Episcopum  
Romanū, hunc Imperatorē Anathe-  
mate percussisse, q<sup>uod</sup> x *Prasinos* ipsa in media ciuita-  
te suos trucidantes aduersarios, nō mo-  
dō Legib<sup>9</sup> non cohibuerit; sed præmijs  
psequutus sit. Item, q<sup>uod</sup> ducem y *Belisariū*  
de Repub. optimē meritum, honorib<sup>9</sup>  
paritē & visu indignē priuauerit; deni-  
que, q<sup>uod</sup> z *Tribonianū* præcipuum Legum  
Cōpilatorem, hominem Paganum &  
Christianæ religionis contemptorē, æ-  
rarij Quæstorem creauerit, & in ipso  
quasi filiu fouerit. Quare humanæ cen-  
suræ non obnoxius, diuina pudentia,  
repentina morte vix sui compos, \* ex  
impulso pcuss<sup>9</sup> est. [a *Audite ergo Reges*  
& intelligite, discite indices finium terra,  
præbete aures vos qui continetis multitudi-  
nes, & placetis vobis in turbis nationū, quo-  
niam data est a Domino potestas vobis, &  
virtus ab altissimo, qui interrogabit opera  
vestra, & cogitationes scrutabitur. Quonia  
cū essetis ministri Regni illius, non recte  
indicastis, nec custodistis legem iustitiæ, neq;  
secundum voluntatem Dei ambulastis, hor-  
rendē

renatè & citò apparebit vobis quoniā iudicium durissimū, in his qui præsunt fiet, exiguò enim conceditur misericordia: potentes autè potenter tormenta patientur.] In hunc Principem nihilomin⁹ post ipsius mortem paulo iniquior mihi videtur <sup>b</sup> *Eugrius*, dum illū ad supplicia apud Inferos luenda fuisse pfectum fidēter asserit, cuius auctoritatem nimis avidè amplexantur, q̄ *Iustinianum* nimiam in Ecclesiasticos auctoritatem vsurpasse autumant. <sup>c</sup> *Gregorius* autem *Magnus*, illum nunq̄ nisi summo cum honore & reuerentia nominat, eūq; passim *Piæ* memoriæ Imperatorem appellat. *Sexta* item *Synodus Romana* in Præfatione, eū <sup>d</sup> beata requie dignatur: *Corippus* verò Poeta funebrem eius Pompam ita versibus describit.

*Thura Sabæa cremant, flagrantia mella locatis  
Includunt pateris, & odore Balsama succo.  
Cētum alia species, unguentaq; mira feruntur,  
Tempus in aeternum sacrum servantia corpus.  
Quis memorare potest, tanta miracula pompa?  
Hinc Levitarum mirabilis ordo cāentum,  
Virgineus tonat inde chor⁹, vox aethera pulsat.*

b *Li. 5. c. 1.*c *Lib. 2. E. pist. 10. in. dist. 11. & lib. 3. Epist. 4. in dist. 12.*d *μακαρί- ας ἀνέστει.*

## CAP. X.

*De testimonio Gregorij Magni, & interitu Phocæ Mauritij interfectoris.*

**I**ustiniano successit Iustinus Iunior; Iustino Tiberius; Tiberio autem Mauritius. Illo Imperante, Romanæ Ecclesiæ præsidebat Gregorius eius nominis Primus, & cognomento Magnus: quæ licet alicubi renitatur Legi Imperatoris, ut ipse putabat iniuste: quâ prohibuit, ne milites in Monasteria susciperentur; ibidem tamen fatetur, *Deo reum esse qui serenissimis Dominis in omne quod agit & loquitur, purus non est.* Alibi et conqueritur, se Imperatorem fatuitatis insimulasse, quæ licet ostendat fuisse indignum & Imperiali maiestate quæ faceret, & gravitate sacerdotali quæ pateretur; tandem tamen cum precibus & lachrymis in hunc modum concludit: [Inter hæc ergo omnia incerta, ad solas lachrymas redeo, petens, ut idem omnipotens Deus piissimum Dominum nostrum, et sua hic manu regat, & in illo terribili iudicio liber ab omnibus delictis inueniat.] Nihil hic animosus Pontifex de Anathemate, de depositione

c Lib. II.  
Indict. II.  
Epist. 62.

f Epist. 31.  
lib. 4. Indict. 13.



sitione nihil: imò tantum abfuit ab Imperatoris vita, vel aperta vi, vel clādestinis insidijs auferenda, vt à *Longobardorum* & hostium & *Barborū* sanguine effundendo, se conscientia obstrictum abstinuiffe palàm fateatur. Sic enim in *Epistola ad Sabinianum Diaconum*, ipse suo calamo testatum reliquit. [§ Si ego in morte *Lōgobardorum* me iniicere voluissē, hodie illorū Gens, nec Regem, nec Duces, nec Comites haberet, atque in summa cōfusione esset diuisa: Sed quia Deum timeo, in morte cuiuslibet hōis me miscere formido,] non inquit, quia *desunt vires*: sed quia *Deū timea*. Et certè si in morte cuiuslibet hōis se miscere formidauerit, multo magis Imperatoris. Quare, licet in *Epistolis* suis ad *Phocā Mauritiij* interfectorem et successorem, & ad *Leontiam eius Imperatricem*, de eorū imperio p̄ *Mauritiij* necem adepto propter Ecclesiæ pacem exultare & gestire videatur: nihil tū de *Mauritio* (iam mortuo, sibiq; dum in viuis esset minimè p̄pitio) ignominiosum, virulentum, nihil effudisse; multò minùs ejus interitum fuisse machinatum, aut cum *Phoca* con-

g *Epist. 1.*  
lib. 7.

h De Pasto-  
rali Cura.  
p: vi. 3. adm.  
5.

spirâsse deprehensus est. Imò vt intelli-  
gant Regicidarum Patroni, quantum  
abhorruerit bonus hic & pius Episco-  
pus, à sacris Principum licèt scelerato-  
rum personis temerâdis: audiant illum  
eorum reprehensores, nō gladijs jugu-  
los, sed linguis tātum famam impeten-  
tes ita monentem, objurgantem ( nec  
pigeat hic ex illo *de Pastoralis Cura Li-  
bro* suauissimo, integram pænè Paginā  
attexere; cum tanta sit & personæ lo-  
quentis grauitas, & loquutionis ad præ-  
sens ppositum confirmandum claritas.  
Sic igitur verba se habēt. <sup>h</sup> Admonen-  
di sunt subditi, ne præpositorum suorum  
vitam temerè judicent, si quid eos for-  
tasse agere deprehensibiliter vident: ne  
vnde mala rectè redarguunt, inde pe-  
lacionis impulsus in pfundiora mer-  
gantur. Admonēdi sunt, ne cū culpas  
præpositorum considerant, contra eos  
audaciores fiāt: sed sic si qua valdè sunt  
eorum praua, apud semetipsos dijudi-  
cent, vt tamen diuino timore cōstricti;  
ferre sub eis jugum reuerentiæ non re-  
cusent. Quod melius ostendimus, si *Da-  
uid* factum ad medium deducam⁹. *Saul*  
quippe

quippe persequutor, cū ad purgan dū  
ventrem speluncam fuisset ingressus, il-  
lic cum viris suis David inerat, qui iam  
tam longo tempore persecutionis eius  
mala tolerabat. Cūque cum viri sui  
ad ferendum *Saul* accenderent, fregit  
eos responsionibus, quia manum mit-  
tere in *Christū Domini* non deberet. Qui  
tamen occultè surrexit & orā chlamy-  
dis eius abscidit. Quid enim p *Saul* nisi  
mali Rectores, quid per *David* nisi boni  
subditi designantur? *Saul* igitur ventrē  
purgare, est prauos Præpositos concep-  
tam in corde malitiā vsq; ad opera mise-  
ri odoris extendere, & cogita apud se  
noxia factis exterioribus exequendo  
monstrare. Quē tamē *David* ferire me-  
tuit, quia piæ subditorū mentes, ab om-  
ni se peste obtrectionis abstinētes, præ-  
positoꝝ vitā nullo lingue gladio pcutiāt  
etiam cū de imperfectione reprehē-  
dunt. Qui & si quandò pro infirmitate  
se se abstinere vix possunt, vt extrema  
q̄dam atq; ppositorum mala, sed tamen  
humiliter loquantur, quasi oram chla-  
mydis silenter incidunt. Quia videlicet;  
dū p̄latę dignitati saltē innoxie & la-  
ten-

tenter derogāt, quasi Regis superpositi vestem secant; sed tamen ad semetipsos redeunt, seq; vehementissimè, vel de tenuissima verbi laceratione rephendunt. Vnde benè & illic scriptum est; posthæc *David* percussit cor suū eo q̄ abscidisset oram chlamydis *Saul*. Facta quippe p̄positorū oris gladio ferienda nō sunt, etiā cū rectè reprehendenda iudicantur. Si quādo verò contra eos, vel in minimis lingua labitur, necesse est, vt per afflictionem penitentię cor p̄matur: quatenus ad semetipsū redeat, & cū p̄positę Potestati deliquerit, eius cōtra se iudiciū à quo sibi p̄lata est phorrescat. Nam cū in p̄positis delinquim⁹, eius ordinationi q̄ eos nobis p̄tulit, obuiam⁹. Vnde *Moses* quoq; cū contra se & *Aaron* conqueri populū cognouissent, ait: [*Nos enim quid sumus? Nec contra nos est murmur vestrū, sed contra Dominū.*] Et ne *Moralia* ab eius *Pastoralibus* & *Epistolis* diffetire quis putet; testimonium eius etiam inde petitum accipitote. Vbi in illa *Iobi* verba: *Si aduersum me terra mea clamat, & cū ea sulci eius deflent*, hunc in modum allegorizat. [i Omnis qui præest, si puerſa in



in subditis exercet, contra hūc terra clamat, & sulci deflent, quia contra eius iniustitiam rudes quidem populi in mururationis vocibus erumpunt; sed perfecti quiq; prauo eius opere sese in flelibus affligunt, quodq; imperiti clamāt & dolent, hoc probatoris vitæ subiecti deflent & tacent. Hæc cū itā se habeant, miror hercle quid Romanistis in mentē venerit, q̄ inter Epistolas S<sup>ti</sup> Gregorij<sup>k</sup> Priuilegiū tanquā ab illo S<sup>ti</sup> Medardi Monasterio concessum insererāt, in cuius Epilogo hunc in modum

*Proijcit ampullas & sesquipedalia verba.*

[Si quis Regum, Antistitū, Iudicū, vel quarumcunq; sæcularium personarum, huius Apostolicę authoritatis, & nostrę præceptionis decreta violauerit, aut cōtradixerit, aut negligenter duxerit, vel fratres inquietauerit, vel conturbauerit, vel aliter ordinauerit: cuiuscunq; dignitatis, vel sublimitatis sit, honore suo priuetur, & vt Catholicę fidei deprauator, vel S<sup>c</sup>. Dei Ecclesię destructor, à cōsortio Christianitatis, & Corpore ac Sanguine Domini nostri Iesu Christi sequestretur, & omniū maledictionū anathe-

ma-

*k Lib. 2. Indict. 11. Inter epist. 38. & 39.*

mate, quibus Infideles & Hæretici ab initio sæculi vsq; in p̄sens damnati sunt, cum Iuda traditore Domini, in inferno inferiori damnetur; nisi digna pænitentia p̄fatorum Sanctorū sibi propitiauerit clementiā, & Fratrum communem reconciliauerit concordiam.

*Quid tanto dignū feret hic promissor hiatu?*  
Magnificè quidē loquitur, & satis p̄ imperio quisquis est: Certè minis pro illo ingenuo *Gregorij* candore & humilitate, qua se alibi indignū Imperatoris seruū; imò puluerem & vermem confitetur. Si igitur hoc Priuilegiū, in quo tantopere gloriantur, & toties inculcant Pontificiorum Primipili, nō ita clarè spurium & adulterinum demonstrem, ac solem in coelo lucere; mihi causa cadat, ego sibilis explodam. Primū itaq; & palmarium Argumentū hoc sit, q̄ in Manuscriptis Codicibus nec vetustis, nec recentioribus, vllibi compareat; vnde in Priore *Editione Romana* ad finē Epistolarū tāq̄ excrementitiū quid adijcitur, in nouissima verò, vt pl<sup>o</sup> inde authoritatis obtineret & ponderis, tanq̄ ipsius corporis natiua & germana pars, inter ipsas Epistolas

1 Epist. 62.  
lib. 2. in dict.  
11.

stolas locum obtinet. Secundum Argumentū est, q̄ rex *Theodoricus* & Episcoporum aliqui subscribentiū, vtpote *Augustinus Cantuariensis*, & *Mellitus Londoniensis* (ipso attestāte<sup>m</sup> *Baronio*) tū temporis non fuerint inaugurati, qui propterea illam subscriptionem adjectitia m ingenuè fatetur; Tertiū erit, q̄ datū sit anno ab *Incarnatione Domini* 594, q̄ dādi formulam, etiā post tēpora *Gregorij* 7. inusitatam fuisse, ex eius Actis & Epistolis apparet. Quod autē tēpore *Gregorij* primi, Hispani p̄ ēras tantū, reliq; nationes p̄ Indictiones cōputarent, dotis notius est q̄ vt vltiori aliqua probatione indigeat. Quartum, q̄ *Gregorius Septimus* in sua ad *Herimannū Episcopum Metensē* Epistola, vbi ex industria pro auctoritate Pontificia supra Imperatoriā quicquid potuit conuassauit, hui<sup>9</sup> tamē Priuilegij non omninò meminerit, licet illi hoc affingat & *Cesar* <sup>n</sup> *Baronius* in suis Annalibus, & <sup>o</sup> *Seuerinus Binius*, nota ad illam Epistolā marginali, vtriq; fortassis decepti q̄ ibidem ex alia eiusdem *Gregorij Magni* Epistola simile quid, citatis verbis illius Priuilegij allegetur: cū hoc

ta-

m Tom. 8.  
pag. 65.

n Tom. 8.  
pag. 64.  
o Ad epist.  
21. *Gregorij*  
7. Tom. 4.

§ In defen-  
fione fidei  
Catholicæ  
Contentæ in  
lib. Sereniff.  
Regis Mag.  
Britan. c. 5.

p In Mar-  
tyri. Iun. 8.  
q Ib' dem.  
r Vide  
Paulum  
Æmilium  
du Hallan  
& alios.

t Lib. 18.  
cap. 56. idē  
pene memo-  
rant Cedre-  
nus & Zo-  
narus.

tamen discrimine, q̄ non ibi mandet, ut  
honore Rex priuetur, sed tantū p̄cetur ut  
honoris dignitate careat, reumq; tandem di-  
uino iudicio remittit. Neq; hic negligē-  
dum arbitror, q̄ acutissimus <sup>f</sup> Molinæus  
ad hoc Priuilegium arietandum ex vo-  
cabulis obseruauit, è quibus illud impri-  
mis, *Dominus Medardus*, q̄ Gallico idio-  
mati *Mon. S<sup>t</sup> Medard* p̄priè respondet,  
Priuilegium ab alicuius Galli cerebello  
excusum suspitionē ingerit non leuem.  
Taceo, q̄ apud Authores classicos, vix  
constet, an hoc *Monasterium Medardo*  
consecratum, tempore *Gregorij Magni*  
in rerum natura extiterit; cum in vita  
*Clotarij* vel *Sigeberti Regū Franciæ* (qui-  
bus illius structurā ascribit è *Surio* <sup>p</sup> *Baro-  
nius*, è *Fortunato* <sup>q</sup> *Surius*) apud melio-  
ris notæ <sup>r</sup> Historicos nihil tale reperia-  
tur. Peto à beneuolo lectore, ut si otii &  
Libri suppetant, dignetur quæ de hoc  
Priuilegio obseruauit consignatis tabu-  
lis euentilare. Sed quid moror? ad  
Tragicum *Phoca Mauritij* interfectoris  
interitum anhelat oratio, quem hunc in  
modum describit <sup>t</sup> *Nicephorus*. [Hisce  
rebus ita actis, tumultus ingens urbem  
in-



inuasit, & ex illustribus & præclaris viris *Photinus* (*Phoca* q̃ maximè infectus, nam uxorem eius ille constuprarat) cum multitudine magna Imperialem regiã ingressus, Tyrannum throno suo detraxit, eiq; amicis ministrisq; eius, huc atq; illuc dilapsis, ei purpuream vestem ademit et pullam iniexit, ac mox vinctum ad *Heraclium* deduxit: ille porro cum perlibentè id vidit, tum conuitijs plurimis, coniectis calcibus ei insultauit, & statim Tyranno manus & pedes rescari, deinde petulantem eius luxuriã veluti publico monumento traducens, propterea quòd coniugibus multorum vim intulisset, pudibunda exscindi, postremoq; omnium caput amputari iussit; corpus autem in felici eius hominis, in Bouem *Æneum* qui Pergamo allatus fuerat Conijci, Coniectum itaq; in cineres (pro eo atq; par erat) redactum est, genere eius reliquo, vnà cum illo extincto: ] ita periit *Phocas* Imperatoricida atq; ita pereant omnes, qui vinctum Domini, vel manu, vel lingua, vel calamo, vel cogitatione malitiosa tetigerint. [ <sup>u</sup> *Cum iudicatur, exeat condemnatus,*

tus, et oratio eius fiat in peccatum, fiant dies eius pauci: & Episcopatum eius accipiat alter, fiant filij eius orphani, & uxor eius udua. Nutantes transferantur filij eius, & mendicent: & eijciantur de habitationibus suis. Scrutetur fœnerator omnem substantiam eius, & diripiant alij labores eius. Non sit illi adiutor, nec sit qui misereatur pupillis eius. Fiant nati eius in interitum: in generatione una deleatur nomen eius. In memoriam redeat iniquitas Patrum eius in conspectu domini: & peccatum matris eius non deleatur. Vosque interim terræ Domini:

Vos, quibus Rector Maris atque terra,  
Ius dedit magnum necis atque vitæ;  
Ponite inflatos, tumidosque vultus,  
Quicquid à vobis minor extimefcit,  
Maior hoc vobis Dominus minatur.

**FINIS.**